


রত্নাবলী ।

—SSSS—

শ্রীযুত তারকচন্দ্র-চূড়ামণি
প্রণীত ।



কলিকাতা ।

মুজাপুর, অপর সরকারিউলার রোড,
৫৮ । ৫ সঙ্খ্যক ভবনে

গিরিশ-বিদ্যারত্ন যন্ত্রে
দ্বিতীয় বার মুদ্রিত ।

—SSSS—

সংবৎ ১৯২৬

মূল্য ৯০ দশ আনা ।

বিজ্ঞাপন ।

রত্নাবলী দ্বিতীয়বার মুদ্রিত ও প্রচারিত হইল । এবারে অনেক স্থান পরিবর্তিত এবং পরিষ্কৃত করা গিয়াছে ।

কৃতজ্ঞ-চিত্তে স্বীকার করিতেছি, এই দ্বিতীয়বার মুদ্রাক্ষন বিষয়ে শ্রীযুক্ত গিরিশ-চন্দ্র বিদ্যারত্ন মহাশয় আমার যথেষ্ট সাহায্য করিয়াছেন । কিমধিক নিতি ।

মোং জিলা ঢাকা । }
১২৭৬ । ১৫ই টেব্র । } শ্রীভারকচন্দ্র শর্মা ।

প্রথম বারের বিজ্ঞাপন ।

সংস্কৃত-ভাষায় যে সকল প্রাচীন নাটিকা গ্রন্থ আছে, ভগ্নাধো রত্নাবলী সর্বোৎকৃষ্ট এবং সর্বজন-সমাদরণীয় । কবি-প্রবর শ্রীহর্ষ-দেব রত্নাবলী প্রণয়ন করেন । এই উপাখ্যান ভাগ সেই রত্নাবলী হইতে সংকলিত হইল ।



সংস্কৃত ও প্রাকৃত উভয়-বিধ ভাষায় বিরচিত নাটক, ভোটক, নাটিকাদির ভাষান্তরে অবিকল অনুবাদ করা অথবা যথাযথ রূপে উপাখ্যান ভাগ সঙ্কলন করা বড় সহজ ব্যাপার নয় । অতএব রত্নাবলীর এই উপাখ্যান ভাগ সংকলন বিষয়ে আমি যে কৃতকার্য হইতে পারিয়াছি, একথা বলিতে পারি না ; তবে এই মাত্র বলিতে পারি, নাটক নাটিকাদির উপাখ্যান ভাগ যে-প্রণালীতে সংকলিত করিতে হয়, তদ্বিষয়ে আমার যতদূর সাধ্য, তাহার ক্রটি করি নাই । যাহা হউক, এইক্ষেণে পাঠক মহাশয়েরা অনুগ্রহ প্রদর্শন পূর্বক ইহাতে এক-একবার দৃকপাত করিলেই কৃতার্থ হই ।

অবশ্য-কর্তব্য কৃতজ্ঞতা-স্বীকার না করিলে মহাপাপ হয়, এই নিমিত্ত অঙ্গীকার করিতেছি, এই উপাখ্যান ভাগ মুদ্রিত করিতে যে অর্থ ব্যয় হইয়াছে, উত্তরপাড়া নগর নিবাসী সম্ভ্রান্ত জমিদার আমার পরম বন্ধু শ্রীযুত বাবু বিজয়কৃষ্ণ মুখোপাধ্যায় তথা শ্রীযুত বাবু হরিহর মুখোপাধ্যায় মহাশয় দ্বয় তাহা দিয়াছেন। অধিক কি, উল্লিখিত মহাশয় দ্বয় আমার প্রতি এরূপ অনুগ্রহ না করিলে, এই বহু-ব্যয়-সাধ্য ব্যাপারে আমি কখনই কৃতকার্য হইতে পারিতাম না। উক্ত নগর নিবাসী শ্রীযুত বাবু গোবিন্দচন্দ্র মুখোপাধ্যায় মহাশয়ের সুপাত্র পুত্র শ্রীমান বাবু গতিলাল মুখোপাধ্যায়, এ বিষয়ে যথেষ্ট অনুগ্রহ প্রকাশ করিয়াছেন। কিমধিক মতি।

মোঃ উত্তরপাড়া।

১২৬৪। ৪ ঠা, আশ্বিন।

} শ্রীভারতচন্দ্র শর্মা।



বতাবলী।

— ৪৪৪ —

প্রথম অঙ্ক।

— — —

পুরাকালে এই ভারত-বর্ষে বংস নামে প্রসিদ্ধ এক দেশ ছিল। তাহার রাজধানীর নাম কোশাঘী। বসন্ত-কালে সেই কোশাঘী নগরীতে একটা মহোৎসব এবং ভূপালকে মহা-সনারোহ হইত। সে দিন, তথাকার কি ধনী, কি দীন, কি গৃহস্থ, কি উদাসীন সকলেই উপযুক্ত উপচার পূর্বক ঘটা করিয়া প্রভুত্বের পূজা করিতেন। রাজপথে গান, বাদ্য ও আবীর খেলার ভারী আমোদ-প্রমোদ চলিত। বিশেষতঃ বারাদনারা ব্রীড়াশূন্য এবং রাজপথে বাহির হইয়া, অসংকোচে কন্দর্পের দর্প সদৃশ ক্রীড়া-কৌতুক করিত।

কোন সময়ে, তথায় উদয়ন-নামী সম্রাট ছিলেন। একদা, তিনি পৌরগণের সেই মদন-মহোৎসব সন্দর্শনার্থ কোতুলকান্ত হইলেন। বসন্তক-নামক এক ব্রাহ্মণ তাঁহার সহচর ছিলেন। রাজা, উৎসব-যোগ্য বেশভূষা সমাধান ও বসন্তকে সমুত্তিষ্যাহারী করিয়া, প্রাসাদের উপর অধিরোহণ করিলেন। প্রিয় সহচর বসন্তকের সহিত রাজার তৎকালোচিত নানাপ্রকার আমোদ-প্রমোদ, বহুধা হাস্য-পরিহাস ও বিবিধ-বিষয়ী কথোপকথন চলিতে লাগিল।

এইরূপ কোতুলক চলিতেছে, এমন সময়ে, মদনিকা ও চুতলভিকা নামী দুই দাসী অন্তঃপুর-হইতে আসিয়া, বিহিত বিনয়-নম্রভাব-সম্বলিত হর্ষ প্রদর্শন পূর্বক কহিল, মহারাজ ! 'মহারাজী আজ্ঞা করিয়া—'

এই অক্লান্তি করিয়াই লাজিত হইয়া পুনরায় বলিল, না না, মহারাজ! মহারাণী নিবেদন করিয়াছেন। রাজা আছাদিত হইয়া, হাসিতে লাগিলেন এবং অত্যন্ত সমাদর প্রদর্শন পূর্বক কহিলেন, মদনিকে! চুতলতিকে! অরে! মহারাণী আজ্ঞা করিয়াছেন, ইহাই অতি মিষ্ট কথা। বিশেষতঃ আজিকার মদন-মহোৎসবের দিনে। অতএব বল বল, রাজ্ঞী কি আজ্ঞা করিয়াছেন?

বসন্তক, ক্রুদ্ধ হইয়া কহিয়া উঠিলেন, আঃ দাসী-পুত্রি! কি এ? “মহারাজ্ঞী আজ্ঞা করিয়াছেন” এ কি কহিস্! দাসীরা পুনরায় কহিল, মহারাজ! মহারাণী নিবেদন করিয়াছেন, “আজি আমি মকরন্দোদ্যানে রক্তাশোক পাদপে ভগবান্ কুমুদায়ুধের ব্রত করিব। অতএব আৰ্য্যপুত্র সেখানে শুভাগমন করিলে কৃতার্থ হই।” তখন, রাজা স্মিতমুখে বসন্তককে সম্বোধন করিয়া কহিলেন, মধে! কি বলিব; এ যে উৎসবের উপর উৎসব উপস্থিত দেখিতেছি। বসন্তক আছাদিত হইয়া বলিলেন, তবে গা তোল, সেই খানেই যাওয়া যাউক। আমি বানগের ছেলে; সেখানে গেলে, অবশ্য আমারও কিছু স্বস্তি-বাচন মিলিবে, সন্দেহ নাই। রাজা বলিলেন, মদনিকে!—চুতলতিকে! যাও, রাজ্ঞীকে নিবেদন কর; শীঘ্রই আমি মকরন্দে উপনীত হইতেছি। দাসীরা “যে আজ্ঞা মহারাজ!” বলিয়া, প্রস্থান করিল।

অনন্তর, রাজা ও বসন্তক উভয়ে প্রাসাদ হইতে অবতরণ পূর্বক মকরন্দে প্রবেশ করিলেন। কিয়দূর গমন করিয়া, বসন্তক বিস্মিত হইয়া কহিলেন, মহারাজ! দেখ-দেখ, আজি মকরন্দের কি অপূর্ব শোভা দেখিতেছি। আরাম, আপনকার শুভাগমন হইয়াছে, বলিয়াই যেন সমাদর ও সমারোহ প্রদর্শন করিতেছে। আহা! ঐ দেখ, মলয় নারিকত দ্বারা সহকার সকল, কেমন সুন্দর কল্পিত হইতেছে। তাহা হইতে বিগলিত হইয়া রেণুপটল, সমীরণ-ভরে গগনের অভ্যন্তরে

কি চমৎকার উজ্জীর্ণমান হইতেছে। উহাতেই বোধ হইতেছে, যেন, শূন্যে একখানি বিস্ময়কর সুদৃশ্য বিতান বিরচিত আছে। ভ্রমরা-বলী ও কোকিল-কুল, স্নতন মধু পান করিয়া, প্রমত্ত হইয়া, আপন-আপন অতি ললিত ও অতি মনোহর স্বরে কি সুধাময় সংগীত করিতেছে।

রাজা, চারিদিক্ অবলোকন করিয়া, দেখিয়া, শুনিয়া, সন্তুষ্ট হইয়া কহিলেন, হাঁ! বয়স্য! যথার্থ বটে। উদ্যানবর আজি মনোহর শোভা ধারণ করিয়াছে। বিশেষতঃ বসন্তকালের বাতাস পাইয়া ভুরুহ সকল, নব প্রবাল সদৃশ কিসলয়-রাশি দ্বারা তাম্র-প্রতিভ ও মলয়ের অনিল কর্তৃক পরিচালিত হইয়া, বড় রমণীয় শোভা পাইতেছে। বকুল-তলে কুলগুলি অতিশয় সুন্দর ধরে-ধরে পড়িয়া আছে। তাহা হইতেই ভুর-ভুর করিয়া গন্ধ নির্গম হইতেছে। কিন্তু জ্ঞান হইতেছে, যেন, গণ্ডুষ-মদিরারি গন্ধ বহিতেছে। গাছে চাঁপা কুলগুলি অতি পরিপাটি ফুটিয়া রহিয়াছে। মধু পানে মত্ত কামিনী-কুলের ঈষৎ রক্তিমাত মুখচন্দ্রের সহিত তুলনা করিলে, সে শোভা, এশোভার কাছে কোথায় আছে!। সখে! সত্য কথা, প্রত্যেক অটবীতে সদ্যোজাত মধু পান করিয়া, উন্মত্ত হইয়া, ভ্রমরাবলী ও কোকিল-কুল, যুগপৎ যে রব করিতেছে, উহাতেই বোধ হইতেছে, যেন, মহীকুহগণ সকলে একতী সভা করিয়া, গান বাদ্য রসে মগ্ন আছে। কিন্তু যখন, কেবল মধুপাবলীর গুনগুন ধ্বনি-মাত্র শ্রুত হয়; তখন জ্ঞান হইতে থাকে, অশোকের দোহদ সম্পাদন কালে নিভম্বিনীগণের যে বিমোহন সুপুরুষন হয়, উহারা, একতান মনে তাহাই শিখিতেছে।

বসন্তক, অবহিত হইয়া, কিয়ৎক্ষণ শ্রবণ করিয়া কহিলেন, না! মহারাজ! এ তা নয়; প্রকৃতই সুপুরুষক। জান না, আমাদের আগে-আগে রাজী অশোক-ডায়ায় রাইতেছেন। পরিচারিণীরা,

সঙ্গে আছে। শুনিয়া, ঈষৎ হাস্য করিয়া রাজা কহিলেন, হাঁ বয়সা! বথার্থ অনুভব করিয়াছ।

এ-দিকে, রাজী, কাঞ্চন-মালা প্রভৃতি কয়েক জন পরিচারিণী সমতিবাহারিণী করিয়া, মদন-ব্রত করিতে মকরন্দে প্রবেশ করিয়া-ছেন। রক্তবর্ণ অশোক তরুর অনতিদূরে উপনীতা হইয়া জিজ্ঞাসা-লেন, কাঞ্চনমালা! আর কত দূর আছে?। সে উত্তর করিল, ঠাকুরাণি! আর বড় দূর নয়, এই আগুড়াল দেখা যাইতেছে। আপনি কি চিনিতে পারিতেছেন না! এই আপনকার মাধবী; কুলে ঝাঁকুরিয়া রহিয়াছে। আর, এই মহারাজের নবমালিকা। ওর জন্যই ত তাঁর অভ আড়ম্বর ও পরিশ্রম। তিনি আপনকার মাধবীকে পুষ্পবতী দেখিয়া, হঠাৎ পণ করিয়া, অকালে উহারি কুল ফুটাইবার উদ্দেশে অহর্নিশ প্রয়াস ও কষ্ট পাইতেছেন। শুনিয়া, রাজী মনে মনে পরিতুষ্ট হইলেন এবং কহিলেন, কাঞ্চনমালা! ও অনুকূল কলহ! দুঃখাবহ নয়। তুমি কি জান না, উহাই পতি-জীবিতাদের সৌভাগ্য-লক্ষণ, সন্দেহ নাই। তা, এইক্ষণে চল, যাই, আর্ঘ্যপুত্রকে লইয়া মনের সুখে ব্রত সমাধান করি। এইকণ কথোপকথন হইতে হইতে অশোকতলে উপনীত হইলেন।

রাজার সাগরিকা নামে এক সহচরী ছিলেন। তিনি এই সহচরীকে যথেষ্ট স্নেহ করিতেন। কিন্তু তাঁহার সেই প্রিয় সহচরী সাগরিকা, সাতিশয় রূপ-লাবণ্যবতী ছিলেন। এমন কি? তাঁহাকে দেখিলে, একান্ত আশু-রসাস্পদ মুনি-জনেরও মন বিকৃত ও বিচলিত হয়। এই আশঙ্কায় রাজী তাঁহাকে সর্বদা সাবধানে রাখিতেন। রাজার দৃষ্টি-পথ স্পর্শও করিতে দিতেন না। সুতরাং রাণীর সেই গুঢ় অভি-সন্ধির বশবর্তিনী হইয়া, সাগরিকা কেবল একটা অন্তঃপুর-পোষিতা সারিকার লালন-পালন ও রক্ষণাবেক্ষণে নিরতা থাকিতেন। রাজার সুসজ্জা নামে এক পরিচারিণী ছিল। সে সাগরিকাকে অত্যন্ত

ভাল বাসিত। সাগরিকাও তাহাকে সাতিশয় স্নেহ করিতেন ও ভাল বাসিতেন। এই নিমিত্ত, ঐ দুজনে পরস্পর বিলক্ষণ সম্ভাব, প্রণয় ও আত্মীয়তা জন্মিয়াছিল।

অতএব, সুসঙ্গতা, যখন, কুলের ডালা লইয়া, রাজ্যীর সঙ্গে মকরন্দে যায়; সাগরিকা নিভাস্ত কোতূহলক্রান্ত হইয়া তাহার হস্ত হইতে সেই পুষ্প-পাত্র গ্রহণ ও স্বহস্তস্থিত পিঞ্জর সহ সারিকা তদীয় হস্তে উপন্যস্ত করেন এবং তাহাকে সারিকান্তঃপুরে রাখিয়া, তাহার প্রতিশীর্ষা হইয়া রাজ্যীর পশ্চাৎ-পশ্চাৎ প্রস্থিতা হন। পরিচারিণীরা রাণীর অভিসন্ধি ঘূণাকরে জানিত না। সুতরাং তাহাতে কেহ কোন আপত্তি করে নাই। সুসঙ্গতাও অসম্মতা হয় নাই। এইকণে অশোক-তলে উপনীতা হইয়া, রাজ্যী, যখন সখীদের উদ্দেশ্য করিয়া কহিলেন, সমস্ত আয়োজন সজ্জিত কর; আর্বাপুত্র শুভাগত হইলেই ত্রুত আরম্ভ করিব; তখন, সাগরিকা সহসা তদীয় সম্মুখ-বর্তিনী হইলেন এবং এই সজ্জিত পুষ্পপাত্র আনিয়াছি; বলিয়া, তাহা তাঁহার সম্মুখে রাখিয়া দিলেন।

রাজ্যী, ক্রিয়াক্ষণ সাগরিকার মুখের দিকে এক দৃষ্টিতে চাহিয়া রহিলেন এবং মনে মনে ভাবিতে লাগিলেন, কি আশ্চর্য্য! সংসারে ভাজ মন্দ পাঁচ প্রকারের পাঁচটা পরিজন লইয়া চলা কি ভয়ঙ্কর কাজ! এ, যাহার দৃষ্টিপথে পড়িবে, ভয়ে, আমি সর্ব্বদা সাবধান ও সতর্ক আছি; আজি, একবারে তাঁহারি চক্ষুর উপর পড়িল! এখন কি উপায় করি। এইরূপে মনে মনে উপায় কল্পনা করিয়া, অবশেষে, প্রকাশে সরোষে কহিলেন, সখি সাগরিকে! তুমি কেমন মেয়ে? আজি আমার সব পরিচারিণীরা উৎসবে মাতিয়াছে; তুমিও কি সময় পাইয়াছ। এমন সু-পার্বণের দিনে আমার সাধের সারিকায় কোথায় কেলিয়া এখানে আসিলে। অতএব, যাও যাও; এখনি অন্তঃপুরে গিয়া, না জানি, এতক্ষণ তার কি দশাই ঘটিল, দেখ।

রত্নাবলী ।

এইরূপে প্রিয়মথী সাগরিকাকে বিদায় করিয়া দিয়া, নিশ্চিন্ত হইয়া, রাণী, পরিচারিণী কাঞ্চনমালায় কহিলেন, কাঞ্চনমালা! অশোকমূলে ভগবানের প্রতিষ্ঠা কর। সে “যে আজ্ঞা মহারাজি!” বলিয়া তৎক্ষণাৎ তাহা এবং পূজার আর আর সমুদায় আয়োজন সম্পাদিত করিল।

সাগরিকা, অগত্যা তথা হইতে বিদায় হইলেন, সত্য। কিন্তু কয়েক পা মাত্র চলিয়া গিয়া মনে-মনে ভাবিতে লাগিলেন, সাগরিকা আমি প্রিয়মথী সুসজ্জতার হাতে রাখিয়া আসিয়াছি; তার কোন ভাবনা নাই। এ-দিকে, এ সকল দেখিতেও আবার বড় সাধ হইতেছে। আমাদের বাপের বাড়ী অন্তঃপুরে যেমন অনঙ্গব্রত হয়, এখানেও তেমনি কি অন্য কোন প্রকার? অতএব লুকিয়া দেখি। আর, যখন পূজার সময় হইবে; রাণী, পূজা করিবেন। আমিও এখান হইতে ভগবানের যথাশক্তি পূজা করিব। ততক্ষণ ফুল তুলি। ইহা স্থির করিয়া, সিন্ধুবার বিটপির অন্তরালে লুক্কায়িত হইয়া, প্রযত্ন সহকারে পুষ্প চয়ন করিতে লাগিলেন।

বসন্তক কহিলেন, মহারাজ! মৃপুর-ঘন এক-কালে বিশ্রান্ত হইল। বোধ হয়, দেবী, অশোক-তলে উপনীতা হইলেন। অতএব, এস এস, আমরাও সত্বর যাইয়া তাঁহার সমীপস্থ হই।

কিয়ৎক্ষণ পরে, তাঁহার। তথায় উপনীত হইলে, রাজ্ঞী হর্ষপ্র-কুল লোচনে গদগদ বচনে বসিতে যথাযোগ্য আসন দিলেন এবং বহনত ও প্রীত হইয়া, যথোচিত অভ্যর্থনা পূর্বক সমাদর করিয়া রাজপাশ্বে বার্তিনী সনাধা হইয়া, মদন-ব্রত আরম্ভ করিলেন। ব্রত সমাধান হইলে, কাঞ্চনমালা কহিল, ঠাকুরাণি! ভগবানের অর্চনা ত সমাপ্ত হইল। অতঃপর স্বামিপূজা করিতে আজ্ঞা হয়। তিনি কহিলেন, হাঁ। আর্চ্যপুত্রের যোগ্য পুষ্প ও চন্দন দাও এবং আর আর সমস্ত আয়োজন আন। সে, তাহা সমীপস্থ

করিয়া দিলে, তিনি, পরিতৃপ্ত মনে ও অসম বদনে স্বামিপূজা করিতে লাগিলেন।

মাগরিকা, পুষ্প প্রস্তুত করিয়া, অতি সতর্কতা সহকারে সিন্দুবার বিটপির অন্তরাল হইতে দেখিলেন, রাণীর পূজা প্রায় শেষ হইয়া আসিয়াছে। তখন, মহা-দুঃখিত হইয়া মনে মনে বলিতে লাগিলেন, হায়-হায়! ভাল ভাল ফুল তুলিবার লোভে বিলম্ব করিয়া, আগি, কি কুসাজ করিয়াছি। এতক্ষণ দেখি নাই?। অনন্তর রাজাকে নিরীক্ষণ করিয়া ভ্রান্ত হইয়া, পুনরায় মনে মনে কহিতে লাগিলেন, আহা! ইনি যে অপূর্ব কন্দর্প! আমাদের বাপের বাড়ী অন্তঃপুরে যে কন্দর্পের পূজা হয়, তিনি চিত্রিত। এখানকার ইনি যে প্রত্যক্ষ বিরাজমান দেখি। মরি-মরি! এমন মনোহর মূর্ত্তমান কন্দর্প ত আর কখন দেখি নাই। যা হউক, আর সময় নাই। এই বেলা, ভগবানের যথাশক্তি পূজা করি। এই বলিয়া, পুষ্প প্রক্ষেপণ পূর্বক একাগ্রমনে বিলক্ষণ ভক্তিভাবে অর্চনা করিতে লাগিলেন এবং গলগলীকৃতবসনা হইয়া, কৃতাজ্জলিপুটে পুনর্বার মনে মনে বলিতে লাগিলেন,

হে ভগবন্ কুশুমায়ুধ! তোমাকে নমস্কার করি। হে কৃপা-
কর! কৃপা কর। আমার এই দৃষ্টি যেন শুভদৃষ্টি হয়! জন্মিয়া
নয়নে যা দেখিবার, দেখিলাম। হে দয়াকর! দয়া কর।—ঠাকুর!
আমি অতি হতভাগিনী ও চিরদুঃখিনী। অতএব, বারংবার এই
ভিক্ষা চাই, আমার এই সন্দর্শন যেন সফল হয়। ইহা কহিয়া,
বিলক্ষণ ভক্তিভাবে সহকারে গলায় অঞ্চল দিয়া, ভূমিষ্ঠা হইয়া,
প্রণিপাত করিলেন। উঠিয়া, পুনরায় মনে মনে বলিতে লাগিলেন।
আহা! যত দেখি, ততই দেখিতে বাসনা হয়। দেখিয়া, দুইটি
চক্ষুঃ কোনরূপে পরিতৃপ্ত হইতেছে না। যাহা হউক, এখনও
আমায় কেউ দেখিতে পায় নাই। কিন্তু কি জানি, ইচ্ছাও কে

রত্নাবলী ।

দেখিয়া কেলিবে। সে বড় লাঞ্ছনা ও বিষম গঞ্জনা ! অতএব এই বেলা পলায়ন করি । এই বলিয়া, চকিতা ও ভীতা হইয়া, স্বস্থান-অতিমুখে প্রস্থান আরম্ভ করিলেন ।

রাজার পূজা সমাপন হইলে, রাজা, প্রীত ও প্রসন্ন হইয়া, সান্তিশয় সমাদর প্রদর্শন পূর্বক কহিলেন, প্রেয়সি ! অধিক কি কহিব, তুমি এই সংসারের ললাম-ভূতা । তোমার শরীর, শিরীষ কুমুদপেঙ্গাও সুকোমল । মধ্য, কেশরির মধ্যকেও তিরস্কার করিতেছে ।—সুন্দরি ! এই সকল অসামান্য রূপ-লাবণ্য দ্বারা জগ-মোহিনী মূর্তি ধারণ করিয়া, তুমি আজি মকরকেতুর পাশ্ব বর্তিনী চাপযষ্টি ন্যায় যথেষ্ট শোভা পাইতেছ । আর, তুমি এইমাত্র পবিত্র কলঙ্-স্নান ও গাত্র-নার্জুন করিয়াছ ; তাই আবার শোভা-নিধান কুমুম-রন্ধের সাদীখানি পরিধান ! অতএব আজি স্মৃতন প্রবাল রন্ধের লতা তোমার নিকট হারি মানিয়াছে । আজি, অশোক তরুরও অমুপম শোভা দেখিতেছি । হে লাবণ্য-রাশি ! তোমার হস্ত দ্বারা স্পৃষ্ট হইয়া তরুবরের অনির্লচনীয় কাণ্ডি হইয়াছে । তোমার হাত ? ও, ত, এখন আর তোমার হাত নয় ; পাদপ-রাজের এক খোপা কিসলয় ফুটিয়াছে ! বরাদ্বিনি ! হতভাগ্য অনঙ্গ, আজি “হায় ! আমার অঙ্গ নাই,—হায় ! আমার অঙ্গ নাই” বলিয়া, কত আশ্র-নিন্দা ও ধিক্কার করিবেন, তাহার সংখ্যা ও সংশয় নাই । যেহেতু, এমন সুযোগেও তোমার অমু-পম স্পর্শমুখ অনুভব করিতে বঞ্চিত হইলেন ।

কাঞ্চনমালা বসন্তককে সযোজন করিয়া কহিল, আর্ঘ্য ! আসুন ; ঠাকুরাণীর নিকটে শুভাগমন করিয়া আপনিও যৎকিঞ্চিৎ স্বস্তিবাচন গ্রহণ করুন । তিনি রাণীর নিকটস্থ হইলেন, রাজা বিলেপন, কুমুম ও আভরণ প্রদান পূর্বক তাঁহাকে সযোজন করিয়া “আর্ঘ্য ! অমু-এই প্রদর্শন পূর্বক ইহা গ্রহণ করিতে আজি হয়” বলিয়া সান্তিশয়

আগ্রহ সহকারে তদীয় হস্তে সমর্পণ করিলেন । বসন্তকণ্ঠ আনন্দিত হইয়া “স্বস্তি ভবত্যা” বলিয়া, তাহা গ্রহণ করিলেন ।

এই-প্রকার মহোৎসব চলিতেছে, এমন সময়ে, টেবালিক, রাজাকে সম্বোধন করিয়া নিবেদিল, মহারাজ ! সন্ধ্যা উপস্থিত । সায়াং-কার্য্যের সময় আগত-প্রায় ; ঐ দেখুন, ভগবান্ মরীচিমালী স্বীয় তেজোরশ্মি অন্তাচল চুড়ায় রাখিয়া, নভোমণ্ডল অতিক্রম করিয়া, চলিয়া গেলেন । অতএব সায়াং সমুপস্থিত দেখিয়া, পাদপদ্মোপজীবী রাজমণ্ডল, দশদিগ্বিশোভন নিশানাথ সদৃশ মহারাজ উদয়নেব পাদপদ্ম বন্দনা করিতে আসিয়া, সভামণ্ডপে দণ্ডায়মান আছেন ।

সাগরিকা, যাইতে যাইতে টেবালিক-মুখে তাঁহার “উদয়ন” নাম শ্রবণমাত্র অতিমাত্র বিস্মিত ও চমৎকৃত হইয়া, সহসা মুখ কিরাইলেন এবং হরিণ-বদনে সম্পূর্ণ মনে ও মতৃক নয়নে পুনরায় সন্দর্শন করিয়া, মনে-মনে কহিতে লাগিলেন, ইনিই রাজা উদয়ন ? । হায় ! ইহায় দেখিয়াও আজি আমার দাসীরূতি সফলা হইল । অনন্তর, অনির্বচনীয় রসোদয়ে অধীরা হইয়া, দীর্ঘ নিশ্বাস পরিত্যাগ পূর্ব্বক “হা পোড়া কপাল ! প্রিয়তমকে কাগিক দেখিতেও পাইলাম না” এইরূপ আক্ষেপ করিতে করিতে, অগত্যা গিয়া, স্বস্থানে প্রবিষ্ট হইলেন ।

রাজা, রাজীকে সম্বোধন করিয়া কহিলেন, প্রিয়তমে ! কি আশ্চর্য্য ! সন্ধ্যা অতিক্রম করিয়াছে ; আমোদ-প্রমোদে প্রমত্ত থাকিয়া, আমরা তাহা লক্ষ্যও করি নাই । ঐ দেখ-দেখ, যেমন রমণীগণ পাণ্ডুবর্ণ মুখ দ্বারা স্বীয় হৃদয়-নিহিত প্রিয় জনকে প্রকাশিত করে ; সেইরূপ প্রাচী, উদয়গগ্নি-ভট্টান্তরিত নিশানাথ প্রকাশ করিতেছে । অতএব চল-চল, এইকণ্ঠে স্বরায় গৃহপ্রবেশ করা যাউক ।

তদনন্তর, সকলে স্ব-স্ব স্থান-অতিমুখে প্রস্থান আরম্ভ করিলে,

রাজা পুনরায় বলিলেন “সুন্দরি ! ঐ দেখ-দেখ, সন্ধ্যার কি অনির্বচ-
নীয় শোভা ! ।—হে সরোজাননে ! তোমার বদন সরোজের অপূর্ণ
কান্তি দেখিয়া, সরোবরে সরোজ সকল, লজ্জায় সঙ্কুচিত হইতেছে ।
আর, তোমার পরিবার অঙ্গনা-গণের সুমধুর মঙ্গলময়ী সংগীত-পরম্পরা
শ্রবণ-গোচর করিয়া, ভৃঙ্গাদ্ভিনাও লজ্জিত হইয়া, আন্তে-আন্তে
গিয়া, কুসুনোদরে লুকাইতেছে ।” বলিতে-বলিতে যাইয়া, সস্ত্রীক
ধর্ম্মালয়ে প্রবিষ্ট হইলেন । পরিচারিণীরাও সকলে স্ব-স্ব স্থানে
প্রবিষ্ট হইল ।

দ্বিতীয় অঙ্ক ।

—৪৪৪—

রাজা উদয়ন নয়নের অন্তরালবর্তী হইলে, সাগরিকা আর নিমেষ-মাত্র সুস্থির থাকিতে পারেন না । সুৰ্দা সেই মোহন-মূর্তি দেখিতে তাঁহার বাসনা হয় । কিন্তু রাজ্যীর সাবধানতা ও সতর্কতার তদীয় মনোরথ সিদ্ধির কোন উপায় ছিল না । সুতরাং আহার, নিদ্রা, শয়ন, উপবেশন প্রভৃতি সমুদায় নিত্য-কার্য্য ও তাঁহার কষ্টকর হইয়া উঠিল । তিনি মনের কথা কাহাকে বলিতেও পারেন না ; অথচ মনে-মনে বিষম বিরহ-দহনে দিবানিশি দগ্ধ হইতে লাগিলেন । অধিক কি ? প্রিয়-সখী সুসংগতার নিকটেও এ ভাব ব্যক্ত করিতে লজ্জা-বোধ করেন । অতএব, যখন, নিত্য বিহ্বলা ও একান্ত কাতরা হন ; প্রিয়-সখী সুসংগতার হাতে সারিকা রাখিয়া, একান্তে গিয়া, একখান কলকে রাজার প্রতিমূর্তি লিখিয়া, অগত্যা কথঞ্চিৎ বিরহ-বেদনার শাস্তি ও চিত্ত-বিনোদন করিয়া থাকেন ।

একদা, তিনি, নিত্য অধীর হইয়া, মকরন্দবর্তী কদলীগৃহে প্রবেশ পূর্বক তাদৃশ উপায়ে প্ররক্ত হইলেন । গগনতর বিরহ-বিকারের অপমান ও চিত্ত-বিনোদনে সে দিন তাঁহার সমধিক বিলম্ব হইতে লাগিল । অতএব, সুসংগতা, অনেক-ক্ষণ তাঁহাকে না দেখিয়া, উৎকণ্ঠিত হইল এবং ইতস্ততঃ অনেক অনুসন্ধান করিতে লাগিল ; কিন্তু কোথাপি তাঁহার দেখা পাইল না ।

এই সময়ে, রাণীর আর এক পরিচারিণী নিপুণিকার সঙ্গে সাক্ষাৎ হওয়াতে, তাহাকে জিজ্ঞাসিল, সখি নিপুণিকে ! তুমি কোথায় গিয়াছিলে ? এত বিস্মিত ও ব্যস্ত-সমস্ত হইয়া, আসিতেছ কেন ? । সে উত্তর করিল, সখি ! সে বড় রহস্যের কথা ; তুমি আমার এই বিস্ময় ও ব্যস্ততার কারণ শুনিবে !—রাজধানীতে ত্রিপর্য্যত হইতে ত্রিপর্য্যত

দাস-নায়া এক অবধূত আসিয়াছেন । রাজা, তাঁহার নিকট এক অতি আশ্চর্য্য দোহদ শিখিয়াছেন । তদ্বারা, আজি, তাঁহার নব মালিকায় অকাল-পুষ্পে শোভিত করিবেন । এই সংবাদ জানিতে রাণী আনন্দ পাঠাইয়া ছিলেন । জানিয়া, অন্তঃপুরে বাইতেছি । তুমি কোথায় বাইতেছ ? সুসংগতা বলিল, সাগরিকার অব্বেষণ করিতে । নিপুণিকা কহিল, আমি তাঁহারে কদলীগৃহে প্রবেশ করিতে দেখিয়াছি । হাতে একটা বর্জিকা ও একখান চিত্র-কলক আছে । অতএব, সখি ! তুমি সেইখানেই যাও ; তাঁহার সঙ্গে সাক্ষাৎ হইবে । বড় ব্যস্ত আছি ; এখন আমিও রাণীর নিকটে চলিলাম । এই বলিয়া, চলিয়া গেল । সুসংগতাও কদলীকুঞ্জ-অভিমুখে চলিল ।

সাগরিকা, কদলীগৃহে প্রবিষ্টা, বিরহ-বিধুরা, স্মরণে জজ্ঞারিতাজী ও গলদগ্ধ-লোচনা হইয়া, চিত্র-কলক হস্তে করিয়া, নমে-নমে বলিতে লাগিলেন, হে হৃদয়! ক্ষান্ত হও,—ক্ষান্ত হও; ধৈর্য্য ধর । এত আকুল হইলে কি হইবে ? বল । এ, তোমার ভ্রম ও বিফল শ্রম । তুমি কি জান না, ছুরাশা, কোথায় কলবতী হয় । সে, কেবল অশেষ ক্লেশ দিতে থাকে, এইমাত্র । আর, দেখ, যে ব্যক্তি একবার দৃষ্টিপথে পতিত হওয়াতেই তোমার সম্ভাপ ও অনুতাপ এত বাড়িতেছে ; পুনর্বার তুমি তাহারে দেখিতে বাসনা কর ; এ, তোমার আশ্চর্য্য মূঢ়তা ! । অয়ি নৃশংস হৃদয় ! তুমি জন্মাবধি সহ-সম্বন্ধিত এই অনাপা অবলাকে অনায়াসে প্রত্যাখ্যান করিয়া, দৃষ্টিমাত্রে পরিচিত এক অপার ব্যক্তির অসুগত হইতেছ, ইহাতে কি তোমার লজ্জা বোধ হয় না ? অথবা তোমার দোষ কি ? তুমি হৃদ্বাস্ত অনন্দের বারংবার শরাঘাত জ্বালায় পলাইতেছ । অতএব, এই-স্থলে পোড়া অনঙ্গই তিরস্কার-ভূমি ! ।

হে কুসুমায়ুধ ! তুমি নিখিল সুরাসুর বিজয়ী হইয়াও কি এই অতি-অকিঞ্চিৎকারী বৎসামান্য অবলা-জনকে প্রহার করিতে লজ্জিত হইতেছ না ? অথবা তোমার দোষ নাই ; তুমি নিজে অনঙ্গ ।

আঁর, আমিও অতি মন্দভাগিনী ; না হইলে, কেন আমার এ দুর্দশা ঘটিবে ? বল । কলভঃ যখন এই বিষময় কারণের সংঘটনা হইয়াছে ; তখন, এ দুর্ভাগিনীর মরণ উপস্থিত, সংশয় নাই ।

সে যাহা হউক, যতক্ষণ এখানে কেউ না আসে, সেই অতিমত চিত্ত-চোরকে চিত্রিত করিয়া, নয়ন যুগল চরিতার্থ ও জীবন সার্থক করি। অবশেষে, যাহা ঘটে, ঘটবে!। ইহাই স্থির করিয়া, অতি সুস্থির হইয়া, একতান মনে চিত্র-আরম্ভ করিলেন এবং দীর্ঘ নিঃশ্বাস পরিত্যাগ পূর্ব্বক মনে-মনে পুনর্বার বলিতে লাগিলেন, অত্যন্ত সাধুস প্রযুক্ত যদ্যপিও আমার অগ্রহস্ত অতিশয় কম্পিত হইতেছে ; তথাপি কি করি ; তাঁর দর্শন পাইবার আঁর উপায় নাই ; অতএব যেমন পারি, তেমন করিয়াই লিখিয়া, কথঞ্চিৎ মনের প্রবোধ সম্পাদনা করি। এই বলিয়া, অধোমুখে গুরুতর অনুরাগ ও প্রযত্ন সহকারে চিত্র করিতে লাগিলেন ।

সুসংগতা, কদলীকুঞ্জে উপনীতা হইয়া দেখিল, সাগরিকা চিত্র-পুস্ত-লিকার ন্যায় সুস্থিরা ও অনন্য-মনস্কা হইয়া, কি লিখিতেছেন । এমন অনন্য-মনস্কা ? যে, সম্মুখবর্ত্তিনী তাহাকেও দেখিতে পাইতেছেন না । অতএব, সে, যথেষ্ট কোতুহলাবিস্ট হইয়া, আস্তে-আস্তে গিয়া, তাঁহার পশ্চাতে দাঁড়াইল এবং চিত্র-কলকে দৃষ্টিপাত করিয়া, বিস্মিত হইয়া, মনে-মনে বলিতে লাগিল, ইনি যে মহারাজ ! সাধু সাগরিকে ! সাধু ! তুমিই সত্য রমণী-বেশে ধরা-প্রদেশে আসিয়াছ । ধন্য ! তোমারি জগ্ন্য সার্থক ! । অথবা না হইবে কেন ? কমলাকর পরিত্যাগ করিয়া, রাজহংসী, কি, কল্ক-কাননে ক্রীড়া করে ? ।

চিত্র প্রস্তুত করিতে-করিতে সাগরিকার বিরহ-সাগর উদ্বেল হইয়া উঠিল । তাঁহার দুইটা চক্ষুঃ বাষ্প-সলিলে আচ্ছন্ন হইয়া গেল । তখন, তিনি বর্ত্তিকা ও চিত্র-কলক রাখিয়া মনে-মনে কহিতে লাগিলেন, হায়-হায় ! এত করিয়া, প্রিয়ভগ্নের চিত্র প্রস্তুত করিলাম । কিন্তু

কি দুর্ভাগ্য ! নিরন্তর বাষ্প-বারি বিগলিত হইতে লাগিল ; দুর্ভাগ্য চক্ষুঃ কলুষিত রহিল ; ভাল করিয়া দেখিতেও পাইলাম না । ইহা কহিয়া, উর্দ্ধ দৃষ্টি করিয়া, দুই হস্তে যেমন চক্ষুঃ মার্জনা করিবেন, অমনি পশ্চাতে সুসংগতাকে দেখিতে পাইলেন । দেখিয়া, ভাড়া-ভাড়ি উত্তরীয় বসনে কলক প্রস্ফাদন করিতে-করিতে কৃত্রিম-স্মিত-বদনে কহিলেন, কেয় ! প্রিয়-সখী সুসংগতা ?—সখি ! এস-এস ; উপবেশন কর । এই বলিয়া, আসন প্রদর্শন করিলেন । সুসংগতা উপবেশন করিল এবং কৌশল-ক্রমে কলক-খানি লইয়া, বিলক্ষণ করিয়া দেখিয়া, জিজ্ঞাসিল, সখি ! এ কার ছবি ? । সাগরিকা উত্তর করিলেন, মদন-মহোৎসব উপস্থিত ; অতএব ভগবান অনন্দের । সুসংগতা, ঈষৎ হাস্য করিয়া কহিল, আহা ! প্রিয়-সখি ! তুমি উত্তম আলেখ্য রচনা শিখিয়াছ । বেশ হইয়াছে ! । কিন্তু ছবিখানি স্পৃশ্য দেখাইতেছে ; সম্পূর্ণ হয় নাই । অতএব, আমায় একবার বর্তিকা দাও । রতি-পতি রতি-সনাথ হইলেই ছবিখানি বড় ভাল দেখাইবে, সংশয় নাই । তদনন্তর, তদীয় হস্ত হইতে বর্তিকা গ্রহণ পূর্বক লিখিতে আরম্ভ করিল ।

কিয়ৎক্ষণ পরে, তাহার লেখা সাদ্ধ হইলে, সাগরিকা দেখিয়া কৃত্রিম রোম-পরবশ হইলেন এবং কহিলেন, সখি ! তুমি আশ্চর্য কেন লিখিলে ? । সুসংগতা হাস্য-পরিপূর্ণ-বদনে কহিল, হে অন্যথা-সম্ভাবিনি ! অকারণ কেন রাগ কর ? । তুমি যেমন কামদেব লিখিয়াছ, আমিও তেমনি রতি লিখিয়াছি । অথবা, তবে, ভাই ! আর ব্রথা ও সব কথায় কাজ নাই । বল, এখন, আমি, তোমার সবিশেষ সকল অভিসন্ধি শুনিতে চাই । সাগরিকা, প্রথমতঃ কিয়ৎক্ষণ নিরন্তর ও লক্ষ্য-নস্রমুখী হইয়া, রহিলেন এবং মনে-মনে ভাবিতে লাগিলেন, প্রিয়-সখী ত সকলি টের পাইয়াছে, সন্দেহ নাই । কিয়ৎ ইহার কাছে প্রকাশ করাও ভাল । অনন্তর, অধোমুখে বলি-

লেন, সখি! আমার বড় লজ্জা হইতেছে। দেখো, সখি! যেন আর কেউ না শুনে। সুসংগতা কহিল, না, সখি! তার ভাবনা নাই। প্রিয়-সখি! লজ্জা কি? জান না, মহানদী, সাগর পরিভাগ করিয়া কি পলুলে প্রবেশ করিয়া থাকে?—না, সৌদামিনী, বিয়তের কোলে লুকাইতে লজ্জা পায়?। তুমি, এমন কন্যা-রত্ন, ইনি বিনা তোমার অনুরূপ বর, এই ভূমণ্ডলে আর কে সম্ভবিত্তে পারে? বল। ইহা কহিয়া, ক্ষণকাল চিন্তা করিয়া, পুনরায় কহিল, সখি! ও, ত, ভালই হইয়াছে। কিন্তু আমার আর ভাবনা উপস্থিত? তোমার হাতের বলয়, কাল সর্প হইয়া, তোমারেই দংশন না করে! পোড়া সারিকা, সন্দেহ আছে। জানই ত; এ, যে, মেধাবিনী; ভয় হয়। দেখ, শেষে, এই বা কি বিভ্রাট ঘটায়!। সাগরিকা “প্রিয়-সখি! ওরি উপর ত আমারও অধিক সন্দেহ!” এই বলিয়া, বিষম বিষম-শরদশা-গ্রস্ত ও মুচ্ছাপন্ন হইলেন।

সুসংগতা, বাস্তব-সমস্ত হইয়া, সাগরিকার হৃদয়ে হস্ত প্রদান-পূর্বক “প্রিয়-সখি! ক্ষান্ত হও,—ক্ষান্ত হও; ঈর্ষ্যা ধর। “আমি শীঘ্র গিয়া, এই দীর্ঘি হইতে পদ্ম পত্র ও মৃণাল আনি” এই-মাত্র বলিয়া, অতি দ্রুতগতি দীর্ঘিকাভিমুখে চলিল এবং ত্বরায় তথা হইতে তাহা আনিয়া, নলিনী-পত্রে শয্যা ও মৃণালে বলয় প্রস্তুত করিয়া, দিয়া, তাঁহার বিষম বিরহ-সন্তাপের অপনয়ন করিতে লাগিল। সাগরিকা, কিঞ্চিৎ সুস্থ হইয়া বলিলেন, সখি! না-না, ও সকলে আমার আর কাজ নাই। নলিনী-পত্রের শয্যা ও মৃণালের বলয় ফেলিয়া দাও। তুমি কেন বৃথা শ্রম কর। প্রিয়-সখি! বলিও কি? বিবেচনা করিয়া দেখ, আমি নিভাস্ত পরাদীনা; প্রাণান্তেও যাহার পাইবার আশা নাই; তাঁহারি উপর আমার অনুরাগ। সুতরাং এ অনুরাগ আমার মরণের কারণ, সংশয় নাই। অতএব, এখন, আমি, মলেই বাঁচি!!।

কদলী-নিকুঞ্জ কাননে এইরূপ ঘোরতর বিগ্রহ ব্যাপার চলিতেছে, এমন সময়ে, রাজধানীতে হঠাৎ ভারী কলরব উঠিল। রাজার মনু-রাতে একটা পোষিত বানর ছিল ; সে স্বর্ণ শৃঙ্খল ছিঁড়িয়া ছুটিয়াছে। বানরটা অত্যন্ত দুরন্ত ; এই আতঙ্কে ত্রস্ত ও শশব্যস্ত হইয়া, পৌরজন সব, এক-কালে হে-হে রব করিয়া উঠিয়াছে। আবাল-বৃদ্ধ-বনিতা সকলেই অত্যন্ত ভীত ও চকিত ; কে কোথায় পলাইতেছে, ঠিকানা নাই। বানর, অশ্বপাল হইতে তাড়া পাইয়া, আশ্রয়স্থান শিখল গলায় করিয়া, দ্বার সকল অতিক্রমণ পূর্বক ভয়ে ক্রমে-ক্রমে রাজবাটীর দিকেই দৌড়িতেছে। তাহার চারি পায়ে কিঙ্কণী-চক্র ঘূর্ণ ঘূর্ণ শব্দ করিতেছে। রাজধানীতে সর্ব-প্রকার মনুষ্যই থাকে। ক্লীব, বামিন, কুব্জ, কিরাত-প্রভৃতি সকলেই অতিশয় ভীত ও আশ্রয়-রক্ষায় ব্যস্ত হইয়াছে। ক্লীবেরা, মনুষ্যের মধ্যে গণ্যই নয় ; সুতরাং লজ্জা পরিহার পূর্বক এককালে উলঙ্গ ও সংকোচ-শূন্য হইয়াই দৌড়িতেছে। বাগনেরা, কপুকদের কপুক-মধ্যে গিয়া লুকাইতেছে। দুরন্ত বানর, পাছে দেখিতে পায়, এই ভয়ে, কুব্জেরাও সোজা হইয়া দৌড়িতেছে না ; আন্তে-আন্তে গুড়িমেরে-গুড়িমেরে পলাইতেছে। কিরাতেরা, পলাইয়া, একবারে নগর-প্রান্তে যাইয়া, স্বনামের অন্বর্থ সংঘটন করিতেছে।

সুসঙ্গতা, সেই কোলাহল শ্রবণ করিয়া, শশব্যস্ত হইল এবং সাগরিকাকে কহিল, সখি ! উঠ-উঠ, চল-চল ; আমরা পলাইয়া যাই। মনুরার বানর, শিখল ছিঁড়িয়া ছুটিয়াছে ! দেখ কি ? দুরন্ত বানর, ঐ এই দিকেই দৌড়িয়া আসিতেছে ! তিনি সচকিত ও সশঙ্কিত হইয়া, কহিয়া উঠিলেন, কি উপায় ? সুসঙ্গতা বলিল, এস-এস ; ঐ তমাল তরুর অন্তরালে লুকিয়া থাকি। ও, চলিয়া যাউক। উভয়ে, লুক্কায়িত হইলেন।

তখন, সাগরিকা কহিলেন, জাঃ ! কি হইল ! চিত্র-কলক

ফেলিয়া আসিয়াছে ; পাছে কেউ দেখে । সুসঙ্গতা বলিল, আর চিত্র-
কলক ; তার বরং পার ছিল । ঐ দেখ, ছুরক বানরটা খাঁচার দ্বার
খুলিয়া দিয়া চলিয়া গেল । সারিকাও ঐ উড়িয়া যাউতেছে ।
ও, ও, এমন নয় ; এখনি প্রবাদ ঘটাইবে । সখি ! দেখ, কি ?
বানর চলিয়া গেছে ; আর ভয় নাই । এস-এস ; এখন, আমরাও
পাখির সঙ্গে-সঙ্গে দৌড়ি । আগে, পাখী ধরি ; পরে, কলক সাবধান
করিব । সাগরিকা কহিলেন, তাই, চল চল । উভয়ে, সতয়ে সারিকার
অনুসার করিলেন ।

ওদিকে, রাজার নব মালিকা, সম্মান-দত্ত ঔষধ প্রভাবে অকাল-
পুষ্পে আমূল শোভিত হইয়াছে । রাজা, কোতূহল-পরতন্ত্র ও ব্যস্ত-
সমস্ত হইয়া, তাহা দেখিবার নিমিত্ত মকরন্দে প্রবেশ করিয়াছেন ।
বসন্তরুও ঐ সংবাদ শুনিয়া মহা-আজ্ঞাদিত হইয়াছেন এবং হাঃ-হাঃ
শব্দে হাসিতে-হাসিতে ও অনবরত কেবল “ আশ্চর্য্য আশ্চর্য্য ” এই
বিশ্বস-শব্দ নির্গত করিতে করিতে রাজ-সাক্ষাৎকারে আসিতেছেন ।

সাগরিকা কিয়দূর হইতে তদীয় অক্ষুট ধনি শুনিতে পাইয়া,
সম্বন্ধিক ভীত ও চকিত হইয়া উঠিলেন এবং সুসংগতাকে কহিলেন,
সখি ! চল-চল ; পুনরায় এখান হইতেও শীঘ্র পলাই । ঐ ছুই
বানরটা আবার এদিকে আসিতেছে । সুসঙ্গতা অগ্রে দৃষ্টিপাত
করিয়া হাস্য-মুখে কহিল, ও কি সখি ! তুমি একবারে পাগল হইয়া
উঠিলে না কি ? উনি কি ভোগার বানর ? জান না, রাজার
প্রিয় সখা আর্য্য বসন্তক আসিতেছেন । সাগরিকা, বসন্তকের দিকে
এক দৃষ্টে চাহিয়া রহিলেন । তখন, সুসঙ্গতা বলিল, প্রিয়-সখি !
চল-চল, চাহিয়া রহিলে যে ? ঐ দেখ, পাখী কত-দূর উড়িয়া গেল ।
এই বলিয়া, অতি-সদ্র চলিল । সাগরিকাও তাহার পশ্চাৎ-পশ্চাৎ
চলিলেন ।

মকরন্দে প্রবিক্ট হইয়া, বসন্তক, আনন্দ-গদগদ-স্বরে বলিতে লাগিলেন, সাধু রে ক্রীধণ-দাস সন্ন্যাসি ! তোর জন্ম সার্থক এবং মনো ভোর দোহদ ! স্পর্শ-মাত্র চমৎকার গুণ করিয়াছে ! । রাজ্ঞী হারিয়াছেন ! । রাজার নব মালিকা, প্রস্ফুটিত-পুষ্প-মুখে তাঁহার মাধবীকে উপহাস করিতেছে ! । অতএব, যাই যাই ; এইক্ষণে প্রিয়-সখার সঙ্গে দেখা করি ।

রাজা, আচ্ছাদিত ও নব মালিকার সমিহিত হইয়া, মনে-মনে কহিতেছেন, আজি, আমি, আমার পুষ্পবতী নব মালিকায় আলিঙ্গন করিয়া, রাণীকে রাগাইব । তিনি একে ত পণে হারিলেন ; তায় আবার, তাহা দেখিলে, অসহ্য সপত্নী-সম্ভাপ পাইবেন, সন্দেহ নাই । ইত্যবসরে, বসন্তক, আসিয়া তথায় পৌঁছিলেন এবং “ মহারাজের জয় হউক,—মহারাজ ! তুমি জয়ী হইয়াছ ! ” বলিয়া, মহা-আড়ম্বর পূর্বক পুনরায় কহিলেন, বয়স্য ! দোহদ স্পর্শ-মাত্র আমাদের নব মালিকা, এই অকালে পুষ্পরাশিতে মূল-অবধি অগ্রভাগ-পর্যন্ত বিভূ-বিত হইয়াছে এবং প্রস্ফুটিত-পুষ্প-মুখে মহারাণীর মাধবীকে উপ-হাস করিতেছে ! ।

শুনিয়া, যার পর নাই, সন্তুষ্ট হইয়া, রাজা, কহিলেন, সখে ! তার সন্দেহ কি ? মণি, মন্ত্র ও মহৌষধির যে কত গুণ ? কে, বলিতে পারে । দেখ, পূর্ব-পূর্ব কালে তদীয় প্রভাবে কিরূপ আশ্চর্য ঘটনা সকল হইয়া গিয়াছে । তুমুল সংগ্রাম সময়ে ভগবান বাসুদেবের কণ্ঠে মণি দেখিয়া, অরাতি-কুল কোথায় গেল । সাক্ষাৎ কৃতান্ত বিষয়বস্তুর দর্শন-দষ্ট হইয়াও জীব-জন্তু সকল, মন্ত্রবলে ধরাধাম পরি-ভ্রমণ করে না । আর, অতি ভীষণ রাক্ষস-রণে মেঘনাদের হাতে লক্ষ্মণ বীর আহত হইয়াছিলেন এবং শ্রীরাম-সৈন্য বানর-যুগও আহত হইয়াছিল ; গুণনিধি মহৌষধির আশ্রাণ-মাত্র অবলীলা-ক্রমে সে সক-লোরি পুনরায় প্রাণ-লাভ হইয়াছে । এইক্ষণে চল-চল ; কুসুমিতা নব-

মালিকায় দেখিয়া, চক্ষুঃ ধারণ ও পরিশ্রমের ফল-লাভ করি। অত্যন্ত আগ্রহ-পরতন্ত্র হইয়া, উভয়ে, তদভিমুখে প্রস্থান করিলেন।

কিয়দূর বাইয়া, বসন্তক, চকিত ও ভীত হইয়া, সহসা কিরিয়া পড়িলেন এবং রাজাকে ধরিয়া, কাঁপিতে-কাঁপিতে বলিতে লাগিলেন, বয়স্য! পলাও, পলাও। রাজা কহিলেন, এ আবার কি? বসন্তক বলিলেন, ভূত! ভূত!। রাজা কহিলেন, দূর মুর্থ! এখানে, ভূত কি?। বসন্তক বলিলেন, এই বকুল-গাছে একটা ভূত আছে!। স্পষ্ট কথা কহিতেছে। যদি আমার কথায় প্রত্যয় না কর, স্বকর্ণে শুন। রাজা কিঞ্চিৎ অগ্রসর ও অবহিত হইয়া, শুনিতে এবং মনে-মনে কহিতে লাগিলেন, জীজাতির স্বভাবতঃ যেমন মিষ্ট-মিষ্ট কথা-গুলি, শরীর লঘু হইলে, যেমন ছোট-ছোট রবগুলি নির্গত হয়; এ, সেইরূপ মিষ্ট-মিষ্ট ও ছোট-ছোট বলিতেছে। অতএব, আমার বোধ হয়, সারিকা হইবে। অনন্তর, বকুল রুদ্ধ ইত্যন্তঃ দৃষ্টি-সঞ্চারণ এবং অব্বেষণ করিয়া, দেখিয়া, কহিলেন, হাঁ সারিকাই ত।

তখন, বসন্তক, রাজাকে পরিত্যাগ করিয়া, যথাবৎ দণ্ডায়মান হইয়া, উর্দ্ধদৃষ্টি করিয়া বলিলেন, সত্য-সত্যই সারিকা হইল না কি? রাজা হাস্য-মুখে কহিলেন, হাঁ তাই। বসন্তক বলিতে লাগিলেন, আঃ!—রাম-রাম! বয়স্য! তুমি বড় ভয়াতুর। সারিকা দেখিয়া ভূত বল ও ভয় পাও। রাজা হাসিতে হাসিতে কহিলেন, অরে মুর্থ! অল্পকৃত দোষ অন্যে আরোপিত করিয়া শুচি হইতে চাহ?। বসন্তক অসন্তুষ্ট ও রুদ্ধ হইয়া, পুনরায় বলিলেন, তুমি মনে করিয়াছ, আমি ভয় পাইয়াছি। তবে, আর আবারে নিবারণ করিও না। এই বলিয়া, যষ্টি উত্তোলন পূর্বক “আঃ দাসী-পুত্রি সারিকে! তুইও কি ভাবিয়াছিল; বাসনের ভূত দেখিয়া ভয় পায়? অতএব দেখিতেছিল? আবার এই যে যষ্টি, খেলের মনঃ যেমন বাঁকা, এও তেমনি; জানিস? আমি ইহা প্রহার দ্বারা কখনে ন্যায় তোকে এই বকুল

গাছ হইতে পাড়িব ! ” । ইহা কহিয়া, যথেষ্ট আশ্বাসন পূর্বক সেই বকুল বৃক্ষে আশ্রয় করিতে উদ্যত হইলে, রাজা ব্যস্ত-সমস্ত হইয়া “ হাঁ হাঁ !—তাড়াইও না, তাড়াইও না ;—শুন শুন, সারিকাজী কি একটা ভাল কথা বলিতেছে । ” বলিয়া, তাঁহাকে নিবারণ করিলেন এবং একাগ্র মনে শুনিতে লাগিলেন ।

বসন্তক ক্ষণ-কাল নীরব থাকিয়া, পুনর্বার বলিলেন, সখে ! সারিকা আর কি বলিবে ? ও, ইহাই বলিতেছে, যে, এই বাগকে কিছু খাইতে দাও । এই বলিয়া, আশ্র-নির্দেশ করিল । রাজা কিঞ্চিৎ বিরক্ত হইয়া কহিলেন, আঃ ! উদরিকের খাই-খাই ব্যতীত মুখে অন্য কথা নাই ; সর্বদাই কেবল উদরের চিন্তা । বয়স্য ! এখন ওসব রহস্য পরিত্যাগ কর । বল দেখি, সারিকা কি বলিতেছে ? । কিয়ৎ-ক্ষণ প্রবণ করিয়া, তিনি, বলিলেন, সারিকা বলিতেছে “ সখি ! ” তুমি আমায় কেন লিখিলে ?—হে অনাখা-সন্তাবিনি ! অকারণ কেন রাগ কর ; তুমি যেমন কামদেব লিখিয়াছ, আমিও তেমনি রত্ন লিখিয়াছি । ” অতএব, হে সখে ! এ সকল কি কথা ? কিছুই ত বুঝিতে পারিলাম না ।

রাজা কহিলেন, আমি বিবেচনা করি, কোন সম্পূর্ণ-যৌবনা কামিনী, গুরুী বিরহ-বেদনায় নিতান্ত কাতরা ও একান্ত অধীরা হইয়া, স্বীয় হৃদয়নিহিত-প্রাণবল্লভকে চিত্রপটে লিখিয়া, কামদেব ছল করিয়া, সখী-সমক্ষে গোপন করিয়াছিলেন । অনন্তর, তাঁহার সেই প্রিয়-সখীও নিজ চতুরতা ও বিদগ্ধতা প্রদর্শনার্থ সেই চিত্র-পাশ্বে তাঁহারে লিখিয়া রত্ন ছল করে ।

বসন্তক, আহ্লাদিত হইয়া কহিয়া উঠিলেন, হাঁ-হাঁ ! ঠিক-ঠিক ! বেশ হইয়াছে ! । রাজা “ সখে ! স্থির হও ; সারিকা আরও কি বলিতেছে, সব শুনা যাউক । ” বলিয়া, কণপাত করিয়া, শুনিতে লাগিলেন । বসন্তক, ক্ষণকাল প্রবণ করিয়া, পুনরায় কহিলেন,

সারিকা, পুনরায় বলিতেছে “প্রিয়-সখি! লজ্জা কি? জ্ঞান না, মহানদী সাগর পরিভাগ করিয়া, কি, পলুলে অবশেষ করিয়া থাকে? না, সৌদামিনী, বিষতের কোলে লুকাইতে লজ্জা পায়?। তুমি, এমন কন্যা-রত্ন; ইনি বিনা তোমার অমুরূপ বর, এই ভূ-মণ্ডলে আর কে সম্ভবিত্তে পারে? বল।” রাজা কহিলেন, হাঁ কোন কারণ আছে, সংশয় নাই। তখন, বসন্তক অসম্ভব ও রুদ্ধ হইয়া কহিয়া উঠিলেন, দূর কর, বার-বার তোমার পাণ্ডিত্য-অহঙ্কার সম্মুখ না। রস-রস; সব শুনিত্তে দাও। তন্ন তন্ন করিয়া বাথানিয়া দিব। কিন্তু তাই! বলিতে কি? যে কন্যাটির কথা হইতেছে, দেখিবার জিনিষ! সন্দেহ নাই। রাজা তাঁহাকে থামাইবার আশয়ে কহিলেন, ভাল, বয়স্য! যদি তুমি তন্ন তন্ন করিয়াই বাথানিবে; তবে, এখন একটু স্থির হইয়া শুন না কেন; আমাদের কোতুক করিবার ত বিলক্ষণ সময় আছে। উভয়ে, প্রণিহিত হইয়া শুনিত্তে লাগিলেন।

বসন্তক, ক্ষণকাল অবগণ করিয়া, পুনরায় বলিলেন, বয়স্য! শুনিলে? সারিকা, কি বলিতেছে। সারিকা, পুনরায় বলিতেছে “সখি! না না; ও সকলে আমার আর কাজ নাই।” নলিনী-পত্রের শয্যা ও মৃণালের বলয় ফেলিয়া দাও। তুমি কেন বৃথা শ্রম কর।” রাজা কহিলেন, হাঁ কেবল শুনিলাম, এমন নহে; এইক্ষণে অতিপ্রায়ও কতক-কতক বুঝিতে পারিয়াছি। বসন্তক, সারিকাকে লক্ষ্য করিয়া, বিরক্ত হইয়া, কহিয়া উঠিলেন, আঃ! বেজার করিতে লাগিল যে! দাসী-পুত্রী এখনও কুর্-কুর্ করিতেছে; থামে না। রাজা “সখে! সত্য বলিয়াছি।” বলিয়া, পুনরায় কণ পাতিয়া শুনিত্তে লাগিলেন। বসন্তকও ক্ষণকাল অবগণ করিয়া, বিরক্ত হইয়া, পুনরায় কহিলেন, আঃ! কি আপদ হলো! দাসী-পুত্রী, এখনও থামিল না। যেন চতুর্ভেদী ব্রাহ্মণের মত অনবরত কেবল ফড়-ফড় করিয়াই বকিতেছে!।

রাজা কহিলেন, সখে! বল-বল; সারিকা, এখন কি বলিতেছে? আমি কিছু অন্য-মনস্ক ছিলাম; শুনি নাই। বসন্তক বলিলেন, সারিকা, পুনর্বার এই বলিতেছে “প্রিয়-সখি! বলিব কি? বিবেচনা করিয়া, দেখ; আমি নিভাস্ত পরাধীনা; প্রাণান্তেও বাঁহায় পাইবার আশা নাই; তাঁহারি উপর আমার অনুরাগ। সুতরাং এই অনুরাগ আমার মরণের কারণ, সংশয় নাই। অতএব, এখন, আমি মলেই বাঁচি।”

রাজা পরিহাস করিয়া, কহিলেন, বয়স্য! শেষ-পর্বাস্ত শুনিলে ত? এইক্ষণে, ব্যাখ্যা কর। ভাই রে! তোমার মত সু-ব্রাহ্মণ ব্যতিরেকে এমন সকল বেদের অর্থ করিতে কার শক্তি?। বসন্তক বলিলেন, না হয়, তুমিই বল, সারিকা কি বলিতেছে?। রাজা পরিহাস উদ্দেশে পুনরায় কহিলেন, একটা গান। বসন্তক যৎকিঞ্চিৎ অশ্রুত হইয়া, বলিলেন, গান! তবে আর আমি কি বলিব?। রাজা কহিলেন, না হে, সখে! তা নয়; এ ভেমন গান নয়; ইহার ভাল ভাব আছে। তোমায় ত পূর্বেই বলিয়াছি, কোন সম্পূর্ণ-যৌবনা কামিনী স্বীয় হৃদয়-নিহিত প্রিয়তমকে না পাইয়া, বিরহ-বিধুরা, স্মরশরে জর্জরি-তাজী ও জীবিত-নিরপেক্ষা হইয়া, প্রিয়-সখীর সমক্ষে এই আক্ষেপ করিয়াছেন। তখন, বসন্তক হাঃ-হাঃ শব্দ করিয়া হাসিয়া উঠিলেন এবং করতালি দিতে-দিতে কহিলেন, আর এত বাঁকা কথায় কাজ কি? সোজাসুজিই বল না কেন; যে “আমায় না পাইয়া।” না হইলে, এই মানুষ-লোকে আর এমন কে আছে? বাঁহায় কন্দর্প বলিয়া, অনায়াসে গোপন করা যায়। রাজা ব্যস্তমস্ত হইয়া বকুল বৃক্ষে দৃষ্টিগলানপূর্বক কহিতে লাগিলেন, অরে মুখ! কি করিলি; অত বড় করিয়া হাসিতে হয়। জাঃ! ভাড়া পাইয়া সারিকা কোথায় উঠিয়া পলাইল। না জানি, আরও কি বলিত; সব শুনিতে দিলি না। বসন্তক, চারি-দিক নিরীক্ষণ করিয়া, কহিলেন, সখে! সারিকা, এই

কদলীকুঞ্জের দিকে উড়িয়া যাইতেছে। এস-এস ; আমরাও ছুরায় যাই।
উভয়ে, কদলী-নিকুঞ্জের অভিমুখে অতি সচ্ছর চলিলেন।

কদলীকুঞ্জাভিমুখে বাইতে-বাইতে রাজা মনে-মনে “আহা! স্বভা-
বের কি চমৎকার গতি! মরি-মরি! অনিবার কুসুমধর-সন্তাপ-ভার বহন
করিতে করিতে প্রিয়-জন-দীনা বিরহ-মলিনা ললনারা, জীবিত-নির-
পেক্ষা হইয়া, সংগোপনে সখী-সমক্ষে যে সকল আক্ষেপ করেন, তাহা
শিশু, শূক অথবা সারিকা দ্বারা সৌভাগ্যশালী নায়কের কর্ণকুহরে
প্রবিষ্ট হয়। বাস্তবিক, এই অসার সংসারে স্বভাবের এই সারময়ী
রূপা না থাকিলে কি বিভ্রাটই ঘটত; কত শত বিরহিণী, অকারণ
প্রাণবিরোগিনী হইতেন; সন্দেহ নাই। আজি আমার কি সু-প্রভাত,
বলিতে পারি না; যে, অকস্মাৎ এই সংবাদ-সুধা আমার কর্ণবিবর
পবিত্র করিল!। সে যাহা হউক, সর্দাজ-সুন্দরী কোন্ প্রিয়তমা এ
অকিঞ্চনের অভাবে এমন আললায়িত-কেশা উন্মাদিনী-বেশা জীবিতা-
বশেষা সমুদায়-নিরাশা হইয়া, এত আকুঞ্চন করিতেছেন! অতঃপর
কিরূপে জানিতে পারি; কিরূপে তাঁর অনুসন্ধান করি;—কিরূপেইবা
সেই একান্ত-বিস্মৃতা দুঃখিনী জীবনেশ্বরীর সন্দর্শন পাই। হায়-
হায়! এখন কি করি! কোথায় যাই!—কোথা গেলে, তাঁর দেখা
পাই!।” ভাবিতে-ভাবিতে শুথায় উপনীত হইলেন।

রাজ-সহচরেরা, নিয়ত রাজতোগে কালক্ষেপ করে। স্মৃতরাং
ক্রমে-ক্রমে অতি অকর্মণ্য ও অতি জঘন্য হইয়া পড়ে। এমন কি?
রাজা নিজে যত-দূর পরিশ্রম করিতে পারেন, তাহারা আর ততদূরও
পারে না। বরঞ্চ যৎসামান্য কষ্টেই তাহাদের যথেষ্ট কষ্ট জ্ঞান হয়।
অধিকন্তু কি বলিয়া, প্রভুকে সন্তোষে ও স্ববশে রাখিব, সর্দাদা সেই
অতিসঙ্কী-তৎপর হয়। এদিকে স্বভাবতঃ ক অক্ষর গোমাংস!।
কাজে-কাজে অবশেষে বিলক্ষণ ভাঁড় হইয়া উঠে। অতএব এইক্ষেণে
বসন্তক, অত্যন্ত বিরক্ত হইয়া, রাজাকে সন্মোদন করিয়া, কহিয়া উঠিলেন,

বয়সা ! দূর হোক, দালীপুত্রীকে খুঁজিয়া বেড়াইলেই আর কি হইবে ? বল । সে যাক্ । এস ; আমরা, এই কলাতলে পাত্তরের উপর বসিয়া, ক্রান্তিক বিশ্রাম করি ; আর পারা যায় না । আহা !—সখে ! এখানটী কেমন সুন্দর সু-শীতল স্থল ! চারা-চারা কলা-গাছগুলি ঝাঁকুরে রহিয়াছে ! । বড় চমৎকার কুরু-কুরু করিয়া, বাতাস বহিতেছে ! । ইহা কহিয়া পার্শ্ববর্তিনী প্রস্তুত-বেদিকায় বসিয়া পড়িলেন । রাজাও অনিচ্ছা-প্রণোদিত উপবিষ্ট হইলেন । কিন্তু তাঁহার অন্য চিন্তা নাই ; তিনি কেবল সেই হৃদয়-পল্যঙ্ক-শায়িনী বিরহিণীর ভাবনায় বিমগ্ন আছেন এবং “ স্বভাবের কি চমৎকার গতি ! ” ইত্যাদির ক্ষুদ্রসী ভাবনা করিতে লাগিলেন ।

এই অবসরে, বসন্তক, পার্শ্বে দৃষ্টি সঞ্চারিত করিয়া, বিস্মিত হইয়া পুনরায় বলিলেন, বয়সা ! দেখ-দেখ, একটা দ্বার-খোলা খাঁচা পুড়িয়া আছে । বোধ হয়, আমরা, যে পাখির অনুসরণ ও অনুসন্ধান করিতেছি, এ, তাহারি পিঞ্জর হইবে । তখন, নন্দুরার বানরটা ছুটিয়াছিল, সেই, এই পিঞ্জরের দ্বার ভাঙ্গিয়া দিয়াছে । অতএব সারিকাও উড়িয়া বেড়াইতেছে । রাজা তাদৃশাবস্থ পিঞ্জর পার্শ্ববর্তি দেখিয়া ব্যস্ত-সমস্ত হইলেন এবং বসন্তককে বলিলেন তাই ! শীঘ্র আন ত । তিনি, তদীয় গ্রহণার্থ যাইয়া দেখেন, তাহারি অনতিদূরে একখানি চিত্র-কলকও পড়িয়া রহিয়াছে । উভয়ই গ্রহণ করিলেন এবং চিত্র নির্ধারণ পূর্বক সাতিশয় প্রীতি ও চমৎকৃত হইয়া, সহসা রাজার নিকটে আসিয়া, কহিলেন সখে ! সৌভাগ্য, তোমায় ক্রমে-ক্রমে কল্পিত করিতেছে ! । রাজা যথেষ্ট কৌতুহলাবিত্ত হইয়া জিজ্ঞাসিলেন, কি হে সখে ? এত যে সম্ভাব দেখিতেছি ? । তখন, বসন্তক বলিলেন, আমি যা বলিয়াছি ।—এই দেখ, এ, তোমারি ছবি কি না ? । না হইলে, এই মানুষ-লোকে আর কাহার মধ্যস্থ বলিয়া, অনায়াসে নির্দেশ করিতে পারা যায় । রাজা বাকপথভীত আত্মদে

পদ্মদণ্ড চিত্ত ও বাস্তব-সমস্ত হইয়া, হস্ত প্রসারণ করিয়া কহিলেন, দাঁও দাঁও। বসন্তকও “না মহারাজ! এ অমূল্য রত্ন! শুধু দেখাইবার নয়।” বলিয়া, ছল করিয়া, বিলম্ব করিতে লাগিলেন। রাজা, আপনার হস্ত হইতে কটক উন্মোচন পূর্বক তাঁহার গায়ে ফেলিয়া দিয়াই হঠাৎ তাহা গ্রহণ করিলেন এবং দেখিয়া, একদা হর্ষ-বিস্ময়-রসে বিলীন হইয়া, বলিতে লাগিলেন, বয়স্য! চিত্তস্থিতা কে এ জিতুবন-মোহিনী রাজহংসী ন্যায় আমার মানস আক্রমণ করিল! —আহা! কি সুন্দর মুখশ্রী! কামিনী-সংসারে এমন রূপ ত আর কখন দেখি নাই। তাই রে! বলিতে কি? আমার জ্ঞান হয়, বিধাতা, বখন ইহার পূর্ণচন্দ্র সদৃশ মুখচন্দ্র নির্মাণ করিয়াছিলেন, তখন, নিজে বিপদগ্রস্ত হইয়াছিলেন; সুস্থির হইয়া, বলিতে পান নাই। পূর্ণ শশধর সন্দর্শনে তাঁহার আসন-ভূত পদ্ম মুদিয়া গিয়াছিল!!

সুসংগতা ও সাগরিকা উভয়ে ব্যাকুলিতা হইয়া, ইতস্ততঃ অনেক অনুসন্ধান করিলেন। কিন্তু কোন স্থানে সারিকা দেখিতে পাইলেন না। তখন, সুসংগতা সাগরিকাকে কহিল, সখি! পোড়া সারিকা ত এপর্যন্ত কুত্রাপি দৃষ্টি-গোচর হইল না। কি করা যায়। এস-এস; এখন, স্বরায় গিয়া, চিত্রকলক সাবধান করি; হঠাৎ কেউ দেখিয়া ফেলিবে। সাগরিকা ভীতা হইয়া কহিলেন, তাই, শীঘ্র চল, যাই। উভয়ে, কদলীকুঞ্জ-অভিমুখে তৎক্ষণাৎ প্রত্যাগমন করিলেন।

ওখানে, চিত্র দেখিতে-দেখিতে বসন্তক রাজাকে জিজ্ঞাসিলেন, বয়স্য! এই কামিনীর প্রতিমূর্তি কেন এমন বিবল-ভাবে লিখিত হইয়াছে? যেন, অধোবদনে কি ছুঁতাবনা করিতেছে।

কদলী-নিকুঞ্জের নিকটবর্তিনী হইয়া, সুসংগতা সাগরিকাকে কহিল, সখি! বুঝি বিভ্রাট ঘটয়াছে! নিকুঞ্জে আর্ঘ্য বসন্তকের স্বর শুনি-তেছি; বোধ করি, মহারাজ আসিয়াছেন। অতএব, এস এস; স্বরায়

গিয়া, এক পাশে লুকাইয়া দেখি, কি সর্বনাশ উপস্থিত ! । উভয়ে তথাভূত হইয়া শুনিতে লাগিলেন । রাজার অন্য ভাবনা নাই । তিনি বসন্তকের কথায় কণপাত না করিয়া, চিত্তগত বিরহিণীর রূপ লাভণ্যের সুরসী প্রশংসায় বাগ্ন আছেন । সুসংগতা তাহা শুনিয়া, হর্ষিতা হইয়া, সাগরিকাকে কহিল, প্রিয়-সখি ! সোভাগ্য, দুঃ-সংশয়ের স্তূত পরিণাম করিল । ঐ শুন, তোমার প্রাণ-বল্লভ তোমারি কণ লাভণ্যের কত প্রশংসা করিতেছেন ! । তখন, সাগরিকা, কৃত্রিম দুঃখ প্রদর্শন পূর্বক কহিলেন, সখি ! আমি তোমার এমন কি দোষ করিয়াছি, যে, তুমি অকারণ আমায় এত উপহাস করিতেছ ।

বসন্তক, রাজার গায়ে ঠেলা মারিয়া, পুনরায় জিজ্ঞাসিলেন, বয়স্য ! বল না ? কি জিজ্ঞাসা করিলাম ?—এই কামিনীর প্রতিমূর্ত্তিকে ন এমন বিমল-ভাবে লিখিত হইয়াছে । যেন, অধোবদনে কি ছুঁতাবনা করিতেছে । রাজা উত্তর করিলেন, সখে ! সারিকাই ত সমুদায় পরিচয় দিয়াছে । আর, কেন, আমায় জিজ্ঞাস ? ।

সুসংগতা সাগরিকাকে কহিল, সখি ! ঐ শুনিতে ত ? বা বলিয়াছি ; পোড়া সারিকা, আপনার মেধাবিশ্বের বিলক্ষণ পরিচয় দিয়াছে । বসন্তক রাজাকে কহিলেন, সখে ! সে বাহা হউক, এইক্ষণে তোমার চক্ষুঃসুখ হইতেছে কি না ? শুনিতে চাই । সাগরিকা, সুসংগতার কথায় উত্তর না করিয়া, মনে-মনে ভাবিতে লাগিলেন, হায় ! হায় ! ইহাও যে আমার হিতে বিপরীত হইল ! অতঃপর আমি মরণ ও জীবন উভয়ের মধ্যে দাঁড়াইলাম ! জানি না, ভাগ্যে কি ঘটবে ! হয়, ত, বৎসরাজমহিষী হইতে অচিরে মৃত্যুসংঘটন হইবে ! নতুবা, বৎসরাজের এই ভাল বাসায় জীবন-ধারণের কললাত কপালে আছে ! ! ।

রাজা বসন্তকের কথায় উত্তর করিলেন, প্রিয় সখে ! চক্ষুঃসুখ বসিতেছে কি ! আমার হুঁচী নয়নের এখন এই দশা ঘটয়াছে ! ।

উহার, চিত্রাঙ্গিতা প্রিয়ভ্রমার অসামান্য রূপ-লাবণ্য দেখিবার আশয়ে নিতান্ত কৌতূহলাক্রান্ত হইয়া, সর্বাঙ্গে তাঁহার উরুযুগলে পতিত হয়। সেখান হইতে উঠিতে পারে না। অনন্তর, অতি কষ্টে যদিই তথা হইতে উখিত হইল; অুমনি তদীয় নিতম্বে গিয়া পড়িল এবং ইতস্ততঃ অনেক ঘুরিতে লাগিল। আর, কোনরূপে উঠিতে পারিল না। বহুকণ পরে, অতি কষ্টে সেই স্থান উত্তীর্ণ হইবার পর, মধ্য-দেশে নিপতিত হয়। কিন্তু সে বড় কঠিন স্থান! তথায় বিবস ত্রিবলী-ভরঙ্গ আছে! সুভরাং যেন স্পন্দহীন হইয়া পড়ে। অবশেষে, অশেষ প্রয়াসে সম্প্রতি পয়োধর যুগল পর্যন্ত উঠিয়াছে এবং পরিশ্রম-কাতর ও পিপাসাতুর হইয়া, বাষ্পবিন্দু প্রত্যাশায় অগ্নিনিরী সজল নয়ন-যুগলের দিকে একদৃষ্টে চাহিয়া রহিয়াছে !!

সুসংগতা সাগরিকাকে পুনরায় কহিল, সখি! শুনিতেছ?। সাগ-রিকা, কৃত্রিম বিরাগ প্রদর্শন পূর্বক কহিলেন, সেই শুনিবে, বার রূপের এত গৌরব হইতেছে; অন্যের কি দায়!!। বসন্তক রাজাকে কহিলেন, বয়স্য! একুপ ত্রিলোক-মোহিনীরাও যাঁর সমাগম এমন ভাল বাসেন, তাঁর আপনার প্রতি উপেক্ষা ভাল দেখায় না। অতএব উৎসাহশূন্য হইও না।—এই দেখ-দেখ, এ আবার কার ছবি?।—সহরাজ! এইকণে তুমি এমন অন্যমনস্ক হইয়াছ, যে, চিত্রাঙ্গিতা সুন্দরী, অতি প্রযত্ন পূর্বক স্বপ্যর্ষে তোমায় চিত্রিত করিয়াছেন, তাহাও দেখিতে পাইতেছ না?। ইহা বলিয়া, সেই চিত্রপটে তদীয় প্রতিকৃতির নির্দেশ করিলেন। রাজা সুশো-ধিতের ন্যায় প্রকৃতিস্থ হইয়া, বহুকণ নিরীক্ষণ করিলেন এবং কহিলেন, প্রিয়-সখ্যে! এই বাসনোচনা, ইচ্ছা অনুরাগ ভরে, আমারে চিত্রিত করিয়াছেন; ইহাতে আমি প্রীত ও বহুমত হইয়াছি, যথার্থ বটে। অতএব, দেখিব না কেন?। অগ্নিনিরী, আমার চিত্র প্রস্তুত

করিতে-করিতে কত রোদন করিয়াছিলেন, চিত্তে এক এক বিলুপ্ত বাস্প
নিপতিত ও অক্ষিত রহিয়াছে !। কিন্তু জ্ঞান হইতেছে, আমার চিত্তদেহ
সম্পূর্ণ-মাত্র প্রাণ-প্রিয়তমার সাত্বিক ভাবে শ্বেদ হইয়াছিল, এ ভাই !।

সাগরিকা, অন্তরাল হইতে এই সকল দেখিয়া, শুনিয়া, আত্মা-দেহ
পুলকিত হইয়া, মনে-মনে বলিতে লাগিলেন, হে হৃদয় ! শাস্ত হও—
শাস্ত হও ! ঈর্ষ্য ধর। সম্প্রতি, মনোরথ সম্বিহিত হইল ! বুঝি,
ভাগ্য সুপ্রসন্ন হইয়াছে !। তুমি যাহা নিতান্ত দুর্লভ বস্তু ভাবিয়া,
নিরাশ্বাস হইয়াছিলে ; তাহা করতল-বর্ত্তিনী শুভরেখা-স্বরূপে দেখা
দিয়াছে !। সুসংগতা জনান্তিকে কহিল, প্রিয়-সখি ! তুমিই ধন্য
এবং কৃতপুণ্য ; দেখ, বৎসরাজ, তোমাতে কতদূর অমুরাগী !। তিনি
নিরুত্তর ও লজ্জা-নম্রমুখী হইয়া, রহিলেন।

বসন্তক, পার্শ্বে দৃষ্টি নিক্ষেপ করিয়া, বিস্মিত হইয়া, পুনরায়
কহিলেন, সখে ! দেখ-দেখ, এ আবার কি ? পদ্মপত্র সকল পড়িয়া
আছে ! ইহাতে বোধ হইতেছে, মোহিনীর বিলক্ষণ মদনাবস্থা
এবং মোহভাব উপস্থিত হইয়াছিল। রাজা কহিলেন, সখে ! যথার্থ
অনুভব করিয়াছ। সত্য বটে, নলিনী-পত্রগুলি তাহা বিলক্ষণ
প্রমাণিত করিতেছে। তাঁর পীন পয়োধর যুগল ও পীন জঘন
যুগলের বারংবার আঘাত লাগিয়া, স্নান হইয়া গিয়াছে এবং যুগল
বাহ-বস্ত্রীর বারংবার বিক্ষেপণে এমিক্ ওমিক্ সরিয়া পড়িয়াছে।
এখন, আর শয্যার মত সাজান নাই। আর, মধ্যে-মধ্যে যে এক-
একটা পাতা হরিৎ বর্ণ দেখা যায়, ঘটনাক্রমে এগুলি সেই কুশাদীর
কলী-দেহের নীচে পড়িয়া-পড়িয়া বড় আঘাত পায় নাই। ভাই,
প্রকৃতাবস্থা রহিয়াছে।

ইত্যাকার নামাশ্রকার বিরহ-বিকার বর্ণনা চলিতেছে, বসন্তক,
পুনরায় যুগল-দ্বার দেখিতে পাইলেন। অমনি তাহা লইয়া “সখে !
আবার এই দেখ, যুগলমালা !” বলিয়া, রাজার হস্তে সমর্পণ

করিলেন। রাজা, তাহা গ্রহণ পূর্বক অতিশয় আগ্রহে বসেছিলেন ধারণ করিলেন এবং সাতিশয় বিহ্বলতা প্রযুক্ত তাহাকেই সম্বোধন করিয়া কহিতে লাগিলেন, অয়ি জড়প্রকৃতে! তুমি তাঁর কুচ-যুগলের মধ্যস্থল হইতে পরিচ্যুত হইয়াছ, বলিয়া, ব্রথা শোক করিতেছ, কেন? এ তোমার নিতান্ত অনায়াস। তুমি কি জান না, সেই সর্দারসুন্দরীর স্তনদ্বয় পরস্পর এমনি নিবিড়, যে, তাহার সাক্ষাৎনে তোমার এক-গাছী তন্তুই থাকিতে স্থান পায় না। তথায় তোমার অবস্থান কিরূপে সম্ভবিত্তে পারে?।

সুসংগতা রাজাকে লক্ষ্য করিয়া, মনে-মনে ভাবিতে লাগিল, মন্দ নয়; ইনিও ত এক-কালে পাগল হইয়া উঠিয়াছেন, দেখিতেছি। অনন্যমনাঃ ও অনন্যকূর্মা হইয়া, কেবল সাগরিকারি রূপ-লাবণ্যের ভূয়সী প্রশংসা করিতেছেন। সন্তত তাঁহারি অনুধ্যান ও তাঁহারি অনুসন্ধান; অন্য কথা নাই। যা হউক, আর ছুঃখ দেখা যায় না। পরস্পরের বাহিরের লক্ষণ দেখিয়া, মনের ভাবও বিলক্ষণ জানা গিয়াছে। অন্তএব, এইক্ষণে একটু-একটু করিয়া, অগ্রসারিণী হওয়া যাউক। অনন্তর, সাগরিকাকে কহিল, সখি! যার জন্যে এখানে আসিয়াছ, তা, ত, সমুখে উপস্থিত; আর, ব্রথা গৌণ কেন?। সাগরিকা, কুজিন অনুয়া-পরবশ হইয়া, কহিলেন, আনি, কার জন্যে এখানে আসিয়াছি?। সুসংগতা দীর্ঘ হাসিয়া পুনরায় বলিল, অয়ি অন্য-খব্বিতে! কেন গা চিত্রকলকের জন্যে না? তাই, বলি, যাও না; গিয়া জ্ঞাত না কেন। সাগরিকা, পুনরায় কুজিন অসন্তোষ ও রোধ প্রদর্শন করিয়া “আনি তোমার ওসকল কথা বুঝিতে পারি না; আনি ওসব জানি না; তবে, আমি এখান হইতে সরিয়া যাই” বলিয়া, যেন তথা হইতে চলিয়া যাইতে উদ্যত হইলে, সুসংগতা কহিল, অয়ি অসহনে! আর কি কথাটাও ময় না গা, দাড়াও-দাড়াও; না হয়, আনিই গিয়া লইয়া আসিতেছি। সাগরিকা, অধোবদনে কহিলেন,

তবে, তাই, যাও ; কিন্তু স্বরায় আন । সুসংগতা স্মিতমুখে “তালি ! একটু ধৈর্য্য হও ;” বলিয়া, কদলী-গৃহাতিমুখে চলিল।

বসন্তক কিঞ্চিদূর হইতে সুসংগতাকে দেখিতে পাইয়া, ভীত হইলেন এবং রাজাকে সন্ধান করিয়া বারংবার বলিতে লাগিলেন, বয়স্য ! ঢাকা দাও—ঢাকা দাও ; চিত্র-ফলক লুকাও । মহারাজার পরিচারিণী সুসংগতা আসিতেছে ।। তিনি তৎক্ষণাৎ উত্তরীয় বসনে তাহা প্রচ্ছাদিত করিলেন । অনন্তর, সে রাজ-সাক্ষাৎকারে উপস্থিত হইয়া “মহারাজের জয় হউক” বলিয়া, সর্ষদ্বন্দ্ব করিলে, রাজা জিজ্ঞাসিলেন, সুসংগতে ! অন্তঃপুরের মঙ্গল ত ?। সে “হাঁ মহারাজ !” বলিয়া, উত্তর করিল । তিনি পুনরায় জিজ্ঞাসা করিলেন, তাল, সুসংগতে ! আমি এখানে আছি, কেমন করিয়া জানিলে ? সে পরিহাস উদ্দেশে পুনরায় প্রত্যুত্তর করিল, শুধু তা নয় ; চিত্র-ফলকের বৃত্তান্তও জানিয়াছি ।--এখনি গিয়া, মহারাজাকে বলিয়া দিব ; এই চলিলাম ।। ইহা কহিয়া, তৎক্ষণাৎ চলিয়া যাইবার ছল করিলে, বসন্তক পুনরায় মহাভীত হইয়া রাজাকে সংকেত করিতে লাগিলেন, বয়স্য ! এই গর্ভদাসীটা বড় মুখরা ; সবই সন্তুষ্টিতে পারে !। ইহারে অণুমান বিশ্বাস নাই । অতএব, তাল করিয়া সান্ত্বনা ও সন্তুষ্ট কর । রাজাও জড়বড় হইয়া “যথার্থ বলিয়াছ” বলিয়া, তৎক্ষণাৎ তাহাতে প্রবৃত্ত হইলেন । তর-ব্যাকুল হইয়া স্বীয় হস্ত ও কণ্ঠ হইতে সমস্ত অলঙ্কার উন্মোচন পূর্বক তাহাকে দিয়া, বিবিধ-প্রকার মিষ্ট বাক্য প্রয়োগ দ্বারা বিনয় করিয়া, অবশেষে, তার দুটো হাতে ধরিয়া, বলিলেন, সুসংগতে ! আমি আর তোমায় অধিক কি বলিব ? বা দেখিলে ও যা শুনিলে, কোতুক-মাত্র । মিছামিছি কল্পনা করিয়া, খেলিতেছিলাম । বাস্তবিক কিছুই নয় । অতএব, দেখো, তুমি যেন একে আর ভাবিয়া, অকারণ রাজ্যেরে রাগাইও না । এসব শুনিলে, তিনি, যার পর নাই, ব্যথা পাইবেন ।

তখন, সুসংগতা বাস্তব-সমস্তা হইয়া বলিল, না না, মহারাজ ! এত আকুল হইবেন না। এ দাসী হইতে অণু-মাত্র আকুল হইবার বিষয় নয়। আর, আমার অন্য পারিতোষিকেও প্রয়োজন নাই। আমার প্রিয়সখী সাগরিকা “সখি! আমার কেন লিখিলে” বলিয়া, আমার উপর ভারী রাগ করিয়া আছেন। অতএব অনুগ্রহ পূর্বক একবার যদি তাঁর নিকটে গিয়া, তাঁকে সান্ত্বনা করেন, আমার এতদূর পারিতোষিক হয়। রাজা সুসংগতার এই অমুকুল ভাব দেখিয়া ও সাগরিকার নাম শুনিয়া, শঙ্কা পরিত্যাগ করিলেন এবং পুনর্বার বাস্তব-সমস্তা হইয়া কহিয়া উঠিলেন, কোথা? কোথা? তিনি কোন্ খানে আছেন?। সে “আমুন-আমুন, মহারাজ!” বলিয়া, অতি সত্ত্বর প্রত্যাপ্তি করিল। রাজাও অমুকুল পবন-প্রেরিতের ন্যায় অলিঙ্গ্য আনন্দে প্রণোদিত ও শশবাস্ত হইয়া, সুসংগতার সঙ্গে সঙ্গে সাগরিকার সমীপে আসিতে লাগিলেন। বসন্তক “মহারাজ! চিত্র-কলক ফেলিয়া যাওয়া হইবে না; লওয়া যাউক। কাজ দেখিবে।” বলিয়া, তাহা লইয়া, তাঁহার পশ্চাৎ পশ্চাৎ আসিলেন।

সকলে সমীপবর্তী হইলে, সাগরিকা, রাজাকে সন্নিহিত দেখিয়া যুগপৎ হর্ষশঙ্কা ও সাত্ত্বিক ভাবোদয়ে অভিভূতা হইলেন এবং বিস্ময়-রসে অভিভূতা হইয়া, মনে-মনে ভাবিতে লাগিলেন, কি আশ্চর্য্য! ইহঁারে দেখিয়া, আর, আমি, যে, এক পাও চলিতে পারি না! এখন কি করি। বসন্তক, সাগরিকাকে দেখিয়া, হাঃ হাঃ শব্দ করিয়া, হাসিয়া উঠিলেন এবং বলিতে লাগিলেন, আহা! এরূপ রূপ-লাবণ্য-নিধান কন্যা-নিধান ত মর্ত্য-লোকে কখন দেখি নাই। মনে লয়, বিধাতা, ইহঁায় নির্মাণ করিয়া, নিজে বিস্মিত ও চমৎকৃত হইয়া ছিলেন। দেখিয়া, শুনিয়া, শ্রীত ও চমৎকৃত হইয়া রাজাও কহিলেন, সখি! যথার্থ বলিতেছি। আমিও তাই ভাবিতেছি। জান হয়, এই ত্রিলোক-ললাম-স্বরূপিণী কামিনীকে নির্মাণ করিয়া প্রজাপতি,

প্রকৃতি সরোজ সদৃশ হইল চকুঃ ক্রিয়ংকণ বিস্ফারিত করিয়া-
হিলেন । পলকিতে পারেন নাই । আর, শিরশ্চালন পূর্বক একদা
চারি-মুখে আপনাকেও অসম্ভব সাধুবাৎ করিয়াছেন ॥ সন্দেহ নাই ।

সাগরিকা, কৃত্রিম-অহুয়া-বশবর্তিনী হইয়া, স্মৃৎসংগতাকে কহিলেন,
সখি ! তুমি কি এই চিত্র-কলক আনিতে গিয়াছিলে ?—এই কি
চিত্র-কলক আনিলে ? এই-মাত্র বলিয়াই যেন হঠাৎ ভাষা হইতে
প্রস্থান-মুখী হইলেন । রাজা, সাগরিকাকে হঠাৎ গমনোন্মুখী
দেখিয়া, সহসা তাঁহার ভাব বুকিতে না পারিয়া, কিংকর্তব্য-বিমূঢ়
হইয়া, কহিতে লাগিলেন, হে ভামিনি ! তুমি যদিই রোব-পরবশ
হইয়া, সখীর প্রতি অতিক্রম কটাক নিক্ষেপিত করিতেছ ; তথাপি
তোমার ঐ শাস্ত্র প্রকৃতি প্রিয়সখী কখনই ক্রোধভরে বিকৃতিভাষা-
পর হইবেন না ।—হে প্রিয়ভগ্নে ! যদি নিভাস্তই চলিলে ; কি
করি ; কিন্তু অত দ্রুত গমন করিও না ; কষ্ট পাইবে ; প্রম-জলে
তোমার সর্বাঙ্গ প্রাবিত হইয়া যাইবে ॥

স্মৃৎসংগতা কহিল, মহারাজ ! ইনি কিছু অভিমানিনী হন । অতএব
নিকটে গিয়া, হাতে ধরিয়া সান্ত্বনা করুন । রাজা-আজ্ঞাদে পরিপূর্ণ
হইয়া “স্মৃৎসংগতে ! বা বলিলে !” এই-মাত্র বলিয়াই তৎক্ষণাৎ তদীয়
নিকটে গিয়া, তাঁহার দুইটী হস্ত ধারণ করিলেন এবং অনুপন্ন স্পর্শ-
রূপে অভিভূত হইলেন । তখন, বসন্তক ঝিৎ হাস্যমুখে বলিলেন,
মহারাজ ! এই যে তুমি অপূর্ব ক্রী-প্রাপ্ত হইলে ? রাজা কহিলেন,
সখে ! সত্য কথা ; ইনি ক্রীই বটে । ইহার পাণি যুগলই ত পারি-
জাতের পরব । নতুবা, কেন, যেদ-জলে অমৃত করণ হইবে ॥

স্মৃৎসংগতা, সাগরিকাকে কহিল, প্রিয়-সখি ! এখন, তোমার
অদক্ষিণা রমণীর মতন দেখিতেছি । মহারাজ, হাতে ধরিয়াছেন ;
তবুও কি তোমার অভিমান ভাঙিল না ? মহারাজ হইতেও কি
রাগ এত প্রিয় হইল ? তিনি পুনরায় কৃত্রিম কোপে জড়জ করিয়া,

কহিলেন, সখি! তুমি এখনও কাঁদ হইলেন না। রাজা কহিলেন, অগ্নি কোপনে! সখীর প্রতি ক্রমাগত এত রাগ করিতে নাই। বসন্তকণ্ঠ বলিলেন, হেঁ গো! তুমি স্বধর্ম আশ্রয়ের মত কথায় কথায় কেন দ্রুত রাগিয়া উঠ?। সাগরিকা, রাজা ও বসন্তক উভয়ের কথায় কোন উত্তর না দিয়া, ক্রুদ্ধ কোপ প্রদর্শন পূর্বক পুনর্বার স্নসংগতাকে কহিলেন, সখি! তোমার সঙ্গে আর আমি কথা কহিব না। রাজাও পুনরায় কহিলেন, না না; সমান-প্রতিপন্ন সখী-জনে এরূপ অসুচিত আচরণ করিতে নাই।

এই-প্রকার কথোপকথন চলিতেছে, ইত্যবসরে, বসন্তক সাগরিকার বারংবার কোপ প্রকাশ দেখিয়া, মনে-মনে তাঁহাকেই লক্ষ্য করিয়া, একাশে কহিয়া উঠিলেন, মহারাজ! দেবী বাসবদত্তা!। রাজা-অকস্মাৎ মহিমীর নাম প্রদণ-মাত্র অভিনাদ সম্বোধিত ও সচ-কিত হইলেন এবং তৎক্ষণাৎ সাগরিকার হস্ত পরিত্যাগ করিলেন। সাগরিকাও অতি ভীতা ও অতি চকিতা হইয়া, কহিয়া উঠিলেন, স্নসংগতে! কি সর্বনাশ উপস্থিত! এখন কি উপায় করি? দ্বরায় বল। সে উত্তর করিল, এস এস; এই তমাল ডালের আড়ালে লুকিয়া থাকি। রাণী প্রস্থান করিলে, আমরাও অন্তঃপুরে পলাইব। এইরূপে উভয়ে লুক্কায়িত হইলে, রাজা অভ্যস্ত ব্যগ্র হইয়া বসন্তককে বারংবার জিজ্ঞাসিতে লাগিলেন, কই? কই?—রাণী কোথায়?। তখন, বসন্তক কহিলেন, তা ত নয়। মহারাজ! আমি তা ত বলি নাই। মহা-রাণীর মত বারংবার কোপ প্রকাশ দেখিয়া, আমি, ইহাঁকেই তাঁহার নামে উল্লিখিত করিয়াছি।

শুনিয়া, রাজা, যৎপরো নাস্তি আকিঞ্চ হইলেন এবং নিতান্ত ক্রুদ্ধ ও অসহ্য হইয়া, তাঁহাকে তৎক্ষণা করিতে লাগিলেন, আরে মূর্খ! তু কি ছকর্ম্ম করিলি।—হায়! কি মনস্তাপ! আমি যে কত আকৃষ্টনের পর, ঈদেবের অমুগ্রহে রত্নাবলীর ন্যায় ক্ষুরিত-

রাগরাশি প্রায়সীরে পাইয়াছিলাম, এক মুখে বলিতে পারি না।
 রে বালীককার! গলায় না পরিতে পরিতে তুই তাহা হাত
 ছাড়া করিয়া দিলি? অনন্তর, তিনি সেই অসমীক্য-বাদ্যকারী
 বসন্তকের বাক্য ব্যঙ্গোক্তি স্থির করিয়া, নিঃশঙ্কিত-চিত্তে পুনরায়
 তাঁহাকে জিজ্ঞাসিলেন, এখন, কোথা গেলে, প্রিয়তমার পুনর্বার
 সন্দর্শন পাই? বল।

এদিকে, রাজী অকাল-কুমুম-প্রসঙ্গে মকরন্দে আগমন করিয়াছেন।
 তিনি যথেষ্ট কোতূহলাবিত্ত হইয়া, সম্ভাব্যাহারিণী পরিচারিণীকে
 জিজ্ঞাসিলেন, কাঞ্চনমালা! আর কত দূরে আৰ্য্যপুত্রের নব-
 মালিকা? সে উত্তর করিল, দেবি! বড় দূর নয়। ঐ কদলী-
 নিকুঞ্জের ওধারে দেখা যাইতেছে। তদনন্তর, তাঁহারা কদলীকুঞ্জের
 সন্নিহিত হইলে, কাঞ্চনমালা রাজার কণ্ঠধনি শুনিতে পাইল এবং
 কহিল, ঠাকুরাণি! সম্মুখস্থিত কদলীকুঞ্জে মহারাজের স্বর শুনিতে
 পাইতেছি। বোধ হয়, তিনি এখানে আপনকার প্রতীক্ষা করিতে-
 ছেন। একত্র হইয়া মালিকা-কাননে যাইবেন। অতএব আসুন-
 আসুন, আমরাও সম্বর তাঁহার সমীপস্থ হই।

অনন্তর, রাণী রাজার সমীপবর্তিনী হইয়া “মহারাজের জয় হউক”
 বলিয়া, সংবর্দ্ধনা করিলে, রাজা সশঙ্কিত ও শশব্যস্ত হইয়া, দ্বার-
 দ্বার সন্বেদ করিতে লাগিলেন, বয়স্য! চিত্রকলক সাবধান কর।
 তিনিও ভাড়াভাড়ি, ডাহা ককে নিকিষ্ট ও লুণ্ঠারিত করিলেন।
 তখন, রাজী রাজাকে জিজ্ঞাসিলেন আৰ্য্যপুত্র! কেমন? প্রতিজ্ঞা
 পূর্ণ ও জয়-লাভ হইয়াছে, ত? নব-মালিকা পুষ্পবতী, বধার্থ বটে?
 রাজা রাজীর ঐ কথা বক্তোক্তি জানিয়া, উটহ হইয়া, বলিতে
 লাগিলেন, প্রিয়তমে! আমরা অনেক-কাল অগ্রে এখানে আসি-
 য়াছি। তোমায় দেখিতে পাই নাই। তোমার আসিতে বড়
 গৌরব হইয়াছে। একত্র হইয়া দেখিতে যাইব, বলিয়া, আমরা

হুজনে, এখানে, তোমার আগমন-পথ চাহিয়া রহিয়াছি। রাজী, রাজার আপাদ-মস্তকে কৃষ্টিপাত করিয়া, পুনরায় কহিলেন, আৰ্য্য-পুত্র! তা মিথ্যা নয়; মুখের ভাব দেখিয়াই বিলক্ষণ জানা গিয়াছে, নবমালিকা পুষ্পবন্তী, সত্য বটে। অতএব, আর, আমার সেখানে দাইবার আবশ্যকতা নাই। আমি এখান হইতেই ফিরিয়া যাই।

নির্ধ্বজি বসন্তক, রাজীর ঐ কথা শুনিয়া, আত্মাদে উন্নত হইয়া, হাঃ হাঃ শব্দে হাসিয়া উঠিলেন এবং ছুইজী হস্ত প্রসারণ ও আন্দোলন পূর্বক মহা-আশ্চর্য্য করিতে লাগিলেন।—বলিতে লাগিলেন, দেবি! যদি তুমি স্বমুখেই স্বীকার করিলে, নব-মালিকা পুষ্পবন্তী হইয়াছে; তবে ত আমার জিতিয়াছি!। বাস্তবিক, তিনি, যেমন হস্ত প্রসারণ করিলেন, অমনি, তদীয় বগল হইতে বিগলিত হইয়া, চিত্র-কলক ভূমিতলে নিপতিত হইল। রাজা শঙ্কিত ও রাগান্বিত হইয়া, তাহা সত্বর সাবধান করিবার আশয়ে, তাঁহার মুখের দিকে চাহিয়া, ধন-ধন সঙ্কেত করিতে লাগিলেন। তিনিও সঙ্কেত দ্বারা ভৎসনাৎ উত্তর করিলেন, তুমি এত রাগ করিতেছ কেন? তাল, বা হয়, আমিই করিতেছি।

কিন্তু চিত্র-কলক পতিত হইয়া-মাত্র কাঞ্চনমালা তাহা গ্রহণ করিল এবং দেখিয়া, রাজীকে সযোজন পূর্বক বলিতে লাগিল, ঠাকুরাণি! দেখুন, দেখুন, এ কার ছবি?। রাজী চিত্র-কলক গ্রহণ করিলেন এবং সর্বিশেষ নির্ধারণ পূর্বক বিস্মিত হইয়া মনে-মনে বলিতে লাগিলেন, ইনি ত মহারাজ! আর, এ ত সাগরিকা দেখিতেছি!। অনন্তর, আভাসমান রোষে, প্রকাশে কহিলেন, আৰ্য্যপুত্র! কি এ?। রাজা নিরুপায় ও ব্যগ্র হইয়া, সঙ্কেত দ্বারা বসন্তককে জিজ্ঞাসিলেন, সখে! এখন কি বলি?। তিনিও সঙ্কেত দ্বারা আশ্বাসিয়া পুনরায় উত্তর করিলেন, বড় উত্তলা হইও না; আমি এক কথায় উত্তর করিতেছি।

উদনন্তর, প্রকাশে রাজীকে সযোজন করিয়া কহিলেন, ভগবন্তি!

আপনার মূর্তি আপনি চিত্রিত করা বড় দুষ্কর ও কঠিন কর্ম ; আমার নিকটে ইহা শুনিয়া, প্রিয় সখা আপনি আপনার মূর্তির চিত্র নির্মাণ করিয়া, এই বিজ্ঞান দেখাইয়াছেন । তুমি অন্য সংশয় করিও না । রাজাও কহিলেন, দেবি ! বসন্তক যাহা কহিলেন, এ, তাই । উহা তিন কিছুই জানি নাই । রাজী, পুনর্বার চিত্র নির্মাণ এবং উচ্ছ্বসিত কোপাবেগ সম্বরণ পূর্বক কহিলেন, আৰ্য্যপুত্র ! ভাল, বুঝিলাম ; যেন, তাই হলো ; কিন্তু এই যে এখানে আর একটা দেখিতেছি, এটাও কি আৰ্য্য বসন্তকের বিদ্যা ? তিনিও এই আশ্চর্য্য চিত্র নির্মাণ করিয়াছেন না কি ? । রাজা কহিলেন দেবি ! না না, তা নয় ; ও-সকল ভাবিতে নাই । এরূপ রমণী আমি কখন চক্ষেও দেখি নাই । বসন্তকও ব্যস্ত-সমস্ত হইয়া, যজ্ঞস্থলে ধরিয়া কহিয়া উঠিলেন, দেবি ! এই দেখ, আমিও যজ্ঞোপবীত হস্তে করিয়া, তোমার সাক্ষাতে অনায়াসে দিবা করিতেছি, এইরূপ কামিনী, আমরা কখন চোখেও দেখি নাই । তখন, কাঞ্চনমালা বিনীতভাবে রাজীকে কহিল, ঠাকুরাণি ! আটক নাই ; এরূপ যুগাকরও সত্ত্বিভে পারে । অতএব, দূর হউক ; মূল না জানিয়া, রথা রাগ করিয়া, কাজ কি ? ক্ষান্ত হউন । রাজী অসন্তুষ্টা ও রুষ্টা হইয়া উত্তর করিলেন, অরি সরলে ! তুই ইহার বাঁকা কথা কি বুঝিবি ? যে সে নয়, এ, বসন্তক ! । পরে, কোপাবেগ সম্বরণ পূর্বক রাজাকে পুনরায় কহিলেন, আৰ্য্য-পুত্র ! এই ছবি দেখিতে দেখিতে আমার বড় মাথা ব্যথা হইল । অতএব তুমি লক্ষ্মে লুখ-সন্ধ্যোগ কর । আমি, চলিলাম । এই বলিয়া, গমনোন্মুখী হইলে পর, রাজা, তাঁহার অঞ্চল ধারণ করিয়া কহিতে লাগিলেন হে কোপনে ! বিবস লক্ষট উপস্থিত ! তোমায় কি বলিয়া সান্ত্বনা করি, তাবিয়া স্থির করিতে পারিতেছি না । যে ভীষণ দহন জ্বলিয়া উঠিয়াছে ! কি বলিলে শান্ত হয় ; আর, কি বলিলেই বা দ্বিগুণ জ্বলিয়া উঠে ! জানি না ।

যদি বলি, প্রসন্ন হও; ভাষা হইলে “হাঁ আমি কি রাগ করি-
য়াছি” বলিয়া, পাছে তুমি আরও রাগিয়া উঠ। যদি বলি, আর কখন
এমন কর্ম করিব না; তবে, যেন, করিয়াছি, বলিয়াই স্পষ্ট বীকার
পাইতে হয়। অথবা, যদিই বলি, আমি দোষী নই; তাতে, পাছে,
আমায় মিথ্যাবাদী স্থির করিয়া, তুমি, একবারে ঘৃণা কর। সুতরাং
আমি সকল দিকে নিরুপায়? হে জীবিত-সহায়ো! বলিতে কি?
আমার দশনিক অন্ধকার!!

রাজ্যী কৃজিন বিনীত-ভাবে অঞ্চল আকর্ষণ করিতে করিতে কহি-
লেন, আর্ঘ্যপুত্র! না-না, অমন সকল কথা বলিবেন না। সভ্যসভাই
মাতা-বাধা আমায় বড় কাতর করিতেছে। আর আমি সহিতে পারি-
তেছি না। ইহা কহিয়াই তদীয় হস্ত হইতে বল পূর্বক অঞ্চল আকর্ষণ
করিয়া তৎক্ষণাৎ প্রস্থান করিলেন। দেখিয়া, সন্তুষ্ট হইয়া, বসন্তক
বলিলেন, মহারাজ! সৌভাগ্য-ক্রমে তুমি নিষ্কটক হইলে! এ, ত,
তোমার পক্ষেই মঙ্গল। অকাল-বাদলিকা রাজ্যী স্বরায় চলিয়া
গেলেন। তখন, রাজা অত্যন্ত দুঃখিত হইয়া “ধিক্ মূর্খ! অরে
এ কি সে গমন? যে, তুই এত সন্তুষ্ট হইতেছিস! রে নির্দোষ!
দেখিলি না? অথবা দেখিয়া শুনিয়াও কি কিছুই বুঝিতে পারিলি
না? রাণীর এ রাগ বড় সহজ নয়; তিনি, যখন, প্রস্থান করি-
লেন, তখন, তাঁহার অন্তর্বিলাসী কোপামুবন্ধের সমস্ত লক্ষণ প্রকাশ
পাইয়াছিল; তাহা অতি বড়-পূর্বক গোপন, করিয়া গিয়াছেন।
অরে দেখিস্ নাই? প্রস্থান সময়ে মুখ-মণ্ডল অবনত করিয়া,
ক্রান্ত সংগোপন করেন। মধ্যে মধ্যে আমার অন্তর্ভেদকারী
কিঞ্চিৎ হাস্য করিয়াছিলেন; তথাপি কোন নিষ্ঠুর কথা কন নাই।
আর, আমার নিকট বিদায়-গ্রহণ-কালীন তাঁহার হুইলী চক্রে
কোমল-হাস্যে আকুলিত হইয়া উঠিয়া ছিল, সেই নিমিত্ত, তিনি, তখন,
আমার নিকে অর্ক-কুরিত নেত্রদ্বয় নিক্ষেপিত করিয়া যান।” বলিয়া,

কতকণ তর্জনা করিলেন এবং পুনরায় অশ্বাসিয়া বলিলেন, “সখে! এইক্ষণে স্থির হইয়া, বিবেচনা কর দেখি, রাগী, রাগ স্পষ্ট প্রকাশিত করিয়াই গিয়াছেন কি না?। কিন্তু তিনি স্বভাবতঃ অপ্রখলতা এবং আমার প্রতি একান্ত অমুরাগিনী; সেই জন্যেই তৎকালে একবারে স্নেহশূন্য আচরণ করিতে পারেন নাই। অতএব, তাই রে! আর তাবিতেছ কি? এখন, এস-এস, দ্বারায় অন্তঃপুরে বাই। অতঃপর তাঁহারে সাস্তুনা করিবার উপায় দেখা যাউক।” এই বলিয়া, অবরোধ-অভিযুখে প্রস্থিত হইলেন। বসন্তকণ স্বস্থানে প্রস্থান করিলেন।

তৃতীয় অঙ্ক ।



রাজা, রাজীকে সান্ত্বনা করিয়াছেন। কিন্তু তাঁহার সাগরিকা-
চিন্তা পুনরায় বলবতী হইয়া উঠিয়াছে। তখন, তিনি, কি উপায়ে
সেই অসাধারণ ললনা-রত্ন লাভ করিবেন, সত্তত মনে-মনে কেবল
ভাহারি অনুধ্যান ও অনুসন্ধান করিতে লাগিলেন। চুশ্চিন্তা, মানুষের
বিষম জ্বর। স্মৃতরাৎ ক্রমে-ক্রমে রাজার মুখ-মণ্ডল বিবর্ণ এবং সর্ব
শরীর বিশীর্ণ হইয়া উঠিতে লাগিল। অতএব, সর্বত্র প্রচারিত হইল,
রাজা অসুস্থ হইয়াছেন।

রাজী রাজার অসুস্থতার সংবাদ প্রবণ করিয়া, অতিশয় উৎকণ্ঠিত
হইলেন এবং তিনি কেমন আছেন, দেখিয়া আসিবার নিমিত্ত প্রিয়-
পরিচারিণী কাঞ্চনমালাকে তাঁহার সমীপে পাঠাইলেন। কিন্তু
কাঞ্চনমালার তথ্য হইতে কিরিয়া আসিতে অনেক-ক্ষণ বিলম্ব হইল,
দেখিয়া, মহা-উদ্বেগ ও শশব্যস্তা হইয়া উঠিলেন এবং তৎক্ষণাৎ
পুনরায় আর এক পরিচারিণী মদনিকাকে তথায় পাঠাইয়া দিলেন।
মদনিকা, রাজ-সাক্ষাৎকারে যাইতেছে, পথে, কাঞ্চনমালার সাক্ষাৎ
পাইল। সে, আসিতে আসিতে বিস্ময়াব্বিত ও ছঃখিত হইয়া
মধ্যে-মধ্যে এক-একটা দীর্ঘ নিশ্বাস ফেলিতে ফেলিতে বলিতেছে, সাধু
রেবসন্তক! ধন্য তোর যোগ্যতা! এই সন্ধি বিগ্রহ প্রভৃতি উপায়ের
উদ্ভাবনায় তুই অমাত্র যোগস্করায়ণকেও হারাইয়াছিস!। শুনিয়া,
মদনিকা তাহাকে জিজ্ঞাসিল, নথি! আর্য্য বসন্তক এমন কি কাজ
করিয়াছেন, যে, তুমি তাঁহার এত সুখ্যাতি করিতেছ?। সে উত্তর
করিল, 'নথি!' সে ছঃখের কথা কেন জিজ্ঞাসা কর; তুমি তাহা
গোপন রাখিতে পারিবে না। মদনিকা বলিল, আনি, এই তোমার

পায়ের হাত দিয়া, দিব্য করিতেছি, প্রাণান্তে কারও কাছে বলিব না ।
তখন, কাঞ্চনমালা কহিল, যদি তা হয়, তবে, বলি শুন । এই-মাত্র
আমি রাজার নিকট হইতে বাহির হইয়া চিত্র-শালিকার দ্বারে সুসং-
গতর সঙ্গে বসন্তকের একটী পরামর্শ শুনিয়া আসিলাম । তিনি
তাহাকে কহিতেছেন, সুসংগতে! সাগরিকাই ত রাজার অনুরোধের
কারণ । অতএব, এখন উপায় স্থির কর । মদনিকা যথেষ্ট কৌতু-
হলাবিক্ত ও মহা-দ্রঃখিত হইয়া কহিল, তার পর? তার পর?—সে কি
উত্তর করিল? কাঞ্চনমালা কহিল, সে তাঁহাকে বলিল “আর্য্য! সমুদায়
সুস্থির হইয়াছে । রাণী, চিত্রকলক ব্যাপারে, যার পর নাই, মশকিত
হইয়া, বিখ্যাত পূরক সাগরিকারে আমার হস্তে ন্যস্ত করিয়াছেন
এবং আমার প্রসাদ-স্বরূপ আত্ম-নেপথ্য দিয়াছেন; তাহা
পরাইয়া, আজি, আমি, সাগরিকায় মহারাণী সাজাইব । পরে,
তাঁহারে সমতিব্যাহারে লইয়া, আমিও কথঞ্চিৎ রাণীর প্রিয় পরি-
চারিণী কাঞ্চনমালার বেশ ধারণ পূরক প্রদোবে রাজার সকাশে
অভিসার সাধনা করিব । ঐ সময়ে, আপনিও তথায় আমার
প্রতীক্ষা করিবেন । তাহার পরে, মাধবীলতা মণ্ডপে সাগরিকার
সহিত রাজার মিলন হইবে ।’

মদনিকা, কর্ণপাত পূরক এই কথার শেষ পর্য্যন্ত শুনিয়া, নির্বুদ্ধ
প্রাপ্ত হইল এবং সুসংগতাকে উদ্দেশ্য করিয়া কহিল, সুসংগতে!
তুমি বড় হতাশা ও বিখ্যাস-স্বাভিনী মেয়ে । পরিজন-বৎসলা স্বামি-
নীকেও বঞ্চনা করিতেছ । কাঞ্চনমালা কহিল, সখি! তুমি এখন
কোথায় বাইতেছ? সে উত্তর করিল, আমি ভোমার অশ্বেষণে
বাইতেছিলাম । তুমি অসুস্থ-শরীর রাজারে দেখিয়া আসিতে
গিয়া, অশ্রুচিত বিলম্ব করিয়াছ । তাই, রাণী, বড় উদ্ভিন্ন হইয়া-
ছেন । তখন, কাঞ্চনমালা অত্যন্ত অনুতাপিনী হইয়া, কাক্ষণ
করিতে লাগিল, আহা! রাণী কি সরল-হৃদয়া ও পতি-জীবিতা ।

ভাল মন্দ কিছুই জানেন না । রাজার পীড়ার কথায় বিশ্বাস করিয়া-
ছেন । কিন্তু আমি এই-মাত্র দেখিয়া আসিতেছি, তিনি দত্ত-তোষণ
বড়ভীতে বসিয়া, অশ্রুধা ছল করিয়া, আপনার মদনাবস্থা গোপন
করিতেছেন । বাঁহা হট্টক, চল চল, এইকণে আমরা সত্তর রাণীর
নিকটস্থ হই । তিনি অকারণ দুর্ভাবনায় বড় কষ্ট পাইতেছেন ।
উভয়ে, চলিয়া গেল ।

রাজা দত্ত-তোষণ বড়ভীতে উপবিষ্ট ও মহা-উৎকণ্ঠিত হইয়া,
দীর্ঘ নিশ্বাস সহকারে আক্ষেপ করিতেছেন, হে হৃদয় ! এখন, তুমি
ক্রমাগত স্মরানল-সম্ভাপ সহ করিতে থাক । উপশমের আর
উপায় নাই । সময় ও উপায় আপনিই হারাইয়াছ । তুমি অতি
যুত । না হইলে, সেই প্রকার আকুঞ্চে, প্রাপ্ত হইয়াও, প্রিয়তমার
সেই-মাজ-চন্দন-রসম্পর্শী কর-যুগল তৎক্ষণাৎ একবার তোমাঁতে
বিন্যস্ত করিলে না কেন ? । হায় ! কি আশ্চর্য্য ! মনঃ স্বভাবতঃ
চঞ্চল । স্মৃতরাৎ ছলক্য । তথাপি ছরস্তু কন্দর্প, সকল শিলীমুখ
দ্বারা যুগপৎ বিদ্ধ করিল ।

হে কুসুম-ধনু ! তোমার সকলে পাঁচটী টে বাণ নয় ; আর,
আমার মতন অসংখ্য ব্যক্তিই তাহার লক্ষ্য ; লোকে এই যে প্রসিদ্ধি
আছে ; আজি, তাহার ঠিক বিপরীত দেখিতেছি । তুমি, এই এক-
মাত্র অনাথ ব্যক্তিরে অগণ্য বাণ দ্বারা বিদ্ধ করিয়া, পঞ্চস্থ পাওয়া-
ইলে । অনন্তর, তিনি ক্রিয়ৎক্ষণ অধোবদন ও নীরব থাকিয়া,
পুনরায় দীর্ঘ নিশ্বাস পরিভাণ পূর্ব্বক বলিতে লাগিলেন, আমি
ঈদৃশী ছরবহায় নিপতিত হইয়াছি, যথার্থ বটে । কিন্তু তাহাতে
আমার তত অনুভাপ হয় নাই ;—প্রাণ-প্রিয়তমার নিমিত্ত যতদূর
হইতেছে । হা ! না জানি, তাঁর কি দশাই হইল ! একবার জানি-
তেও পারিলাম না । মহিষী মনে-মনে তাঁর প্রতি যে-প্রকার
কুপিতা আছেন, তাতে তাঁর কি না ষটিতে পারে ? । যদিই অন্য

কোন অহিত না ঘটয়া থাকে ; তথাপি বিবম সঙ্কট উপস্থিত হইয়াছে, সন্দেহ নাই । যাহা, জানিতে পারিয়াছেন, এই ভাবিয়াই তিনি সর্বদা লজ্জায় নম্র-মুখী ও ভয়ে আকুল রহিয়াছেন, কারণ সজে মাতা তুলিয়া কথা কহিতেও পারিতেন না । বোধ হয়, অপর পরাম্পরের অন্য-বিবয়্যি কথোপকথন হইতেছে, দেখিলে সশঙ্কিত ও জড়-বড় হন । মনে করেন, ওরা, আমার কথাই কহিতেছে । সখীরা, অন্য কোন কারণে স্নেহী হইলেও তাঁহার ক্রাসের পরিসীমা থাকে না । বাস্তবিক, এই সকল মনে হইলে, আমার দুইটি চক্ষুঃ দর-দরিত বাষ্প-ধারায় ব্যাকুল ও হৃদয় বিদীর্ণ হইয়া যায় । প্রণয়িনীর সংবাদ জানিতে প্রিয়-সখা বসন্তককে পাঠাইলাম । হায় ! তাঁহারি বা এত বিলম্বের হেতু কি ?

রাজা, এই-প্রকার উদ্বেগ ও আক্ষেপ করিতেছেন, এমন লময়ে বসন্তক হাঃ-হাঃ শব্দে হাসিতে হাসিতে আসিয়া, তথায় পৌহঁ-ছিলেন । রাজা বসন্তককে দেখিয়া ব্যগ্র হইয়া জিজ্ঞাসিলেন, বয়স্য ! সংবাদ কি ? বল ।—প্রিয়তমার কুশল ত ? । তিনি পুনরায় হাঃ-হাঃ শব্দ করিয়া হাসিয়া মহা-আড়ম্বর পূর্বক গর্জিত বাক্যে উত্তর করিলেন, আর সে কথায় কাজ কি ? বড় বিলম্ব নাই । অচিরেই স্বয়ং দেখিয়া সমুদায় জানিবে । রাজা রিঙ্কিত ও মন্তক হইয়া কহিলেন ; বল কি ?—প্রিয়তমার সন্দর্শনও পাইব ? তিনি পুনরায় সাহস্কার কথায় প্রত্যুত্তর করিলেন, কেন না পাইবে, বল ; তোমার এই যে ক্ষুদ্র অমাত্যী দেখিতেছ ; অধিক কি ? ব্রহ্মপুত্র যে যৎকিঞ্চিৎ বুদ্ধি-সম্পত্তি আছে, ইনি তাহাকেও উপহাস করিয়া থাকেন । এই বলিয়া, আত্ম-নির্দেশ পূর্বক বারংবার আত্ম-শ্লাঘা করিতে লাগিলেন । মনে-মনে ভাবিতে লাগিলেন, কৌশারী রাজ্য লাভেও বত আনন্দ না সম্ভবে ; এই সংবাদ প্রাণে রাজার ভতো-ধিক সন্তোষ জন্মিয়াছে, সন্দেহ নাই ।

রাজা কহিলেন, সখে ! বাহা কহিতেছ, বিচিত্র কি ?। ভাইরে ! তোমাতে কি না সম্ভবিত্তে পারে ?। এইক্ষণে বল বল, প্রিয়-তমা-সংক্রান্ত লবিশেষ সমুদায় বৃত্তান্ত শুনিব। তিনি কাণে-কাণে সাগরিকার অভিলার-পরামর্শ পর্য্যন্ত কহিলে, রাজা তৎক্ষণাৎ হস্ত হইতে আতরণ উন্মোচন পূর্ব্বক “ সখে ! এই তোমার পারিতোষিক ” বলিয়া, ভদীয় হস্তে সমর্পণ করিলেন। তিনি তাহা গ্রহণ, পরিধান, ও আত্ম-নির্ধারণ পূর্ব্বক কহিলেন, এই যে আজ আমার অপূর্ব্ব সজ্জা হইল !। অতএব বাই বাই ; এইক্ষণে একবার বাগী চলিলাম। প্রিয়-সখার দত্ত অলঙ্কারে বিভূষিত এই হস্ত ব্রাহ্মণীয়ে দেখাইয়া আসি। রাজা বলিলেন, সখে ! পরে দেখাইও। এখন, বল-দেখি, বেলা কত আছে ?।

বসন্তক, বারংবার সূর্য্যোভিমুখে উদ্বীক্ষণ করিতে লাগিলেন এবং কহিলেন, আর বড় বেলা নাই। সজ্জা আগন্ত-প্রায়। ঐ দেখ, ভগবান্ সহস্র-রশ্মি, গুরুত্তর অমুরাগ-ভরে উৎকণ্ঠিত হইয়া, সংকেত-স্থান অন্ত-গিরির শিখর-কাননে সজ্জা-বধুর অভিসার করিতেছেন। রাজা আকাশে দৃষ্টি-সঞ্চারণ করিয়া, কহিলেন, সখে ! যথার্থ বলিয়াছ, দিবা অবসান হইয়াছে, সত্য বটে। ভগবান্ অর্ক, “প্রকাণ্ড ভুবন-বলয় পরিভ্রমণের বক্র ও দীর্ঘ পথ উল্লঙ্ঘন করিয়া, আমার একচক্র রথ প্রত্যুষ পাইতে শক্ত হইবে না” ভাবিয়াই যেন, কর-নিকর দ্বারা হেমার-পংক্তি অবলম্বন ও প্রবৃত্ত পূর্ব্বক ভাহাতে দিক-চক্র সকল সংযোজিত করিতেছেন। আর “হে পশ্বিনি ! আমার প্রস্থান-কাল উপস্থিত ; এইক্ষণে আমি বিদায় হইলাম ; অতঃপর তুমি সুখে নিজা যাও ; যথাকালে পুনরায় আসিয়া তোমারে জাগাইব।” বলিয়াই যেন, তাঁহার নিকট বিদায় লইতেছেন। অতএব চল চল, আমরাও প্রিয়ভমার সঙ্কেত-স্থান নাথবী-লতা-মঞ্জরপ গিয়া ভদীয় আগমন প্রতীক্ষা করি। বসন্তক “ভাল বলিয়াছ”

বলিয়া, তৎক্ষণাৎ গাত্রোথান করিলেন । উভয়ে তথায় প্রস্থিত হইলেন ।

কিয়ৎকাল পরে, বসন্তক সেই মাধবী-মণ্ডপে বাইতে বাইতে রাজাকে সম্বোধন পূর্বক কহিলেন সখে ! দেখ দেখ, তিমির-স্বেদ পূর্বদিক্‌ আচ্ছাদিত করিতে করিতে ক্রমে-ক্রমে কেমন অগ্রসর হইতেছে । রাশীকৃত অক্ষকার, যেন, গাঢ় পক্ষ, পীবর বন-বরাহ, প্রকাণ্ড মহিষ ও বৃহৎ-বৃহৎ কৃষ্ণসারের শোভা ধারণ পূর্বক, বিরল বন-রাশির সরিষেশকে বহলীকৃত করিতেছে । রাজা চারি দিক অবলোকন করিয়া, দেখিয়া, শুনিয়া, শ্রীত ও প্রসন্ন হইয়া কহিলেন, যথার্থ অনুভব করিয়াছ, ঐ দেখ, ভগ্ন সংঘাত প্রথমে পূর্ব দিক তিরোহিত করিল । তদনন্তর, অন্যান্য আচ্ছাদিত করিতেছে । তাহার পর, ক্রমে-ক্রমে অস্ত্রি, ক্রম ও পুর-বিভাগ অন্তর্হিত করিল । দেখিতে দেখিতে বিলক্ষণ পীনতা প্রাপ্ত হইয়া, ভুবনের ঐক্য-পথ অবরোধ করিতেছে । তমোরাশি যেন নীলকণ্ঠের কণ্ঠস্থ্যতি হরণ করিয়াই আসিয়াছে । আর কিছুই স্পষ্ট নয়ন-গোচর হয় না ; অন্তএব, অগ্রসর ও পথপ্রদর্শক হও ।

বসন্তক অগ্রগামী হইলেন । কিয়দূর যাইয়া কহিলেন, মহারাজ ! এই স্থানটী বহুল তরু লতায় সংকীর্ণ । সুতরাং যেন পিণ্ডীকৃত অক্ষ-কারের ন্যায় দৃষ্ট হইতেছে । পথ দেখিতে পাই না । রাজা, গজ্ঞ আশ্রয় করিয়া বাইতে-বাইতে কহিলেন, বয়স্য ! পথের চিহ্ন সকল লক্ষ্য করিয়া চল, এই যে এখানে ভ্রোণীবজ্র চম্পক বৃক্ষের পার্শ্বীয় ন্যায় বোধ হইতেছে । এখানে সুন্দর মিক্কুল বিটপি সকল । এখানে বকুল পাদপের সাজ্জা বীথী এবং এত পূর্বক ব সুগন্ধী পাটল-লতার পংক্তি অনুমান হয় ।

অনন্তর, রাজা ও বসন্তক উভয়ে মাধবী-মণ্ডপে উপস্থিত হইলেন । বসন্তক বলিলেন, মহারাজ ! এই লতা-মণ্ডপের কি চমৎ-

কার শোভা ! মধুপেরা মধু-পানে প্রমত্ত হইয়া, গুন্-গুন্ স্বরে গান করিতে-করিতে চারি দিক পরিভ্রমণ করিতেছে । বকুল পুষ্পের সোঁরতে দশ দিক, আমোদিত । আমরাও মসৃণ মরকত মণি-শিলা কুটিমে অস্তি সুখে চরণ সঞ্চার করিতেছি । ইহা কহিয়া, ক্ষণকাল চিন্তা করিয়া, পুনরায় কহিলেন, সখে ! এখন, তুমি এই খানেই উপবেশন কর । আমি প্রত্যাঙ্গমন করিয়া, দেবী-বেশ-ধারিণী সাগরিকায় সজ্জ করিয়া আনি । রাজা কহিলেন, আচ্ছা, তাই ! যাও ; কিন্তু অতি দূরায় তাঁয় লইয়া আইস । তিনি বলিলেন, ব্যস্ত হইবেন না । আমি এলাম । এই বলিয়া, প্রথম সংকেত-স্থান চিত্র-শালিকার দ্বার অভিমুখে চলিলেন, এবং গিয়া, তথায় সাগরিকার অভিমূর প্রতীক্ষা করিতে লাগিলেন ।

রাজা, সেই অক্ষকার রজনীতে মাধবী-মণ্ডপে একাকী উপবিষ্ট হইয়া, মনে-মনে ভাবিতে লাগিলেন, কি আশ্চর্য্য ! স্বগ্রহিণী অপেক্ষা পরকীয়া অধিক মনোহারিণী হয় ! কারণ কি ? । বিশেষতঃ সংকেতস্থান রমণী সমধিক সন্তোষ-দায়িনী হইয়া থাকে । সে যাহা হউক, প্রিয়া-সমাগম, যত সন্নিহিত হইতেছে, আমার অন্তঃ-করণও ততই উৎকণ্ঠিত হইতেছে, দেখিতেছি । বুঝিলাম, ভীষ্ম স্মর-সন্তাপ, প্রিয়া-সমাগম সমীপবর্তী হইলেই সমধিক চুঃখ দিয়া থাকে । প্রারুঢ় কালেই অত্যাৰ্ণ-জলাগন দিবস, অধিক সন্তাপ দেয় । ফলতঃ প্রিয়সখার কেন অশ্রুচিত-বিলম্ব হইতেছে ? জানি না । কি জানি, রাণী, গোপন বৃত্তান্ত সকল জানিতে পারিয়াছেন কি ? । অথবা মধু-প্ৰমত্ততঃ অনিষ্ট-শংসি । বাস্তবিক, সে সব কিছু নয় । কে ; যথাকাল্য আগত-প্রায় । আর বিলম্ব নাই । অতএব, আমি যেন, তাঁ খেঁচা-বলয়ন পূর্বক এইখানে উপবিষ্ট থাকি ।

এ দিকে রাজী, কাঞ্চনমলার মুখে বসন্তক ও সুসংগতায় পরা-

মর্শ সবিশেষ সমস্ত শুনিয়েছেন এবং ক্রোধে নিতান্ত অধীরা হইয়া, শ্রিয়-পরিচারিণী কাঞ্চনমালাকে সমস্তব্যাহারিণী করিয়া, সেই সংকেত-স্থান অভিমুখে যাত্রা করিয়াছেন । বসন্তক, প্রথম সংকেত-স্থান চিত্র-শালিকার দ্বারে প্রাচীর দ্বারা সজ্জাজ আচ্ছাদিত, বিশেষতঃ মুখ-মণ্ডল অবলম্বিত করিয়া বসিয়া আছেন ; এমন সময়ে, তিনি তদীর অনতিদূরে আসিয়া পৌছ'ছিলেন । তখন, কাঞ্চনমালা, জনান্তিকে কহিল, ঠাকুরাণি ! আপনি এই খানে থাকুন ; আমি বসন্তকের সংজ্ঞা-সম্পাদন করিতেছি । এই বলিয়া, একটী ছোটকা দিল । বসন্তক, সেই ছোটকার শব্দ শ্রবণে পারমাচ্ছাদিত হইয়া, লক্ষ্য করিয়া, স্মৃৎসংগত-জমে কাঞ্চনমালার সমীপে আসিলেন । সমীপস্থ হইয়া, ঈষৎ হাস্য-বদনে ভ্রাতাকেই বলিতে লাগিলেন, স্মৃৎসংগতে ! ভাল-ভাল ! এই যে তুমি অবিবর্তন কাঞ্চনমালার সজ্জা করিয়াছ, যথার্থ বটে । বেশ হইয়াছে । এখন কোথা-কোথা ?—সাগরিকা কোথা ? স্বরায় বল । সে, অঙ্গুলি-সংকেত দ্বারা রাজ্ঞীকে দেখাইয়া দিল । তিনি তাঁহাকে দেখিয়াই সাগরিকা-জমে বিম্মিত ও শব্দব্যস্ত হইয়া উঠিলেন, এবং কহিলেন, সাগরিকে ! তুমিও এই যে ঠিক মহিষী হইয়াছ । অনুমাত্র সন্দেহ নাই । এমন কি, তোমায় দেখিয়াও আমার হৃদয়, ভয়ে এক-একবার ভারী চমকিয়া উঠিতেছে । রাজ্ঞী বাস্তব-নেত্রে কাঞ্চনমালার মুখে দৃষ্টিপাত করিতেছেন, এবং অন্তঃস্থ ক্ষীণ-স্বরে কহিলেন, হলা কাঞ্চনমালা ! সত্য-সত্যই বসন্তক, আমায় চিনিতে পারিয়াছেন না কি ? । কাঞ্চনমালা আস্য-ভঙ্গি-মায়া তাঁহায় নিবেশ ও বসন্তককে লক্ষ্য করিয়া, অঙ্গুলি-ভঙ্গন দ্বারা সংকেতে কহিতে লাগিল, হতাশ ! এই সকল কথা যেন বিলক্ষণ স্মরণ থাকে । বসন্তক পুনরায় কহিলেন, সাগরিকে ! সখ্য হও, সখ্য হও ; চল-চল ; অতঃপর আমরা সকলে মিলিয়া, স্বরায় মহারাজের নিকটে যাই । ঐ দেখ, তগধার শব্দধর, উদ্ভিত হইয়াছেন ।

অনন্তর, তাঁহাদিগকে নিরন্তর ও নীরব দেখিয়া, অতি উদ্ধত-
 স্বভাব বসন্তক ব্যস্ত সমস্ত হইয়া, পুনরায় বলিলেন, না হয়, বল ভ,
 আমিই যাইয়া, অগ্রে প্রিয়-সখাকে তোমাদের শুভাগমন সংবাদ
 দি। তিনি, যার পর নাই, উৎকণ্ঠিত রহিয়াছেন। শুনিয়া, রাজা,
 শিরশ্চালন পূর্বক সম্মতি জানাইলেন। বসন্তকও ভাড়াভাড়ি
 রাজার নিকটে গিয়া কহিলেন, মহারাজ! এইক্ষণে তোমার গল
 হ্রত্বাবনা দূর হইয়াছে। সাগরিকা আনিয়াছি। রাজা আহ্লাদ-
 সমুদ্রে লীন হইয়া, ভৎক্ষণাৎ পাত্ৰোপান-পূর্বক ব্যাকুলিত-চিত্তে
 বারম্বার লিজ্জাসিতে লাগিলেন, কই-কই? তিনি কোথায়?। বস-
 ন্তক “ঐ যে দাঁড়াইয়া আছেন” বলিয়া, মহিষীর দিকে অঙ্গুলি
 নির্দেশ করিলেন। রাজা, মহসা তদীয় সনীপবর্তী ও সাত্ত্বিক
 ভাবোদয়ে জ্বলন্ত হইয়া, কহিতে লাগিলেন, প্রিয়তমে!—সাগরিকে!
 আহা! তোমার কি চমৎকার রূপ লাভণ্যের মাধুরী দেখিতেছি!
 অধিক কি কহিব? তোমার বদন-রাজীব ত বদন-রাজীব নয়;
 সাক্ষাৎ সুধাংশু-মণ্ডল। নয়ন যুগলই রাজীব-যুগল। যুগল কর-
 তলও যুগল শতদলের অনুরূপ করিতেছে। যুগল বাহুলতা, যুগল
 মুগাল-লতা! আর, যে যুগল উরু দেশ লঙ্কিত হইতেছে, উহাদিগ-
 কেও ত যুগল উরু দেশ বলিয়া, বোধ হয় না; যেন, যুগল রাম-
 রম্ভারই যুগল গর্তন্তু চিক্ জ্ঞান হইতেছে! হে সর্ষাজ-সুন্দরি!
 তোমার সর্ষাজই সমান আহ্লাদজনক! অধিক কি বলিব,
 যেখানটী দেখি, বিমোহিত হই। প্রিয়ে! তোমায় বলিতে কি?
 তোমারে দেখিয়া অবধি, আমার সর্ষাজ, হুরন্ত অনন্তের বিষম শর-
 সস্তাপ-স্বরূপ প্রকলিত হৃতাশনে, অহর্নিশ জ্বলিতেছে!। অতএব এস
 এস; এইক্ষণে একবার আমায় আলিঙ্গন করিয়া, দ্বারায় তাহা
 নির্বাণ কর।

• মহিষী রাজার অদৃষ্টপূর্ব অশ্রুতপূর্ব ঈদৃশ মৃণিত আচরণ

এবং লম্পট স্বভাব দেখিয়া, যৎপরোনাস্তি হুঃখিত ও রোষ-পরবশ হইলেন । বাস্পাকুল লোচনে এবং গদগদ বচনে তাঁহার অগোচরে কাঞ্চনমালাকে কহিলেন, হলা কাঞ্চনমালা ! আৰ্য্যপুত্র এখন এইরূপ করিতেছেন, ইহার পরে আবার কোন্ মুখে আমার সঙ্গে কথা কহিবেন, বলিতে পারিস্ ?। সে উত্তর করিল, ঠাকুরাণি ! দেখিয়া, শুনিয়া, আমি ত একবারে অবাক হইয়াছি ! যাহা হক্, ত্রিলোকে নিষ্ঠুর পুরুষ জাতির অসাধ্য কাঁজ নাই !।

বসন্তক বাস্তু-সমস্ত হইয়া, পুনরায় বলিলেন, সাগরিকে ! বিপ্রক্কা হইয়া, আমার প্রিয়-সখার সহিত ক্রিয়ৎক্ষণ আলাপ কর । অতি কোপন-স্বভাবা মহিষীর দুর্ষচনে, প্রিয়তমের কাণ ঝালা-পালা বাকিয়া রহিয়াছে । এইক্ষণে তোমার সুধাময় সস্তাবণ প্রবণে সুশীতল হউক ।

রাজী, রোষ-রক্তিম বদনে, গলদগ্ধ লোচনে ও অভিমান-গদগদ বচনে, সংগোপনে, পুনর্বার কহিলেন, হলা কাঞ্চনমালা ! আমি কি এতই কটুভাষিণী ? আর আৰ্য্য বসন্তক কি এতই প্রিয়বদ হইলেন ?। কাঞ্চনমালা বসন্তককে লক্ষ্য করিয়া অঙ্গুলি-তর্জনে করিতে-করিতে অতি ধীরে-ধীরে পুনর্বার বলিতে লাগিল, হতাশ ! এই সমস্ত কথা যেন বিলক্ষণ স্মরণ থাকে !।

অনন্তর, বসন্তক উল্কে দৃষ্টিপাত করিয়া বলিলেন, মহারাজ ! ঐ দেখ-দেখ, কুপিত-কামিনী-জনের কপোল-সম্পত্তির ন্যায় মনোহর শোভা ধারণ পূর্বক, ভগবান শশাঙ্ক উদ্ভিত হইয়াছেন !। রাজা, সুধাকর সন্দর্শনে সমধিক স্তম্ভাহ্বান হইলেন এবং রাজীকে সম্বোধন করিয়া, কহিতে লাগিলেন, প্রাণ-প্রিয়তমে সাগরিকে ! দেখ, নিশা-নাথ, তোমার বদনের কান্তি-সর্বস্ব অপহরণ করিয়া, ষোল-খিখরে অধিরোধণ করিয়াছেন । কিন্তু আমার মনে লইতেছে, মর্দীয় হৃদয়-মাতী স্বর্দীয় বিষয় বিরহ-দহনে কুংকার দিব্য নিমিত্তই যেন, সম্মুখে

উপস্থিত !। সুধাংশু-মুখ-মণ্ডলে! বিবেচনা কর, ইহাতে উইয়ার কেবল মূৰ্খতা দোষই প্রকাশিত হইতেছে কি না? তোমার মুখ-মণ্ড-মই শু সন্মূর্ণ সুধাংশু-মণ্ডল। সুতরাং উনি ইহার নিকটে কেবল হারি মানিতেছেন, এই মাত্র। বাস্তবিক, সুধাকরে যে-যে গুণ আছে, ইহাতে তার কোনটীর অসম্ভাব। বিশেষতঃ তোমার বদন-রাজীব কি সরোজ-রাজীর শোভা বিনাশ করিতে পারে না? না, নয়নের আনন্দ সম্পাদিতে অশক্ত? অথবা ছুটিমাত্র কি কুসুম-কেতুর তেজঃ বাড়াইতে সমর্থ নয়; না, সুধারসি করিয়া, বিশ্ব-সংসার সুশীতল করিতে ক্ষমতাবান হয় না?।

সাগরিকার নবানুরাগে বিমুগ্ধ হইয়া, রাজা, এই প্রকার মন্যথা-লাপ করিতেছেন, রাজ্ঞী, আর সহিতে পারিলেন না। তখন তিনি ক্রোধে নিতান্ত অধীরা হইয়া, মুখের অবগুষ্ঠন খুলিয়া কহিলেন, আৰ্য্যপুত্র! বেশ বেশ! ভাল হইতেছে। এই যে মনের মতন সাগরিকা পাইয়াছ!। আমি সত্য সত্যই সাগরিকা হইলাম নাকি?। যা হউক, তোমার দোষ নাই; তুমি সাগরিকার স্তন প্রেমে ক্ষিচেতন হইয়া, বিশ্ব সংসার কেবল সাগরিকাময় দেখিতেছ!।

রাজা, এই অজ্ঞাতপূর্ব ও অভূতপূর্ব বিসঙ্গ ব্যাপার দেখিয়া, এককালে বাকপথাতীত বিস্ময়-মাগরে বিলীন ও শব্দবাস্ত হইলেন। বসন্তককে সম্বোধন পূর্বক কহিয়া উঠিলেন, বয়স্য! এ কি?। বসন্তক সহিবীকে দেখিয়া, বিবাদ-সমুদ্রে লীন ও ভয়ে ক্লম্পিত-কলেবর হইয়া, স্বর-ভিন্ন বচনে উত্তর করিলেন, আমাদের কৃতান্ত!।

রাজা, বিবম ছুর্কিপাকগ্রস্ত ও কিংকর্তব্যাতা-বিমূঢ় হইয়া, সহসা অন্য কোন সন্মুখায় স্থির করিতে না পারিয়া, হঠাৎ রাণীর সমুখে বসিয়া পড়িলেন এবং জড়বড় হইয়া, কৃতাজলি-পুটে যারংবার বলিতে লাগিলেন, দেখি! এসমা হও, এসমা হও।

রাজী, অন্তঃকুরিত কোপানলে দক্ষ-জ্ঞয়া হইয়া, বিযাক্ষ পরিপূর্ণ, বিষম কটাক্ষ-শর নিক্ষেপ দ্বারা রাজাকে অক্ষরীভূত করিতে করিতে কহিতে লাগিলেন, আৰ্য্যপুত্র ! না না, এমন সব কথা মুখে আনিবেন না । ইহার কোন অর্থ নাই । বসন্তক হেটমুখে কিয়ৎক্ষণ ভাবনা করিয়া, কোন উপায় দেখিতে না পাইয়া, অবশেষে অন্ত্যস্ত বিনীত-ভাবে কহিলেন, ভগবতি ! এখন, তোমায় আর কি বলি, তুমি অতি মহামুভাবা ; অভাব কৃপা করিয়া, প্রিয় সখার এই প্রথম অপরাধমী মাৰ্জ্জনা কর । মহিষী কম্পিত-ওষ্ঠাধরে তাঁহাকে সম্বোধন করিয়া কহিলেন, আৰ্য্য ! প্রথম মিলনে বিষ্ম জন্মাইয়া, আমিই ত অপরাধিনী হইয়াছি !! ।

রাজা, এই সকল দেখিয়া শুনিয়া, মহা বিহ্বল হইয়া উঠিলেন এবং নিরুপায় হইয়া, ভাবিতে লাগিলেন, হা ! আমি রাণীর নিকটে দুৰ্ভ-বালীক হইলাম ! এখন, কি উপায় করি ! । অনন্তর, অনেক ভাবিয়া চিন্তিয়া, লক্ষা-নির্জিত অতি বিনীতভাবে কহিলেন, দেবি ! হায় ! এখন, আমি তোমায় কি বলি ? অন্তর্কাম্প আমার কঠরোধ করিতেছে । এই অনুগম দুঃকর্ম করিয়া, আমি তোমার নিকটে যে কত অপরাধী ও বিশ্বাসঘাতী হইলাম, এক মুখে বলিতে পারি না । হে জীবিত-সহায়ে ! বলিতে কি ? এখন আমি আমার দস্তক দ্বারা তোমার চরণ-সরোজ-যুগলের লাক্ষাকৃত আত্মব্রতা অপনীত করিয়া দিতে পারি ; কিন্তু কোপরূপী হৃদ্যন্ত রাহ কর্তৃক কবলিত তোমার মুখ-সুধাংশুর অতিরিক্ত আত্মব্রতা কিসে অপসারিত করি ? বল । তবে, তাও অনায়াসে করিতে পারি, যদি তোমার করুণা-প্রবাহে বঞ্চিত না হই । এই পর্য্যন্ত বলিয়াই তদীয় পদতলে লুণ্ঠিত হইলেন । তিনি, দুই হস্তে তাঁহাকে ধরিয়া, পুনর্বার বক্রোক্তি করিতে লাগিলেন, আৰ্য্যপুত্র ! না না ; উঠ উঠ ; কাঁদ হও, কাঁদ হও ;—দৈর্ঘ্য ধর ; সেই ব্যক্তিই নিভাস্ত নির্লক্ষ ; যে,

ভোমার এমন অন্তঃকরণ জানিয়াও পুনরায় রাগ করে ?। অতঃপর সঙ্কটে বিরাজ কর। আমি প্রস্থান করিলাম।

এই সময়ে, কাঞ্চনমালা কহিল, ঠাকুরাণি! দূর হউক; কান্ত হউন; মহারাজ পায়ে পড়িলেন; আর কি রাগ করিতে আছে ?। তাও কি ভাল দেখায় ?। আর, রাগ না চণ্ডাল! অতএব যদিই এখন একান্ত রাগ-ভরে চলিয়া যান; আমি, এই, বলিয়া রাখিতেছি, পরে অনুতাপ করিতে হইবে, সংশয় নাই। মহিষী, কহিলেন দূর হ; অরে অপ্র-বীণে! এ স্থলে অনুগ্রহ অথবা অনুতাপের বিষয় কি আছে? বল্। অতএব আয় আয়; দুরায় এ স্থান হইতে আমরা সরিয়া যাই। উভয়ে প্রস্থান করিলেন।

রাজ্ঞী প্রস্থান করিলেন; কিন্তু রাজা তাহা জানিতেও পারিলেন না। তিনি তখনও তদ্গত-চিত্ত ও সংজ্ঞাশূন্য হইয়া, অধোবদনে বারংবার বলিতে লাগিলেন, দেবি! ক্ষমা কর; ক্ষমা কর, প্রসন্ন হও, প্রসন্ন হও। বসন্তক বলিলেন, মহারাজ! আর কেন? গা ভোল; রাণী কোথায়? তিনি অনেকক্ষণ চলিয়া গেছেন। অতএব বৃথা অরণ্যে রোদনে ফল কি?।

রাজা অর্দ্ধোচ্ছিন্ন হইয়া কহিলেন, হা! তিনি কি অনুগ্রহ না করিয়াই চলিয়া গেলেন?। বসন্তক বলিলেন, অনুগ্রহ না করিয়া গিয়াছেন, আবার কি? এই যে তুমি বিলক্ষণ অকৃত-গাত্ৰ রহিয়াছ। রাজা, অতিশয় দুঃখে মগ্ন হইয়া, কহিতে লাগিলেন, অরে অধো! তুই এখনও আমার উপহাস করিতেছিস্। তুই'ও এই সকল অনর্থ ও বিপত্তির মূলীভূত! হা, কি হইল! কি করিলাম! প্রথম পরম ধন। অভ্যস্ত দুর্লভ পদার্থ। অনা-য়াসে পাইবার নহে। বোধ হয়, মহিষীও এই পরীভাষ কোন-ক্রমে সহ্য করিতে পারিবে না। অধিক কি? হয় ত, মনের খেদে আত্মহত্যাও সম্পাদিত করিতে পারেন। অতএব

এইক্ষণে, তাহারি বা কি উপায় করা যায় ?। বসন্তক বলিলেন, মহারাজ ! আমি আর ভাবিতেছি, রাজ্যী বৈশ্যকার রাগতরে প্রস্থান করিয়াছেন ; এতক্ষণ, ছাখিনী মাগরিকার কি দশাই ঘটিল, বলি যায় না । রাজ্যী দীর্ঘ নিশ্বাস পরিত্যাগ পূর্বক অনিবিষ-গল-দ্রব লোচনে বসন্তকের মুখে দৃষ্টিপাত করিয়া কহিলেন, সখে ! আমি তাহাও ভাবিয়া, নিভান্ত অস্থির হইতেছি ।

অশুচি মদন-চেষ্ঠা কদাচ শুভকারিণী নয় । অনন্তর, অপদেশ-মেশিনী মাগরিকা, বিলক্ষণ বেশ-ভূষা সমাধান ও অভিনয়ে প্রবৃত্ত হইয়া, পথে যখন এই সকল বৃত্তান্ত জানিতে পারিলেন ; তখন, যৎপরোনাস্তি লজ্জা ও ভয়, প্রবল বেগে যুগপৎ উপস্থিত হইয়া তাঁহাকে একান্ত ব্যাকুলিত ও অধৈর্য্যায়িত করিল । তিনি অতঃপর জীবন-ব্যবসায়, বিভ্রমণা মাত্র বিবেচনা করিয়া, মরণ-ব্যসন প্রায়ঃকল্প স্থির করিলেন । তৎক্ষণাৎ কোন ছলে কাঞ্চনমালায় বেশধারিণী প্রিয়সখী সন্সংগতা হইতে স্বতন্ত্র হইয়া, সেই অপদেশ-মহিষী-বেশেই তাদৃশ দ্রব্যসনে নিরতা হইলেন । রোদন করিতে করিতে মনে মনে বলিতে লাগিলেন, ভাগ্যে আমি মহিষীর বেশভূষা করিয়াছিলাম ; তাই, নির্ঝিন্বে সৎপীতলা অতিক্রম করিয়া আনিতে পারিলাম । যা হউক, এখন কি করি ? ।

তদনন্তর, সেই তমস্বিনী ঘোরা বামিনীতে যুগল বাহুবলী দ্বারা দিবর্শন পূর্বক উদ্যান-পথ অন্বেষণ করিয়া, যাইতে যাইতে পুনরায় অশ্রু-পরিপূর্ণ নয়নে মনে মনে বলিতে লাগিলেন, বরং পলায় দড়ী দিয়া মরাও ভাল ; তথাপি মহিষীর নিকটে অপমানিত হইয়া, চিরকাল মরার মতর কালযাপন করা আমার প্রাণে সইবে না । আর, প্রিয়সখী সন্সংগতার হ্রস্বতা, দেখিয়াও

আমি প্রাণ ধরিয়া থাকিতে পারিব না । অতএব অশোক জন্মায় গিয়া, গলায় বড়ী দিয়া, সকল জালায় এককালে জলাভ্রাণি দি ! । এই ভাবিয়া, সমুখবর্তী অশোক-রক্ষের ভলে বাইতে লাগিলেন ।

বসন্তক বলিলেন, মহারাজ ! অমন মৃত্যুর মত হতবুদ্ধি হইয়া রহিলে যে ! এইক্ষণে, কি করা কর্তব্য ; প্রতীকার চিন্তা কর । রাজা কহিলেন, সখে ! তাহাই ভাবিতেছি । কিয়ৎকণ পরে, তিনি পুনর্বার কহিলেন, বয়স্য ! আমি বিলক্ষণ প্রণিহিত হইয়া, অনেক ভাবিয়া চিন্তিয়া, এক প্রকার স্থির কবিলাম, মহাবীর প্রসন্নতা ব্যতিবেকে এ বিষয়ে অন্য সত্বপায় নাই । অতএব চল, অতঃপর অন্তঃপূর্ব-অভিমুখে প্রস্থান করা যাউক । উভয়ে, মহিলান্তঃপূর্ব-অভিমুখে প্রস্থিত হইলেন ।

কিয়দূর যাইয়া, বসন্তক, মহা দণ্ডায়মান হইলেন ; কর্ণপাত পূর্বক শুনিতে লাগিলেন এবং ধীরে ধীরে কহিতে লাগিলেন, মহারাজ ! দাঁড়াও দাঁড়াও ; ত্রীলোকের পদশব্দ শুনা যাইতেছে । আমার মনে লয়, দেবী, অমৃতাপ-প্রণোদিতা হইয়া, বুঝি, পুনর্বার অভিসার করিতেছেন । রাজা কহিলেন, তিনি মহানুভাবা এবং আমার প্রতি একান্ত অনুরাগিনী ; অতএব নিতান্ত অসঙ্কল্প নয় । তবে, অগ্রসর হইয়া দেখ । বসন্তক অগ্রসারী হইলেন ।

সাগরিকা, অশোক-মূলে উপস্থিত হইয়া বলিলেন, এই মাধবীলতা দড়ী কবিষা, গলায় দিয়া, প্রাণত্যাগ করি । পরে, লতা-রক্ষু রচনা করিতে করিতে রাঙ্গাকুলিত অতি করুণ কণ্ঠে, পুনরায় কহিতে লাগিলেন, হা তাত ! হা মাতঃ ! তোমরা কোথায় রহিলে ! তোমাদের দুর্ভাগিনী জন্মের মত বিদায় হয় ! । এই বলিয়া, গলে লতাগাথ সমর্পণ করিলেন ।

বসন্তক, কিঞ্চিৎ দূর হইতে সেই অত্যন্ত নৃশংস কাণ্ড দেখিতে পাইয়া, মহাচকিত ও মহাতীক্ষিত হইয়া উঠিলেন এবং ভ্রান্ত হইয়া

উঠেঃধরে কহিয়া উঠিলেন, মহারাজ ! হাঁ হা ! ধর ধর ! রাণী গলায় দড়ী দিয়াছেন । রাজাও অতি সচকিত ও অতি মশকিত হইয়া, উঠেঃধরে কহিয়া উঠিলেন, “বসন্তা ! কে ? কে ? ।” ইহা কহিতে কহিতে দৌড়াদৌড়ি পবনবেগে তদতিমুখে আসিতে লাগিলেন । বসন্তকও অঙ্গুলি নির্দেশ করিয়া “রাণী ! রাণী !” বলিতে বলিতে উর্দ্ধ্বাসে দৌড়িয়া গিয়া, তথায় পৌছ’ছিলেন । রাজা সাতিশয় বেগবলে অশোক-তলে তৎক্ষণাৎ উপস্থিত হইয়া “অয়ি সাহস-কারিণি ! এ, কি কুকাঙ্গ করিতেছ !—হে প্রেয়সি ! তুমি কি জান না ? লতাপাশ তোমার কণ্ঠগত হইবামাত্র আমার প্রাণ কণ্ঠাগত হইয়াছে ! ছি-ছি ! ছাড়ছাড় ! এমন ছুঃসাহস করিতে নাই।” বলিয়া, ভাড়াভাড়ি তাহা উন্মোচন করিয়া দিলেন ।

সাগরিকা, রাজাকে দেখিয়া, মনে মনে বলিতে লাগিলেন, এই যে মহারাজ ! কি আশ্চর্য্য ! ইহঁারে দেখিয়া, আর, আমার মরণ কামনা হইতেছে না । কিন্তু তাহা ভাল নয়, অথবা ভালই হইল ; অন্তিম-কালে এক বার প্রাণনাথকে, দেখিয়া সুখে মরি ! । অনন্তর, প্রকাশে “নাথ ! আমারে ছাড়িয়া দাও ; এই সময়ে আমার মরণই মঙ্গল ; আর, তুমিই বা মহাবীর নিকটে অকারণ বার’বার কেন রুখা অপরাধী হও” বলিয়া পুনরবার কণ্ঠে লতা-রজ্জু অর্পণ করিলেন । তখন, রাজা, বাস্তব-সমস্ত হইয়া “কেয় ; প্রাণ-প্রিয়তমা আমার সাগরিকা !” বলিয়াই তৎক্ষণাৎ বল পূরক লতাপাশ আকর্ষণ করিয়া দূরে ফেলিয়া দিলেন এবং বলিতে লাগিলেন, সুন্দরি ! এ, ছুঃসাহস কেন করিতেছ ? হায় ! আমার সকল আশা তরলয় একবারে জলাঞ্জলি ? । হে জীবিতেশ্বর ! তোমার এই চরুধাবসায় দেখিয়া আমার জীবিত চলিত-প্রায় হইয়াছে । অতএব তোমার যুগল বাহুপাশ আমার কণ্ঠ-পথে বেস্টন করিয়া দুরায় তদীয়

পতিরোধ কর। এই বলিয়া, তাঁহার দুইজী বাহুবলী লইয়া, স্বীয় কণ্ঠে সমর্পিত করিলেন। অমুপম স্পর্শসুখ অনুভব করিয়া, বসন্তরূপে সন্মোহন পূর্বক কহিলেন, সখে! এ, অনভা রুচি!!! বসন্তরূপে বলিলেন সত্য কথা; কিন্তু কপাল-ক্রমে যদি অকাল-বাত্যা রাজী আসিয়া, পুনরায় বজ্রাঘাত না ঘটান!!!।

প্রণয়-গ্রন্থী শিথিল করা, বড় সহজ ব্যাপার নহে। এখানে, অস্ত্রপুরে প্রবিষ্ট হইবামাত্র মহিষীর রাগ আপনা হইতে অনেক উপশান্ত হইয়া গিয়াছে। তখন, তিনি অমুতাপিনী হইয়া কহিলেন, কাঞ্চনমালা! তেমনি চরণ-নিপতিত আৰ্য্যপুত্রকে একবারে প্রত্যাখ্যান করিয়া আশা বড় ভাল কাজ হয় নাই, সত্য বটে; অতএব, এখন, আশার ইচ্ছা হইতেছে, পুনরায় অভিসার করিয়া, তাঁহার অনুময় করি। সে ব্যস্ত ও হর্ষিত হইয়া কহিল, এ, উত্তম পরামর্শ! মহারাণী ব্যতীত কে এমন সূযুক্তি জানে। ভাল মনে করিয়াছেন। অতএব আসুন, এখনি যাই। ইহা কহিয়া সে তৎক্ষণাৎ চলিল। মহিষীও তদীয় অনুগামিনী হইলেন।

অশোকভলে, রাজা, সাগরিকাকে সন্মোহন করিয়া, পুনরায় কহিলেন, মুখে! এখনও কি তুমি আমার মনোরথ সফল করিলে না? কাঞ্চনমালা যৎকিঞ্চিৎ ব্যবধান হইতে রাজার সেই কঠোরক শুনিতে পাইয়া বলিল, ঠাকুরাণি! অগ্রবর্তী অশোক ভলে মহারাজের স্বর শুনিতে পাই। তবে, বেশ হইয়াছে, বুঝি, তিনিও যথেষ্ট অনুতাপিত ও ভীত হইয়া, আপনার অনুময় বিনয় ও সাধ্য সাধনা করিতে আসিতেছেন। অতএব চলুন চলুন; দ্বারায় নিকটবর্তিনী হই। শুনিয়া, রাজী চকিতা ও প্রসন্ন হইয়া মনে মনে বলিতে লাগিলেন, ভাল হইল। তবে, আমিও লুকাইয়া, পিঠের দিক্ দিয়া, গিয়া, গলা ধরিয়া, আৰ্য্যপুত্রকে সাধিব ও তাঁহাকে সকল কুকাণ্ড হইতে এককালে নিবারিত করিব।

ওখানে, বসন্তক পুনরায় বলিলেন, ভগবতি সাগরিকে ! বিপ্রক্কা
হইয়া, প্রিয় বয়সের সহিত কণিক আলাপ কর। মহিষী এই কথা শুনিতে
পাইয়া, পুনরায় ক্রোধে নিতান্ত অধীরা হইয়া উঠিলেন এবং বলিতে
লাগিলেন, হলা কাঞ্চনমানে! এ যে ওখানে সাগরিকাও রহিয়াছে!
হাঁ আমি এখন বেশ বুঝিলাম। অতএব রস-রস, আগে সকল শুনি।
অনন্তর উভয়ে কণ পাতিয়া শুনিতে লাগিলেন। সাগরিকা রাজার কথার
উত্তর করিলেন নাথ! আর তোমার অলীক দাক্ষিণ্যে কাজ
কি?। প্রাণাধিকা প্রিয়তমা মহিষীর নিকটেই বা, আর বারং-
বার অকারণ কেন বুধা অপরাধী হইতেছ?। রাজা কহিলেন, অগ্নি!
তুমি বড় মিথ্যা-ভাবিণী; তুমি কি জান না; নিশ্চয় পরিত্যাগ
অথবা প্রস্থান পরিগ্রহ কালে, মহিষীর স্তনদ্বয় ঈষৎ কম্পিত
হইলেও আমি যে তৎক্ষণাৎ কম্পিত হই; তিনি, নিমেষ-
মাত্র কথা না কহিলেও আমি যে তৎক্ষণাৎ দশ দিক্ শূন্য দেখি ও
কত শত প্রিয় বাক্যের বিন্যাস করিতে থাকি এবং তাঁহার
আভ্যন্তর লেশমাত্র জন্মিলেও আমি যে তৎক্ষণাৎ একদ্বারে বিচেষ্টন
হইয়া, তাঁর দুটী পদতলে লুটিয়া পড়ি; সে সকল কেবল আভি-
জাত্য রক্ষা নিবন্ধন, এই মাত্র; নতুবা, প্রকৃত প্রণয় নিবন্ধন
কখনই নয়। হে প্রিয়তমে! তোমায় স্বরূপ কহিতেছি, বাস্তবিক
আমার যথার্থ প্রীতি যা, তা তোমাতেই রহিয়াছে, সন্দেহ নাই।
শুনিয়া, মহিষী, সহসা রাজার সমীপবর্তিনী হইলেন এবং সুদীর্ঘ
রোষবশে এই মাত্র বলিলেন, আর্গ্যপুত্র! এ যথার্থ বলিতেছ!।

রাজা, রাজ্ঞীকে দেখিয়া, পুনরায় মহা-চকিত ও বিবাদ-সমুজ্জৈ
বগ্ন হইলেন এবং কহিতে লাগিলেন, দেবি! অকারণ আমারে বুধা
ভিতরস্কর করা উচিত নয়। বেশ সৌসাদৃশ্যে বিপ্রলজ্জ হইয়া,
আমরা এখানে আসিয়াছি। অতএব আমার এই অপরাধ মার্জনা
করিতে হয়। ইহা কহিয়া, নিরুপায়, পুনরায় তদীয় পদতলে

নিপতিত হইলেন । রাজী রোষ-কষায়িত নয়নে ও স্বর-ভিন্ন বচনে বলিতে লাগিলেন, আর্ধ্যপুত্র ! উঠ উঠ ; কান্ত হও, কান্ত হও ; ঈর্ষ্যা ধর ; এখনও আর কেন রূপা আভিলাষ্য রক্ষা করিতে কষ্ট পাইতেছ ? । রাজা মনে মনে ভারিতে লাগিলেন, হায় ! ও কথাটী-পর্যন্তও ইহার স্বকর্ণে প্রবিষ্ট হইয়াছে ! । তবে, ত, আর মহলা প্রসন্নতার আশা দেখিতেছি না । এই ভাবিয়া, অধো-বদন ও নীরব হইয়া রহিলেন । তখন, বসন্তক বলিলেন, ভগবতি ! জ্যোৎস্নার আলোকে ভাগ দেখিতে পাই নাই । বেশ-সৌন্দর্য্যে “তুমিই উদ্বুদ্ধনে প্রাণত্যাগ করিতেছ” এইরূপ ভাস্ত হইয়া, আমিই প্রিয়-সখারে এখানে আনিয়াছি ; যদি আমার কথায় প্রভায় না কর ; এই লতাপাশ দেব ! এই বলিয়া, সঙ্গরিকার লতারজু দেখাইলেন । রাজী আজ্ঞা করিলেন, কাঞ্চনমাল্য ! ঐ লতা-পাশ দিয়া, বান্ধিয়া, এই ছুটি বামনকে লইয়া চল । আর, এই ছুটি কামিনীকেও উহার পুরোবর্তিনী কর । ইহা কহিয়া বসন্তক ও সঙ্গরিকার দিকে অঙ্গুলি নির্দেশ করিলেন ।

সে “যে আজ্ঞা মহারানি !” বলিয়া, তৎক্ষণাৎ সেই লতা-রজু দ্বারা বসন্তকের গলা বান্ধিয়া, ভাঙন করিতে করিতে কহিতে লাগিল, হতভাগ্য ! এখন, আপনার অবিনয়ের উত্তম ফলভোগ কর । আর “অতি কোপন-স্বভাবা মহিষীর দুর্ভ্রমেন প্রিয়তমের কাণ ঝালাপালা বান্ধিয়া রহিয়াছে !” সেই কথাটীও স্মরণ কর । সঙ্গরিকে ! তুমিও আগে-আগে চল । এইরূপ ভৎসনা করিতে করিতে ভাটশাবস্থ ভাদের দুজনকে লইয়া, রাজীর পশ্চাৎ-পশ্চাৎ প্রস্থান করিল ।

বন্ধন-দশায় রাজার দিকে দৃষ্টিপাত করিয়া বাইতে-বাইতে বসন্তক অত্যন্ত বিবাদিত হইয়া বলিতে লাগিলেন, মহারাজ ! মলেনা !

এইবার মলেন ! এই অনাথ ব্রাহ্মণকে যেন স্মরণ থাকে । সাগরিকাও মনে-মনে আক্ষেপ করিতে লাগিলেন, হায়-হায় ! আমি কি দুর্ভাগিনী ! ইচ্ছায় আমার মরণও হইল না ?

রাজা যৎপরোনাস্তি খেদিত ও শশব্যস্ত হইয়া মনে মনে আক্ষেপ করিতে লাগিলেন, হায় ! কি হইল ! কি হইল ! ! এখন, কি উপায় করি। কোন্ দিক্ ভাবি, ভাবিয়াও স্থির করিতে পারিতেছি না। সম্প্রতি আমার সকল দিকে সমান বিপত্তি দেখিতেছি, মহাবীর বদনারবিন্দে সে স্মিত-শোভা নাই ! দুঃখিনী সাগরিকার অতি ভীষণ দুর্দশা ঘটিল ! আর, তপস্বী বসন্তকেরও দারুণ বন্ধন-দশায় প্রাণ যায় ! ! হায় ! এই সকল দেখিয়া, শুনিয়া ও ভাবিয়া চিন্তিয়া, আমি, সর্বথা নির্বিল্ল হইতেছি। অন্তঃকরণে সূখের লেশ-মাত্রও নাই। অতঃপর, এই স্থলে একাকী অবস্থিতি করিয়াই বা কি করি। অগত্যা অন্তঃপুরে যাই। পুনরায় মহাবীর প্রসন্নতা ব্যতীত উপায় দেখিতেছি না। ইহা ভাবিতে-ভাবিতে তথা হইতে প্রস্থান করিলেন।

চতুর্থ অঙ্ক ।

রাজী, বন্ধন করিয়া, অন্তঃপুরে লইয়া বাইবার পর, সাগরিকার সঙ্গে সুসংগতর একবার সাক্ষাৎ ঘটয়াছিল। তাহার পরে, সে অনেক অনুসন্ধান করিয়াছে, কিন্তু আর কোনক্রমে কুত্রাপি তাহার দেখা পায় নাই। অতএব, এক সময়ে যার পর নাই হুঃখিতা হইয়া রোদন করিতে লাগিল এবং বলিতে লাগিল, হা প্রিয়সখি সাগরিকে! হা লজ্জালুকে! হা সখীজন-বৎসলে! হা উদার-শীলে! হা সৌম্য-দর্শনে! এখন, কোথায় গেলে, তুমায় দেখিতে পাই। এই বলিয়া, দীর্ঘ নিশ্বাস পরিত্যাগ পূর্বক উর্দ্ধ দৃষ্টি করিয়া, পুনরায় বলিতে লাগিল, অরে পোড়া দৈব! তোর কণামাত্রও করুণা নাই। যদিই সেই অসামান্য-রূপ-লাবণ্যবতী নির্মাণ করিয়াছিল; তবে, কেন, পুনরায় তাঁর এমন দুর্দশা করিলি?। হা! তিনি জীবনের আশায় নিতান্ত নিরাশ্বাসিনী হইয়া “এই রত্নমালা কোন ছু-দেবের হস্তে সমর্পণ করিও” বলিয়া, আমার হাতে রাখিয়া গিয়াছেন। যাই; এইক্ষণে ত্রাণ অন্বেষণ করি।

সুসংগতা, ত্রাণের অন্বেষণে নির্গতা হইয়া, বসন্তককে দেখিতে পাইল এবং মনে-মনে বলিতে লাগিল, ভাল! ইহাঁকে রত্নমালা প্রদান করি। অনন্তর, তিনি তদীয় অনতিদূরবর্তী হইয়া হাঃ-হাঃ শব্দ করিয়া হাসিতে লাগিলেন এবং বলিতে লাগিলেন, আঃ রাজা আজি রাজার ভারী প্রসন্নতা লাভ করিয়াছেন! আমারে বন্ধন-দশা হইতে মুক্তি দিয়াছেন! তাঁহার স্বহস্ত-দত্ত মোদক লড্ডুক অভ্যর্থনার দ্বারা আজি আমার উদর বিলক্ষণ পরিপূর্ণ হইয়াছে!। আর, তিনি এই এক ষোড় উত্তন পটবস্ত্র ও এই এক ষোড় ভাল কণালঙ্কার

আমায় দক্ষিণা দিয়াছেন । অতএব দুরায় রাজার নিকটে যাই । এই সকল দেখিলে শুনিলে, তিনি, যার পর নাই আনন্দিত হই-
বেন ।

এই বলিয়া, সান্তিশয় উল্লাসিত হইয়া, রাজ-সাক্ষাৎকারে
যাইতেছেন, ইত্যবসরে, সুসংগতা, তাঁহার সমীপে উপনীতা
হইল এবং গলদক্ষ লোচনে ও গম্ভীর বচনে কহিল, আৰ্য্য !
একবার দাঁড়ান । তিনি তাহাকে দেখিয়া, সান্তিশয় বিস্মিত ও
দণ্ডায়মান হইয়া কহিলেন, সুসংগতে ! তুমি, ওখানে কাঁদিতেছ
কেন ? সাগরিকার কোন অহিত ঘটিয়াছে নাকি ? সে উত্তর
করিল, আৰ্য্য ! কিছুই ত জানিতে পারি নাই ; ইহা দ্বাত্র শুনি-
য়াছি, রাণী, আপনার পিতৃালয় উজ্জয়িনী পাঠাইবার কথা রাষ্ট্র
করিয়া, তাঁরে কোথায় পাঠাইয়া দিয়াছেন । ইহা কহিতে কহিতে
পূৰ্ব্বাপেক্ষা প্রবল বাষ্প-ধারায় কাঁদিতে লাগিল । তখন, তিনিও
উদ্বিগ্ন হইয়া, সাগরিকাকে উদ্দেশ্য করিয়া, আক্ষেপ করিতে লাগিলেন,
হা ভগবত্তি সাগরিকে ! হা অসামান্য-রূপ-শোভে ! হা মৃদু-
ভাবিণি ! রাণী তোমার এমন দুর্দশা করিলেন । সুসংগতা কহিল,
আৰ্য্য ! সেই ভগবতী, জীবিত-নিরাশা হইয়া, তাঁহার এই রত্ন-
মালা বিপ্রসং করিবার ভার দিয়া, আমার হাতে রাখিয়া গিয়াছেন ।
অতএব অমুগ্রহ পূৰ্ব্বক আপনি গ্রহণ করুন । তিনি তৎক্ষণাৎ কর্ণে
হাত দিয়া, বাষ্প-পূরিপূর্ণ লোচনে কহিলেন, সুসংগতে ! বল কি ?
ইহা গ্রহণ করিতেও কি আমার হাত সরে ? । এই মাত্র বলিয়া,
ধরদরিত ধারায় রোদন করিতে লাগিলেন ।

সুসংগতা কৃতজ্ঞালি-পুটে পুনর্বার বলিল, আৰ্য্য ! তাঁহার প্রতি
অমুগ্রহ করিয়া, ইহা গ্রহণ করিতে আজ্ঞা হয় । তখন, তিনি অপো-
বদনে ক্রিয়াক্ষণ চিন্তা করিয়া কহিলেন, সুসংগতে ! 'আচ্ছা, তবু
নাও ; প্রিয়সখা, সাগরিকার বিরহে নিতান্ত অধৈর্য্য হইলে,

ইহা দেখাইয়াও তাঁহারে কথঞ্চিৎ সান্ত্বনা করিতে পারিব। সে, তাহা প্রদান করিল। তিনি গ্রহণ করিলেন এবং কিয়ৎ কণ নিরী-
কণ করিয়া, বিস্মিত হইয়া জিজ্ঞাসিলেন, ভাল, সুসংগত! তিনি
এই বহুমূল্য রত্নহার কোথায় পাইয়াছিলেন, বলিতে পার?। সে
উত্তর করিল, আর্ঘ্য! কোন সময়ে, আমিও আপনকার মত কৌতু-
হলাক্রান্ত হইয়া, তাঁহার জিজ্ঞাসা করিয়াছিলাম। বসন্তক ব্যস্ত-সমস্ত
হইয়া পুনরায় জিজ্ঞাসিলেন, তার পর? তার পর? তিনি কি
উত্তর করিয়াছিলেন?। সুসঙ্গতা কহিল, তিনি প্রথমে কণকাল
উদ্ধৃষ্টি করিয়া রহিলেন। তদনন্তর, একটা দীর্ঘ নিশ্বাস পরিত্যাগ
করিয়া বলিয়াছিলেন “সুসঙ্গতে! সে সকল কথায় আর কাজ কি?”
এইমাত্র বলিয়াই অভিমান-সাগরে ভাসমান হইলেন এবং তারি
কান্দিতে লাগিলেন। তখন বসন্তক বলিলেন, হাঁ, আমি তাঁহার অভি-
প্রায় বিলক্ষণ বুঝিয়াছি, তিনি আপনার পরিচয় গোপন করিয়া-
ছেন। যা হউক, আমার নিঃসংশয় অনুমান হইতেছে, সাগরিকা,
কোন মহা-সম্ভ্রান্ত বংশের ভনয়া হইবেন। ইহা কহিয়া পুনরায়
জিজ্ঞাসিলেন, ভাল, সুসঙ্গতে! রাজা এখন কোথায় বলিতে
পার?। সে কহিল, তিনি এইমাত্র দেবী-ত্বন হইতে নিক্কান্ত হইয়া
ক্ষটিক-শিলা মণ্ডপে গমন করিলেন। এই বলিয়া, স্বস্থান অভিযুখে
প্রস্থান করিল। বসন্তকও ক্ষটিক-শিলা-মণ্ডপের অভিযুখে প্রস্থিত
হইলেন।

। রাজা, একাকী ক্ষটিক-শিলা-মণ্ডপে উপবিষ্ট হইয়া, শূন্য-হৃদয়ে
চিন্তা করিতেছেন, হায়! আমি রাণীর নিকটে কত ছলে কত
প্রকার শপথ করিলাম; তাঁহার মনের মত কত শত প্রিয়বাক্য
বলিলাম! কত ভাব-ভঙ্গী করিলাম; অধিক কি? অবশেষে লজ্জা-
তয়ে জলাঞ্জলি দিয়া, সখীগণের সমক্ষেই তাঁর ছুঁ পায় পড়িলাম,
কি আশ্চর্য! তাতে আমি, তত ঘনিষ্ঠতা দেখাইতে পারিলাম

না ; তিনি, কণকালমাত্র ক্রন্দন করিয়াই বতহুঁর ঘনিষ্ঠতা প্রদর্শন করিলেন । তাঁহার সেই অশ্রুবিন্দুর সম্পাতমাজ যেন তদীয় সমুদায় কোপ, এককালে কালিত হইয়া গেল ! অনন্তর, রাজা দীর্ঘ নিশ্বাস পরিত্যাগ পূর্বক পুনরায় ভাবিতে লাগিলেন, রাণী, প্রসন্ন হইয়াছেন । অতএব, এইক্ষণে যদিও আমার সে চিন্তা দূর হইয়াছে, যথার্থ বটে ; তথাপি এক সাগরিকা-চিন্তা আমারে যার পর নাই ব্যাকুলিত ও অধৈর্য্যাবস্থিত করিতেছে । অন্তঃকরণে সুখ-সঞ্চার মাত্র নাই । বলিতে কি, সেই কৃশাদী প্রথম সন্দর্শন সময়ে পঞ্চশরের শরপাত ছিন্ন দিয়া, আমার হৃদয় মন্দিরে প্রবিষ্টা হইয়া গিয়াছেন ! কণকাল অধোমুখে চিন্তা করিয়া পুনরায় কহিলেন, হা ! যে একমাত্র বিজ্ঞান-স্বল প্রিয় বয়স্য বসন্তক ছিলেন, রাণী তাঁহারেও দারুণ বক্ষন-দশায় অন্তঃপুরে রাখিলেন । সুতরাং কার কাছে অশ্রুপাত করি ? ।

রাজা, এই প্রকার উদ্বেগ ও চিন্তা করিতেছেন, এমন সময়ে, বসন্তক আসিয়া তথায় পৌছ'ছিলেন । “স্বস্তি ভবতে” বলিয়া, দুই হস্ত তুলিয়া, আশীর্বাদ করিলেন এবং কহিলেন, মহারাজ ! সৌভাগ্যক্রমে তুমি বর্জ্জনান হইতেছ । যেহেতু, দেবীর হস্ত-গ্রহ হইতে পরিত্রাণ পাইয়া, আমি, পুনর্বার তোমায় দেখিতে পাইলাম । রাজা, তাঁহাকে দেখিয়া যৎকিঞ্চিৎ আশ্বাসিত ও অপেক্ষাকৃত বীরতা-সম্পন্ন হইলেন । তখন বসন্তক বলিলেন, বয়স্য ! রাজ্যীর অনুগ্রহ ভাজন হইয়াছি । রাজা কহিলেন, সখে ! বেশ দর্শনেই তাহা আমার বিলক্ষণ হৃদয়ঙ্গত হইয়াছে । এক্ষণে বল-বল, সাগরিকা-কার কি দশা ? বসন্তক, বৈলক্ষ্যবান অধোবদন হইয়া রহিলেন । রাজা ব্যগ্র-চিত্ত হইয়া, পুনরায় জিজ্ঞাসিলেন, কেন কেন ? কিছুই কহিতেছ না, যে ? বসন্তক উত্তর করিলেন, ‘অপ্রিয়’ সমাচার কেমন করিয়া মহারাজের নোচর করি, বল । তখন, রাজা

পূর্বাপেক্ষা অধিক উদ্বিগ্ন-মনাঃ হইয়া কহিলেন, কি ? অপ্রিয় সম্বাদ ?—সত্য সত্যই কি প্রিয়ভবার প্রাণোৎসর্গ হইয়াছে ? হা প্রাণ-প্রিয়ভবে ! সাগরিকে ! এই পর্য্যন্ত বলিয়াই মুচ্ছিত চইলেন । বসন্তক, সসমুদ্রে বলিতে লাগিলেন, মহারাজ ! কান্ত হও ; কান্ত হও ; ধৈর্য্য ধর ; এরূপ কাতর হইও না । রাজা কথঞ্চিৎ আশ্বাসিত হইয়া গলদস্ত্র লোচনে ও গদগদ বচনে আক্ষেপ করিতে লাগিলেন, হে জীবন ! তুমি আমায় এখন পরিত্যাগ কর । আমি অতি অদক্ষিণ নরাদম ; আমার প্রতি দক্ষিণ হও ; প্রণয়িনীর অনুগমন কর । যদি তুমি স্বরায় তাহা না কর ; তাঁহারে জন্মের নত হারাইলে ; আর দেখিতে পাইবে না । গজগামিনী প্রণয়িনী, এতক্ষণ কতদূর চলিয়া গেলেন ।

বসন্তক বলিলেন, বয়স্য ! ওরূপ আশঙ্কা কেন কর ! আমি, ইহা এইমাত্র শুনিয়াছি, রাণী, তাঁহায় উজ্জয়িনী পাঠাইয়া দিয়াছেন । তাই, অপ্রিয় সমাচার বলিলাম । রাজা কহিলেন, কি ? রাজ্ঞী, তাঁহায় উজ্জয়িনী পাঠাইয়াছেন ? । হায় ! তিনি আমার অণুমাত্র খাতির রাখেন না ও মুখ চান, না ! ।

অনন্তর, পুনরায় জিজ্ঞাসিলেন, ভাল, বয়স্য ! এই সংবাদ তোমায় কে বলিল ? । বসন্তক বলিলেন, সুসংগত । আর, কি জানি, সে কি উদ্দেশে আমার হাতে এই রত্নহার সমর্পণ করিয়াছে । রাজা কহিলেন, তবে, আর আমায় আশ্বাসিবার অন্য উপায় দেখিতে হইবে না ; দাও-দাও । এই বলিয়া ছুই হস্ত প্রসারণ করিলেন । তিনি ভদীয় হস্তে রত্নমালা প্রদান করিলেন । রাজা ইন্দ্ৰ-ভমা-দত্ত সেই রত্নহার অতি যত্ন পূর্ব্বক গ্রহণ করিয়া প্রথমতঃ সবিস্তর নির্ধারণ করিলেন । অনন্তর, বক্ষঃস্থলে রাখিলেন । অবশেষে, বলিতে লাগিলেন, আহা ! প্রাণ-প্রিয়ভবার কণ্ঠদেশ হইতে পরিব্রষ্ট এই রত্নমালা, আমার কণ্ঠদেশে আশ্রয় করিয়া, তুল্যাবস্থা সম্বন্ধ

ন্যায় আমার আশ্বাসিত করিল ! ইহা কহিয়া পুনরায় বলিলেন, বয়স্য ! অতঃপর তুমি ইহা পরিধান কর ; এক-একবার নয়ন-পথে পতিত হইলেও আমার যৎকিঞ্চিৎ স্বাস্থ্য-লাভ হইতে পারে ! ইহা কহিয়া, তাঁহার হস্তে সমর্পণ করিলেন । তিনি তাহা লইয়া তৎক্ষণাৎ কণ্ঠে ধারণ করিলেন । রাজা দীর্ঘ নিশ্বাস পরিত্যাগ পূর্বক কহিলেন, বয়স্য ! প্রিয়তমার পুনর্দর্শন দুর্লভ বোধ হইতেছে । তখন, ভীত হইয়া দুই কর্ণে দুই হাত দিয়া, বসন্তক বলিলেন, অত উচ করিয়া কহিবেন না । কি জানি, আবার কোন্ দিক হইতে কে হঠাৎ গুনিয়া ফেলিবে । আমার বড় ভয় হয় ।

এইরূপ কথোপকথন হইতেছে ; ইত্যবসরে, বার্তাবহ বনুকুরা, আসিয়া, রাজার সম্মুখে কৃতাজ্ঞলি-পুটে দণ্ডায়মান হইল এবং “মহারাজের জয় হউক” বলিয়া, সংবর্জনা করিয়া নিবেদিল, মহারাজ ! সেনাপতি রুমণানের ভাগিনেয় বিজয়বর্মা, কোন শুভ সমাচার লইয়া, এই ক্ষটিক-শিলা মণ্ডপের দ্বারদেশে দণ্ডায়মান আছেন, কি আজ্ঞা হয় । রাজা ব্যস্ত-সমস্ত ও কৌতূহলগ্রস্ত হইয়া কহিলেন, তাহারে অবিলম্বে আমার নিকটে লইয়া আইস । বনুকুরা “বে আজ্ঞা মহারাজ” বলিয়া তৎক্ষণাৎ বিজয়বর্মায়ে রাজ-সাক্ষাৎ-কারে লইয়া গেল । বিজয়বর্মা তথার উপনীত হইয়া বিহিত-বিনয়-নম্রতাব সহজিত হৃদয় প্রদর্শন পূর্বক নিবেদন করিলেন, মহারাজ ! আপনকার সেনাপতি রুমণান জয়ী হইয়াছেন ! । রাজা অতিশয় আগ্রহ ও সমুচিত আনন্দ প্রদর্শন পূর্বক প্রেক্ষাগৃহে কহিলেন, বিজয়বর্মন্ ! কোন্‌দল রাজ্য জয় হইয়াছে ? । বিজয়বর্মা বলিল, দেব-প্রসাদাৎ । তখন, রাজা, স্বীয় সেনাপতিকে উদ্দেশ্য করিয়া বলিষ্ঠ লাগিলেন, সাধু রুমণান ! সাধু ! তুমি অচিরে মহৎ প্রয়োজন সাধন করিয়াছ । বিজয়বর্মন্ ! বল-বল, অতঃপর আমি আদ্যোপান্ত সন্ধিপের সমস্ত কৃতান্ত গুনিব ।

বিজয়বর্মা বলিতে লাগিলেন, মহারাজ ! প্রবেশ করিতে আস্তা হয় ; মহারাজের আদেশ শিরোধার্য্য করিয়া আমরা রাজধানী হইতে নির্গত হই। স্বজারোহী, অস্বারোহী, পদাতি প্রভৃতি দুর্নিবার মহাবল সেনাদল সমভিব্যাহারে কয়েক দিবসের পরে বিপক্ষের রণভূমিতে গিয়া উপস্থিত হইলাম। কিন্তু তথায় পৌছ-
ছিবা-মাত্র শুনা গেল, কোশলপতি অতি মতর্ভা সহকারে বিজয়-
দুর্গে অবস্থিতি করিতেছেন। অনন্তর, রুমণান্ মঠেন্যে সেই
বিজয় দুর্গাভিমুখে যাত্রা করিলেন এবং তথায় উপনীত হইয়া
দুর্গদ্বারে যথোচিত অবকটন পূর্বক কোশল করিয়া, সেনা সমা-
বেশন করিতে লাগিলেন। রাজা নিতান্ত কোতূহলাক্রান্ত হইয়া
জিজ্ঞাসিলেন, তার পর ?—তার পর ?। বিজয়বর্মা পুনরায়
বলিতে লাগিলেন, তাহার পর, কোশলেশ্বর রুমণানের এই পরিতপ
একান্ত সহ্য করিতে না পারিয়া, অবশেষে, অগত্যা অভিদর্পে
হাস্তিক প্রায় স্বীয় অশেষ সৈন্য সজ্জীভূত করিলেন।

এই সময়ে, বসন্তক বিদ্যায় প্রদর্শন পূর্বক বলিতে লাগিলেন,
মহারাজ ! এ, কি পর্ব ! শুনিতে যে ভয় হয় !। অহে বিজয়-
বর্মন ! অঙ্গ অঙ্গ করিয়া বল, বড় বাড়াবাড়ি কাজ নাই।
অতনি আমার বক্ষঃস্থল গুরু গুরু করিয়া কাঁপিয়া উঠিতেছে।

। রাজা পুনর্বার বিজয়বর্মাকে সোধোদন করিয়া জিজ্ঞাসিলেন,
বিজয়বর্মন ! তার পর ?—তার পর ?। বিজয়বর্মা পুনরায়
বলিতে লাগিলেন, মহারাজ ! তাহার পর, কোশলেশ্বর স্বীয় দুর্গ
হইতে নির্গত হইয়া, যুদ্ধার্থে সন্মুখীন হইলেন। তখন, বড় চমৎকার
শোভা ও অতি অপূর্ব সমারোহ হইল !। বলিতে কি ? তাঁহার
রাজহস্তী সকলের পৃষ্ঠস্থিত এক একটা বরগুড় দেখিলেই কুঁজি লোপ
হয়। বোধ হয়, হস্তিধ্বংসের প্রত্যেক এক একটা বিজয় দুর্গই
প্রাচী করিয়া অবলীলাক্রমে দগ্ধায়মান রহিয়াছে। কোশলপতি,

অসংখ্য সৈন্য সমস্ত বিন্যাস দ্বারা এককালে আশ্রমের চারিদিক রোধ করিলেন। এই সকল দেখিয়া শুনিয়া আমাদের সেনাপতি ক্রমশঃ আর সহিতে পারিলেন না ! কোশল রাজ্যের জয়লাভরূপ ইন্ড-সিঙ্গির নিমিত্ত দ্বিগুণ সাহস ধরিলেন ; হস্তি-শৃষ্ঠে আরোহণ করিলেন এবং তৎক্ষণাৎ অতি বেগে চতুর্দিকস্থ বিপক্ষের বাহিনী-তরু মধ্যে বক্ষ প্রদান করিলেন। তাঁহার বাহনভূত মত্ত মাতঙ্গের বেগেই বিপক্ষ পক্ষের কত শত সৈন্য ধরাশয়ন করিল।

কিন্তু মহারাজ ! কোশলরাজ্যের রণ-পাণ্ডিত্যের কথা কি কহিব ? এই ব্যাপারেও তিনি কিছুমাত্র ভীত বা সংকুচিত হইলেন না। ঐ সময়ে, তাঁহার করে করাল করবাল স্যান্ স্যান্ শব্দে ঘুরিতে লাগিল ! দেখিতে দেখিতে তিনি আমাদের অনেক গুলি প্রধান প্রধান সৈন্য ও সেনাপতি হতাহত করিয়া ফেলিলেন। এমন কি ? তাঁহারা, খণ্ড খণ্ড হইয়া, ধরাভালে বিলুপ্ত হইলেন। শোণিত-ধার তাঁহাদের বর্ষা উদ্ভেদ করিয়া বহিতে লাগিল !—রণস্থল এককালে রক্ত-গঙ্গা হইয়া গেল !!!

তখন, ক্রমশঃ দেখিলেন, আমাদের ঘোরতর বিপদ উপস্থিত ! তাঁহার প্রধান প্রধান বল সকল বিনষ্ট হইয়া গিয়াছে ! অতএব তিনি বুদ্ধি পূর্বক বিপক্ষ-পক্ষের সৈন্যরাজী পরিত্যাগ করিয়া, আজি-মুখে একবারে নিজ কোশল-পটিকেই লক্ষ্য করিলেন। তাঁহারে যুদ্ধার্থ আজ্ঞান করিলেন। বিজয়বর্মণী, এই পর্য্যন্ত বলিলে, রাজা বিস্মিত ও হুঃখিত হইয়া কহিয়া উঠিলেন, কি ? আমাদেরও এত সৈন্য সেনাপতি ক্ষতি হইয়া গিয়াছে ? বিজয়বর্মণী বলিলেন, মহারাজ ! একা ক্রমশঃই শরশত সঙ্কাম দ্বারা কোশলপটিকে নিহত করিয়াছেন !!

বসন্তক সাত্ত্বিক সন্তুষ্ট হইয়া বলিতে লাগিলেন, বাহোয়া ! বাহোয়া ! আমরা জিতিয়াছি ! মহারাজের জয় হউক। এই বলিয়া

মহা আড়ম্বর এবং রাহুলের উজ্জ্বলন পূর্বক যেন নৃত্য করিতে লাগিলেন । রাজা কহিলেন সাধু রুমণান্ ! সাধু ! সাধু ! তোমার মরণও অতি শ্লাঘনীয় বটে, তাহাতে অণুমাত্র সন্দেহ নাই । যেহেতু বিপ্লব-বদনও তোমার পৌরুষ বর্ণনা করিতেছে । এট বলিয়া, পুনরায় জিজ্ঞাসিলেন, বিজয়বর্মান্ ! তার পর ?—তার পর ? । তিনি বলিলেন, দেব ! তাহার পর, রুমণান্, কোশলে আমার জ্যেষ্ঠ জ্ঞাতা জয়বর্মান্নারে স্থাপিত করিয়া, প্রহার-ত্রণিত আমাদের সেনাবলীর অনুবর্তমান হইয়া, কোশারী অতিমুখে প্রতিমাত্রা করিয়াছেন । শটনঃ শটনঃ আসিতেছেন । তিনিও আগত-প্রায় ।

রাজা আজ্ঞা করিলেন, বশুন্ধরে ! যোগদ্ধরায়ণকে বল, বিজয়বর্মান্নারে যথোচিত পারিতোষিক প্রদান করেন । সে, যে আজ্ঞা মহারাজ ! বলিয়া, তৎক্ষণাৎ তাহারে সমতিব্যাহারে করিয়া, তদীর সমীপে প্রস্থান করিল ।

অনন্তর, কাঞ্চনমালা, রাজনাক্ষত্রকারে আসিয়া কৃতাজ্ঞানিপুটী হইয়া নিবেদন করিল, মহারাজ ! মহারানীর বাপের রাজ্য অবস্তীর রাজধানী উজ্জয়িনী হইতে এক জন বিখ্যাত ঐন্দ্রজালিক আসিয়াছেন । নাম, মধর-সিদ্ধি । অতএব, তিনি নিবেদন করিয়াছেন, মধরসিদ্ধির সুপ্রসিদ্ধ ইন্দ্রজাল দেখিয়া, তাঁহার সমুচিত আভ্যর্থনা করা হয় । তিনিও মহারাজ-পার্শ্ববর্তিনী হইয়া, তাহা দেখিবেন, মানস করিয়াছেন । রাজা, যথোচিত আগ্রহ ও সন্তোষ প্রদর্শন পূর্বক কহিলেন, কাঞ্চনমালা ! ভাল ! ঐ ইন্দ্রজাল সন্দর্শনে আমারও সমধিক কৌতূহল জন্মিল । অতএব তুমি গিয়া মহিষীরে বল, অবিলম্বেই তাঁহার বাসনা পূর্ণ হইবে । এখন, তাহার সমুদায় আয়োজন হইতেছে । সে “ যে আজ্ঞা মহারাজ ” বলিয়া, চলিয়া গেল ।

তদনন্তর রাজবাগ্মিণ্ডে ইন্দ্রজাল প্রয়োণের উপযুক্ত আবৎ অ-

ঠান সমাধান হইলে, সম্বরসিদ্ধি, সকলে রত্নজুমি প্রবেশ করিলেন এবং ইন্দ্রজাল ব্যাপার আরম্ভিত হইল । সম্বরসিদ্ধি, গাত্রোপাশ করিয়া প্রথমতঃ পিচ্ছিকা ঘূর্ণায়মান করিতে করিতে বহুধা হাস্য করিলেন । পরে, স্বয়ং নান্দীপাঠ করিতে লাগিলেন, দেবরাজ ইন্দ্রের চরণে প্রণিপাত করি । বাঁহার প্রসাদে আমার সুপ্রতিষ্ঠ “ঐন্দ্রজালিক” উপাধি লাভ হইয়াছে এবং আমি এই সুখকর ব্যবসারে বিলক্ষণ যশস্বী হইয়াছি । হে দেবরাজ ! কৃপা করুন ; আমি, আজিকার এই নাট্য-সভায় যেন সম্পূর্ণ কৃতকায্যতা লাভ করিতে পারি । অভিনাব করিয়াছি, ধরণীতে মৃগাক্ষ, আকাশে মহীধর, জলে জলন ও বধ্যাক্ষে প্রমোদ দর্শাইয়া সভাস্থ সমস্ত জন-গণের আনন্দ উদ্ভাবন এবং সভাজন করিব ।

শুনিয়া, বসন্তক মহিলেন, মহারাজ ! এই বেলা সমাধান হও । এ ব্যাটার যে প্রকার আড়ম্বর দেখিতেছি ; কি না সম্ভবিত্তে পারে ? ।

সম্বরসিদ্ধি, রাজাকে সম্বোধন করিয়া, মহিলেন, দেব ! আর অধিক কি নিবেদন করিব ? বাহা বাহা কহিলাম, শুনিলেন । ইহা ব্যতীত আরও যে-যে কিছু অদ্ভুত কাণ্ড দেখিতে মহারাজের অভিনাব হইবে, আজ্ঞা হইবামাত্র শিক্ষাদাতা গুরুদেবের প্রসাদে এবং ভদ্রীয় অমোঘ মন্ত্র বলে অবলীলা ক্রমে সেই সমুদায় সম্পাদিত করিতে পারিব । তখন, রাজা, কাকনমালাকে ডাকাইয়া বলিলেন, চেচী-বুকে ! আমার নাম করিয়া, রাজ্যীরে বল, তাঁদেদি এই ঐন্দ্রজালিক । আর, এই স্থান, বিলক্ষণ বিজনীকৃত হইয়াছে । অতএব, তিনি, এখানে আসিলে একত্রিত হইয়া ইন্দ্রজাল কৌতুক দেখি । সে “বে আজ্ঞা মহারাজ !” বলিয়া, তথা হইতে নির্গত হইয়া সেই ইন্দ্রজাল দর্শনে কুতূহলিনী রাণীকে সমভিব্যাহারিণী করিয়া পুনঃপ্রবেশ করিল । রাজা ও রাণী উভয়ে একত্রে

হইয়া, ইন্দ্রজাল দেখিতে বসিলেন । রাজা সংগোপনে স্মিতমুখে কহিলেন, রাণি ! তোমার পিতৃকুলের সম্মানিত এ, ত, অনেক গজ্ঞন করিতেছে ! । ভদ্রনন্দর, ইন্দ্রজালিককে আজ্ঞা করিলেন, ভদ্র ! বহু-বিধ ইন্দ্রজাল প্রয়োগ কর । তিনি মন্তকে হস্ত উত্তোলন পূর্বক “যে আজ্ঞা মহারাজ ! ” বলিয়া পুনরায় পিচ্ছিকা ঘুরাইয়া নাট্য আরম্ভ করিলেন ।

সম্বরনিকি কহিলেন, মহারাজ ! দেখুন-দেখুন, আকাশে, ঐ, হরি, হর, ব্রহ্মা প্রভৃতি অমর-গণ বিরাজমান ! ঐ দেখুন, দেবরাজ, ত্রিদিবের একাধিপত্য করিতেছেন ! তাঁহার সম্মুখে সিদ্ধ, চারণ, গন্ধর্ব-গণ নৃত্য করিতেছে ! । রাজা, রাজ্ঞী এবং সতাহ্ন সমস্ত দর্শক, উর্জ্জ্বল ও বিস্ময় সাগরে লীন হইয়া দেখিতে লাগিলেন । রাজা, দেবতা সকল সম্মুখে হঠাৎ ভ্রাস্ত হইয়া, ভৎক্ষণাৎ সঙ্গীক সিংহাসন হইতে গাত্ৰোত্থান করিলেন ; ভূমিতুলে অবতীর্ণ হইলেন এবং বিস্মিত ও ব্যগ্র হইয়া বলিতে লাগিলেন, কি আশ্চর্য্য ! কি আশ্চর্য্য ! । রাজ্ঞী বিস্মিত ও ব্যগ্র হইয়া বলিতে লাগিলেন, কি আশ্চর্য্য ! কি আশ্চর্য্য ! । দর্শক-গণও বিস্মিত ও ব্যগ্র হইয়া বলিতে লাগিলেন, কি আশ্চর্য্য ! কি আশ্চর্য্য ! । রাজা, সাতিশর বিস্ময়ও সবিশেষ ব্যগ্রতা প্রযুক্ত পুনরায় বলিতে লাগিলেন, কি আশ্চর্য্য ! কি আশ্চর্য্য ! । দেবি ! এ যে অতুত-পূর্ব ও অদৃষ্টপূর্ব অতি অসম্ভব অতুত ব্যাপার দেখিতেছি ! । প্রেয়সি ! দেখ-দেখ, ঐ চতুর্ভূজ ব্রহ্মা সরোজালনে অধ্যাসীন হইয়া স্বয়ং বিরাজ করিতেছেন ! অর্দ্ধচন্দ্র-শোভিত-শেখর ভগবান চন্দ্রশেখর সাক্ষাৎ বিরাজমান ! । আর, ঐ, ওদিকে, দেখ-দেখ ! চারি হাতে ধনুঃ, অসি, গদা ও চক্র ধারণ পূর্বক ভদ্র-একট বিকট-বেশে দৈত্যাস্তক ভগবান চক্রপাণি স্ববাহন গরুড় পৃষ্ঠে আরোহণ করিয়া নিজে বিরাজ করিতেছেন । আবার, এদিকে, দেখ-দেখ ! ঐ, প্রকাণ্ড

ঐরাবতের পৃষ্ঠদেশে আসীন তপস্বী ত্রিদশ-পতি এবং অপরূপ অমরাবলী অমরহলী সুশোভিত করিয়া মহা-কুতূহলী রহিয়াছেন । আর, চির-সুকুমারী দিব্য-নারীরাও অস্তিত্ব চমৎকার ও মনোহর নাচিতেছেন ! তদীয় সুপূর সকলের বিমোহন স্বনে প্রবণ যুগল সুশীতল হইল !! । কি আশ্চর্য্য ! কি আশ্চর্য্য !! । রাজী সান্ত্বিয় চমৎকৃত ও প্রীতা হইয়া পুনর্বার কহিলেন, কি আশ্চর্য্য ! কি আশ্চর্য্য ! । সত্যই সমস্ত দর্শক যশস্বী ও সান্ত্বিয় চমৎকৃত ও প্রীতা হইয়া পুনরায় বলিতে লাগিলেন, কি আশ্চর্য্য ! কি আশ্চর্য্য !! । তখন, বসন্তক মনে মনে বলিতে লাগিলেন, অরে ব্যাটা দাসী-সুত ঐন্দ্রজালিক ! তোর কথা ও-সকল ঐন্দ্রজ্যে কাজ কি ? বল । তুই কি মনে করিয়াছিস্, দেবতা ও অপুসরাঃ দেখাইয়া উদয়নকে সন্তুষ্ট করিতে পারিবি ? এই সময়ে, যদি, ইহঁদের পরিতুষ্ট করিয়া কিছু পারিতোষিক উপাৰ্জন করিতে চাস্ ; সাগরিকা দেখা ।

এইরূপ ঐন্দ্রজালিক ব্যাপার চলিতেছে ; ইত্যবসরে বসুন্ধরা, পুনরায় রাজ-সাক্ষাৎকারে আসিয়া নিবেদিল, “মহারাজ ! অমাত্য যোগেশ্বরায়ণ নিবেদন করিতেছেন, ইতি পূর্বে মহারাজীর মাতুলালয়ে সভাজনার্ধ এ রাজধানীর কঞ্চুকী বাজবাকে লিংহলে পাঠান হইয়াছিল । এইকণে তাহার সমভিব্যাহারে তথা হইতে তথাকার প্রধান অমাত্য বসুভূতি আসিয়াছেন । মহারাজীর মাতুল রাজা বিক্রম-জিহ, মহারাজের সভাজন উদ্দেশে তাঁহাকে এখানে পাঠাইয়াছেন । কয়েক দিন অতীত হইল, তাঁহার উত্তরে আসিয়া পৌছিয়াছেন । কিন্তু রাজ-সম্মান করেন নাই । অদ্য এই অবসর, তদীয় প্রশস্ত কাল জানিয়া, দূরদেশে দণ্ডায়মান ; কি আজ্ঞা হয় । আর, আশিষ্ট উপস্থিত অবশ্য-কর্তব্য রাজকার্য্য সকলের সমাধানান্তে প্রিচরণোপান্তে পৌছিতেছি ।

রাজী, মৌতুলানাজের নাম প্রবেশে অত্যন্ত উল্লাসিনী হইলেন এবং দাস্ত-সমস্তা হইয়া কহিলেন, আর্ঘ্যপূজ! ইন্দ্রজাল আজ এইখানে থাকুক। আর্ঘ্য বসুভূতি আসিয়াছেন। অতএব তাঁহার বধোচিত অত্যাধনা হইলে ভাল হয়। রাজা “ভৎস” বলিয়া সন্দেহ হইলেন এবং ভৎসনাৎ সম্বরসিদ্ধিকে আজ্ঞা দিলেন, ভৎস! অদ্য এই পর্য্যন্তই যথেষ্ট; এইক্ষণে তুমি বিপ্রাশ কর। তিনি রাজাজ্ঞা প্রাপ্তি-মাত্র শিরোধার্য্য করিয়া “যে আজ্ঞা মহারাজ!” বলিয়া, পুনর্বার পিচ্ছিকা ঘুটাইয়া, বিরত হইলেন। কিন্তু কৃতাজলি-পুটে প্রার্থনা করিলেন, মহারাজ! আমার আর একটি বড় ভাল খেলা বাকী রহিয়া গেল; কোন সময়ে, সেটী অবশ্য দেখিতে হইবে। রাজাও কহিলেন, ভাল, দেখা যাইবে।

অনন্তর, রাজী অনুমতি করিলেন, কাঞ্চনমালে! আমার নাম করিয়া, গিয়া, যোগেশ্বরায়ণকে বল, সম্বর-সিদ্ধিকে সম্প্রতি কিছু পারিতোষিক দেন। সে “যে আজ্ঞা মহারাজ!” বলিয়া, তাঁহারে সমতিব্যাহারে লইয়া, ভৎসা হইতে নির্গত হইল। রাজা বসন্তককে সম্বোধন করিয়া কহিলেন, বয়স্য! নীও, প্রত্যাগমন পূর্ব্বক তুমি বসুভূতিকে সঙ্গে করিয়া আন। তিনি “যে আজ্ঞা মহারাজ!” বলিয়া ভৎসা হইতে নিষ্কান্ত হইলেন এবং ভৎসনাৎ সমুচিত সমাদর প্রদর্শন সহকারে তাঁহাকে সমতিব্যাহারে লইয়া পুনঃ প্রবেশ করিলেন। রাজ্যব্য, তদীয় সঙ্গে সঙ্গে আসিতে লাগিল এবং মনে মনে বলিতে লাগিল, আমি, বহু দিনের পর, আজি, পুনরায় প্রভু সন্দর্শন করিব, বলিয়া, অতিশয় আনন্দিত হইতেছি। সাধন-বশে আমার মর্কাজ কল্পিত, বাস্প-জলে দৃষ্টি অবিস্পষ্ট এবং গদগদতা প্রযুক্ত বাক্য পদে পদে ল্পলিত ও জড়িত হইতেছে। অধিক কি? আমার পরিতোষ, আজি, জরাকেও নিচ্ছিন্ন করিতেছে! দেখিতেছি।

বসুভূতি, বৎস-ভূপতির ভবন-দ্বারে উপনীত হইয়া তদীয় সমুচ্চি

ও খোঁতা নিরীক্ষণ করিয়া পরিতুষ্ট হইলেন । সাধারণিকার গলার রত্নহার তৎকালে বসন্তকের গলায় ছিল । তিনি ভাহাতে নেত্রপাত পূর্বক জমাতিবে বলিতে লাগিলেন, বাজব্যা ! এ, সেই, আমাদের রাজকুমারীর রত্নমালা নয় ? বাহা, শুভ খাজাকালে আমাদের মহারাজ রাজকুমারীকে যৌতুক দিয়াছিলেন । শুনিয়া, বাজব্যাও বলিল, আর্ঘ্য ! আমিও তাই মনে করিতেছি । ঠিক সেইরূপই দেখি । ইহা কহিয়া, পুনরায় বলিল, ভাল, আগনি দ্বির হউন ; আমি ইহার সন্ধান লইতেছি ; বসন্তককে জিজ্ঞাসা করি । তখন, বসুভূতি, অতি বিস্মিত হইয়া কহিয়া উঠিলেন, না, না, মহাশয় ! অমন কর্ম্ম কদাচ করিবেন না । কারণ, মনে করুন, ইহাও কিছু একটা বৎসামান্য রাজসংসার নয় । অর্থাৎ, এখানে রত্ন-বাহুল্যের অসম্ভাব কি ? । কলভঃ এই প্রকার এক ছড়া রত্নহার এ বাগীতে ঘূর্ণিত নয় । এইরূপ কধোপকধন হইতে-হইতে বসুভূতি বসন্তক সমতিব্যাহারে উদয়ন-সমীপে উপনীত হইলেন । বাজব্যাও তাঁহার সঙ্গে-সঙ্গে যাইয়া, বৎসরাজ সাক্ষাৎকারে পৌছ'ছিল ।

বসুভূতি, বৎস-ভূপতির সাক্ষাৎকারে উপনীত হইয়া বজ্রহুজ হস্তে হই হস্ত তুলিয়া “দীর্ঘায়ু রত্ন” বলিয়া বিধিবৎ আশীর্বাদ করিয়া দণ্ডায়মান হইলে, রাজা, তৎক্ষণাৎ সত্রীক সিংহাসন হইতে গাজোখান করিলেন এবং সমুচিত অভ্যর্থনা-স্বত্বক সমানর ও সযোজন পূর্বক করপুষ্ঠে মন্তকে হস্তোত্তোলন করিয়া কহিলেন, প্রাণ্য ! । বসুভূতিও পুনরায় “আম্বন ! প্রয়াংলি ভবন্তু” বলিয়া, শাজো-দিত আশীঃ-প্রাণোগ করিলেন । তখন, রাজা, ব্যস্ত-সমস্ত হইয়া ভৃত্যদিগকে উদ্দেশ্য করিয়া অজ্ঞা করিলেন, কে আহ ? রে ! আসন আসন ? । বসন্তক, শশব্যস্ত হইয়া, তৎক্ষণাৎ স্বয়ং আসন প্রদর্শন পূর্বক বসুভূতিকে সযোজন করিয়া কহিলেন, জমাতা ! উপবেশন করিতে আজ্ঞা হয় । তিনি আসন গ্রহণ করিলেন ।

বাজব্যা, রাজাকে সম্বোধন পূর্বক কহিল, দেব ! বাজব্যা প্রণাম করিতেছে । রাজা, তদীয় পৃষ্ঠে হস্ত প্রদান পূর্বক কহিলেন, কেয় ? বাজব্যা ! এস-এস । বসন্তক, বসুভূতিকে সম্বোধন করিয়া কহিলেন, অমাত্য ! মহারাজী আপনারে প্রণাম করিতেছেন । রাজী বলিলেন, আৰ্য্য ! প্রণিপাত করি । ব্রহ্মামাত্য বসুভূতি, বাৎসল্য বশে তদীয় নাম গ্রহণ পূর্বক পুনরায় যজ্ঞোপবীত হস্তে ছই হস্ত তুলিয়া “বৎসে বাসবদত্তে ! আহুস্মভী হও এবং বৎসরাজ সদৃশ পুত্র প্রসব কর” বলিয়া যথাবিধি আশীর্বাদ করিলেন । বাজব্যা বলিল, দেবি ! বাজব্যা প্রণাম করিতেছে । বাসবদত্তা বলিলেন, বাছা ! নীরোগী ও দীর্ঘজীবী হও ।

রাজা জিজ্ঞাসিলেন, আৰ্য্য বসুভূতে ! তত্ত্বতবানু সিংহল-ভূপতির সমস্ত কুশল ! । রাজা ইহা কহিবামাত্র বসুভূতি, উৰ্দ্ধ-হৃষ্টি এবং দীর্ঘ নিশ্বাস পরিত্যাগ করিয়া, অতি ক্লীণকণ্ঠে কহিলেন, দেব ! অতঃপর, এই হুত্বাগ্য, মহারাজের সমক্ষে যে কি উত্তর করিবে, তাবিয়া স্থির করিতে পারিতেছে না । এই মাত্র বলিয়া, অধোবদন হইয়া, বাষ্পমোক্ষ করিতে লাগিলেন । তখন, বাসবদত্তা বৎসরোনাস্তি, বিবামিতা ও ব্যাকুলিতা হইয়া মনে-মনে বলিতে লাগিলেন, হা বিক্ ! না জানি, বসুভূতি কি সৰ্জনশিলা কথাই বলেন ! । রাজাও মহা উদ্বেজিত হইয়া, পুনরায় জিজ্ঞাসিলেন, বসুভূতে ! কেন ? কেন ? এক্ষণ আকুল হইয়া রহিলেন, যে ? কারণ কি ? । বসুভূতি, কথঞ্চিৎ মুখ তুলিয়া, দীর্ঘ নিশ্বাস ফেলিয়া, পুনর্বার বলিলেন, না মহারাজ ! আর আকুল হইয়াই বা কি করি, বলুন । বাজব্যা, বসুভূতিকে সংগোপনে বলিল, আৰ্য্য ! বাছা, কিছু পরে, অবশ্য বলিতে হইবে, তাহা এখন বলাতে বিশেষ হানি কি ? বরং ভাল । বসুভূতি এবং বৎসে বেগে বিগলিত বাষ্পধারায় ব্যাকুলিত হইয়া কহিলেন, মহারাজ !

মলিতে শোকে আমার হৃদয় বিদীর্ণ হইয়া যাইতেছে। তথাপি কি করি, হৃর্তাগা প্রবৃত্ত অশ্রুতা নিবেদিতে হইল; অবগ করুন।

এই রাজধানীর মন্ত্রী মন্ত্রিকুল-ভূডায়ণ মহাশয় যোগেশ্বরায়ণ হঠাৎ কোন নিম্ন পুরুষের মুখে অবগ করিয়াছিলেন, সিংহলের সম্রাট বিরম-বাহুর এক কুমারী আছে। তাঁহার নাম রত্নাবলী। তিনি সেই রত্নাবলীর পাণিগ্রহণ করিবেন; তিনি সার্কভোন রাজা হইবেন। মন্ত্রী-প্রদর ইহা অবগনাত অভিমান ব্যগ্র ও সমুৎসুক হইয়া, দীর্ঘ প্রভু মহারাজকে সার্কভোন সম্রাট করিবার আশয়ে, নিতান্ত রত্নরান হন। কিন্তু বারংবার প্রার্থনা জানাইলেও আমাদের মহারাজ, মহারাজকে কন্যা সম্রাদান করিতে কদাচ সম্মত হন নাই। কারণ অন্য ঈকছুই নহে;—তাহা বলিবারও অপেক্ষা বিরহ; মহারাজ তাঁহার ভাগিনেয়ী-পতি। রাজা প্রমোত্তের জননী বাসবদত্তা এই বৎস-রাজ-মহিষী, তাঁহার ভাগিনেয়ী। সুতরাং ভগিনী-জানাতাকে জানাজ্ঞ করিলে, ভাগিনেয়ীর মনো-বেদনা হইবে; কেবল ইহাই-মাত্র তাঁহার অসম্মতির হেতু।

বনুভূতি, এই পর্যন্ত বলিলে, রাজা বৎকিঞ্চিৎ অপ্রস্তুত হইয়া, বৃহন্নরে বলিলেন, মহিষি! তোমার শাভুলের অশ্রুতা, এসকল কি অলীক বকিতেছেন?। রাজ্যী কণকাল চিত্ত ও রাজাকে কটাক করিয়া, ইহং হাস্যাদেয় উক্ত করিলেন, ধীর-মলিত! এ বিষয়ে কে মিথ্যাবাদী; এখনও স্থির হয় নাই।

ঐ পর্যন্ত শুনিয়া, অভিযয় ব্যগ্র হইয়া, বসন্তক, বনুভূতিকে জিজ্ঞাসিলেন, আর পর? সেই বিষয়ের কি হইয়াছে? মহাশয়!। বনুভূতি পুনর্বার বলিলে লাগিলেন, আমাদের মহারাজ, বখন, একান্ত অসম্মত হইলেন, যোগেশ্বরায়ণ, সিংহলে “বাসবদত্তা অগ্নিদাহে প্রাণ পরিত্যাগ করিয়াছেন।” এই প্রবাদ-রটান এবং এই রাজব্যাকে পাঠাইয়া দেন। ইনি তখন উপস্থিত

হইয়া, অনেক করিয়া, তাঁহাকে সম্মত করিলে, তিনি শুভলক্ষ
নির্ণয় পূর্বক শ্রিয়তলা হুহিতা রত্নাবলীতে দিবা-যোগ্য বস্ত্রালকারে
বিশুভিত করিলেন এবং একখান অর্ণবদান সাজাইয়া, আমারে
লম্বিতব্যাহারে দিয়া, মহারাজের সমীপে পাঠাইয়া দিয়াছিলেন।
এই বাস্তব্যা—ইনি, আমি এবং আমাদের সেই হুত্মগিনী রাজপুত্রী
রত্নাবলী, আমরা তিন জনে এই বহন দেশ অভিমুখে সমুদ্র-পথে
গুপ্ত যাত্রা করিয়াছিলাম। কিন্তু মহারাজ! এইকণ্ডে আরও হও-
য়াতেও আমার বক্ষস্থল শোকে শতধা হইয়া বাইতেছে! কি
রহিব! তবিস্বয়োর অভিশপ্ত তয়ানক পরাক্রম! ঈশ্বরের অত্যন্ত
হরত মহিমা!। পশ্চিমধ্যে অকস্মাৎ একটা প্রবল বাত্যা উখিত
হওয়াতে, সেই অর্ণবদান তর ও জলমগ্ন হইয়া গিয়াছে!।
অগাধ সমুদ্র-গলিলের ভীষণ ভয়ঙ্কর-হলে আমরা বেক কোথায়
জানিয়া গিয়াছিলাম, তাহার চিকানা নাই। রাজ-কুমারী জীবিত
আছেন; কি কোন অনির্কটনীয় দশার করাল কবলে নিপতিত
হইয়াছেন, বলিতে পারি না। ইহা কহিয়া, পূর্বাপেক্ষা প্রবল
শোকবেগে ব্যাকুলিত ও অধোবদন হইয়া, হা-হা শব্দ করিয়া
কান্দিতে লাগিলেন। শুনিয়া, রাজা বানবদতা, নিতান্ত অধীর
ও একান্ত আকুলিত হইয়া, উচ্চৈঃস্বরে রোদন করিতে লাগিলেন
এবং অতি করুণ-স্বরে বলিতে লাগিলেন, হা! হতান্নি মন্দতা-
গিনী!। হা! তগিনি রত্নাবলি! তুমি কোথায় গেলে! একমাত্র
সেমা লাও!।।

রাজা, ত্রস্ত ও শম্ব্যন্ত হইয়া, বলিতে লাগিলেন, প্রিয়তমে!
কাত হও, কাত হও; দেবী ধর। ঈশ্বরের অনির্কটনীয় গতি!
কান্দিয়া কি করিবে? বজ। কিন্তু মহিবি! আমার নিঃসংশয়
আশা ও ভরসা হইতেছে, তোমার তগিনী জীবিতা আছেন। কেন
না, ইহারাও ত সেই বিপৎ-সাগরে ডুবিয়াছিলেন। এই বলিয়া,

বসুভূতি ও বাজ্রব্য উভয়ের দিকে অঙ্গুলি নির্দেশ করিলেন । রাজ্ঞী বলিলেন, আৰ্য্যপুত্র ! তা মিথ্যা নয় ; কিন্তু আমার ভেমন কপাল কোথায় ? !

এই প্রকার শোক-সম্ভাপ চলিতেছে, এমন সময়ে, রাজবাগীতে একটা ভারী কলরব ও আৰ্ত্তনাদ উঠিল । রাজ্যান্তঃপুরে অবস্থিত অগ্নি লাগিয়াছে । অতএব বোধিজন সকলের “ যাই রে ! বাপ রে ! গেলেন রে ! পুড়ে নলেন রে ! ” ইত্যাকার নানা-প্রকার চীৎকার শ্রুতি গগন স্পর্শ করিতেছে । সেই অভ্যস্ত ভয়ঙ্কর একাণ্ড অগ্নি-কাণ্ডের বর্ণন করিতে পারে, কার সাধ্য ? ! অধিক কি কহিব ? বিশ্বসংসার-কবল মহা-প্রবল অনল, অতিশয় ভীষণ মূর্তি ধারণ করিয়াছে । কোন স্থলে শত শত প্রদীপ্ত ও উজ্জ্বল শিখা দ্বারা সুরম্য হর্ষা সকলের হেমশৃঙ্গ-শ্রেণীর স্থানীয় হইয়া, জ্বলিতেছে । কোন ধানে অন্তঃপুরের মধ্যবর্তী উদ্যান-স্থিত ক্রমাবলী দাহ করিয়া, অভ্যস্ত ভীত প্রভাপে বকতার অবলম্বন করিতেছে । আবার, কোথাও বা সজল জনধর মালার ন্যায় শ্যামায়মান ধূমমালা, যেন, আবরোধিক কেলি-পর্জন্ত রচনা করিতেছে । নাগরিকেরা উচ্চৈঃস্বরে বলিতেছেন, ইতিপূর্বে সিংহলে যে দেবী-দাহ প্রবাদ রটিয়াছিল, পোড়া আগুন, যেন তাহাই সত্য করিবার উদ্দেশে, আপনার সর্বভূক্ত নামের সার্থকতার বদন ব্যাঙ্গান করিয়াছে ।

সেই লোমহর্ষণ অতিশয় শোচনীয় কোলাহল প্রবণ করিয়া, রাজা, শশবাস্ত ও বিচেতন হইলেন এবং “ কি ? রানী অগ্নি-দাহে প্রাণ-ত্যাগ করিলেন ? ” এই বলিয়া, হঠাৎ চীৎকার করিয়া উঠিলেন । দেখিতে দেখিতে অগ্নি অভ্যস্ত ভয়ানক ও সর্বত্র ব্যাপক হইয়া উঠিল । তখন, রাজ্ঞীও আৰ্ত্তনাদে বলিতে লাগিলেন, আৰ্য্যপুত্র ! পরিজ্ঞান কর ! পরিজ্ঞান কর !! রাজা করি-

লেন, অয়ে! আমি এত জ্ঞাত হইয়াছি, যে, পার্শ্ববর্তিনী
রাণীকেও দেখিতে পাইতেছি না। অনন্তর, তাঁহার হুই হস্ত
ধারণ পূৰ্ণক বলিতে লাগিলেন, শ্রিয়তমে! কান্ত হও; কান্ত হও;
ঐশ্বর্য ধর। রাজ্ঞী বলিলেন, আমি আমার জন্যে বলি নাই।
নাথ! একটা বড় কু-কাজ করিয়াছি! অত্যন্ত উৎকট রাগ-
তরে সহচরী সাগরিকারে নিগড়-বন্ধনে অন্তঃপুরের নিকৃষ্ট প্রদেশে
রাখিয়াছি। হায়! হায়! এককণ সে বুঝি পুড়িয়া নরিল।

রাজা, সাগরিকার নাম শ্রবণে শশবাস্ত হইলেন এবং
কহিয়া উঠিলেন, কি? সাগরিকা অগ্নিরাশির মধ্যে পড়ি-
য়াছেন?। এই, এখনি, আমি চলিলাম। এই বলিয়া তৎ-
ক্ষণে গাত্ৰোত্থান করিলেন। তখন, বস্তুভূতি রাজাকে নিবেদন
করিয়া কহিলেন, বৎস-রাজ! এরূপ পতনভুক্তি করিতে নাই।
বাক্যব্যও বলিল, মহারাজ! বস্তুভূতি ত মন্দ বলিতেছেন না।
বসন্তক রাজাকে সাতিশয় আগ্রহী দেখিয়া, তাঁহার উত্তরীয়
ধারণ পূৰ্ণক কহিলেন, না না; বয়স্য! এ সময়ে এই প্রকার
হুঃনাহস করা কদাচ উচিত ও কর্তব্য নয়। রাজা, তাঁহার
হস্ত হইতে বল পূৰ্ণক উত্তরীয় আকর্ষণ পূৰ্ণক “অরে
মুখৰ্ণ বলি” কি? সাগরিকা পুড়িয়া নরিতেছেন! আর আমি
বাঁচিয়া কি করিব? অরে ভায় ফল কি? বল” বলিয়া, তৎক্ষণে
ঈলন্ত অন্তঃপুর মধ্যে প্রবেশ করিলেন। রাজা, অগ্নি-চক্রে
প্রবিষ্ট হইলেন; ধূমরাশি তাঁহার হুইল চক্ষুঃ বিস্মিত-করিতে
লাগিল; তথাপি তিনি কান্ত হইলেন না; হুই হস্তে চক্ষু
সাক্ষরী করিতে করিতে সাগরিকার সমীপে চলিলেন। আক্ষেপ
করিয়া, বলিতে লাগিলেন, রে বিশ্ব-সংসার-দহন দহন! তুই বিরত
হ; বিরত হ; তথা কেন গগন-প্রদেশে শিখা চক্রবাল একটন
করিতেছিস। অরে হৃদ্যন্ত! শোন, আমি কেবল অতিশয় মৃশংস

এইমাত্রই নহি ? এক অঁকার বিবন পদার্থ ! আমার জানিস্ না ? আমি, যখন, এই প্রাণপ্রিয়তমার অবল বিরহ-হৃদাশ্রমেও তন্মগ্ন হই নাই ; তখন, তুই কি আমারে গ্রাস করিতে পারিবি ? । বাস্তবিক, তোমার কৰ্ম নয় ; তোমার এই প্রলয় স্তুতিও আমার এই প্রাণমিনীর অভুল অবল বিরহ-বহির কাছে অতি দুৰ্দ্ধ !—কিছুই নয় ! রে ! আমার স্তুত্যা নাই ! ।

রাজাকে অগ্নি-রাশির মধ্যে প্রবিষ্ট দেখিয়া, মহিষী আক্ষেপ করিতে লাগিলেন, হায় ! হায় ! আমার কথায় আৰ্য্যপুত্র অগ্নিকুণ্ডে কাঁপ দিলেন ; আমি এখনও নিশ্চিন্তচিত্ত ও সুস্থশরীরে রহিলাম । বাই-বাই ; স্বরায় প্রাণ-বল্লভের অনুগামিনী হই । এই বলিয়া, তৎক্ষণাৎ তমীর অনুগামিনী হইলেন । বসন্তক, মহিষীর সম্মুখবর্তী হইয়া “হা দেবি ! তবে আমিও তোমার পদ-দর্শক হইব ” বলিয়া, তাঁহার অগ্রসারী হইলেন । তখন, বসন্তুতি “হায় ! বৎসরাজ এবং বৎস-মহিষী উভয়েই অগ্নিকুণ্ডে নিপতিত হইলেন এবং আমা-দের রাজবালাও তাৎক্ষণী দুর্গতি হইয়াছে ! এসকল দেখিয়া, শুনিয়াও কি আর আমার বাঁচিতে আছে ? এই প্রস্থলিত অনল-কুণ্ডে আত্মারে আহুতি-দেওয়াই উচিত ! ” বলিয়া, তমীর পশ্চাৎ-পশ্চাৎ অনল-বহো চলিলেন । অবশেষে, বাজব্যাও হা মহারাজ ! হা মহারাজ ! বলিতে বলিতে দর-দরিদ্র বাস্প-ধারায় ব্যাকুলিত ও অগ্নিরাশিতে প্রবিষ্ট হইল ।

সামরিক, অগ্নি-চক্ৰের অন্তর্ভুক্তিনী হইয়া, উচ্চৈঃস্বরে রোদন এবং বিলাপ করিতেছেন, হায় ! হায় ! কি হইল ! কি হইল ! এতদিনে বরিলাম । অহে হতবহ ! আমি, কি, এমন কপাল করিয়াছি ; বে, তুমি আমার প্রতি প্রসন্ন হইবে ; আজ একবার আমার সকল দুঃসহ দুঃখের অবদান করিবে ? । এই কথায়, রাজা তমীর নদীপে উপস্থিত হইলেন । অজ্ঞান ব্যাধ হইয়া বলিলেন,

অগ্নি প্রাণ-প্রিয়ভমে ! অগ্নি রাশির মধ্যে পড়িয়াছ ? । সাগরিকা,
রাজাকে সমাধিত' দেখিয়া কহিয়া উঠিলেন, অয়ে আর্ঘ্যপুত্র ! কি
আশ্চর্য্য ! কি আশ্চর্য্য ! ইহা'রে দেখিয়া আমার বাঁচিতে সাধ
হইল । অনন্তর, প্রকাশে কহিলেন, প্রাণনাথ ! পরিজ্ঞান কর;
পরিজ্ঞান কর । রাজা সাহস পূর্ব্বক “ ভীতে ! আর ভয় নাই ; মুহূর্ত্ত-
মাত্র সহ্য কর ; এখনি আমি তোমার পরিজ্ঞান করিতেছি । বড
ধুম ! ঢকুঃ চাহিয়া, কিছুই দেখিতে পাইতেছি না । ইহা কহিয়া
কথঞ্চিৎ সম্মুখে দৃষ্টিপাত করিতে লাগিলেন এবং দেখিয়া কহিয়া
উঠিলেন, হায় ! এই যে প্রিয়ভমার অঞ্চল স্থলিতেছে ! । এই বলিয়া,
প্রবৃত্ত পূর্ব্বক তাহা নির্ঝাপ করিতে লাগিলেন । অঞ্চল নির্ঝাপিত
করিয়া, তাঁহায় আলিঙ্গন করিয়া ধরিলেন এবং আক্ষেপ করিয়া
কহিতে লাগিলেন, প্রণয়িনি ! এরূপ নিগড়-সংঘর্ষা রহিয়াছ ?
এস-এস ; অগ্নিরাশির মধ্য হইতে দ্বারায় তোমায় লইয়া প্রস্থান
করি । এইরূপে অগ্নিকাল নিমীলিত নয়নে স্পর্শসুখ অনুভব
করিতে-করিতে কহিলেন, আহা ! নিবেশ মধ্যেই আমার সকল
সন্তাপ দূর হইল । প্রিয়ে ! কান্ত হও, কান্ত হও ; ধৈর্য্য ধর । এইক্ষণে
আমি নিশ্চয় বুঝিলাম, হতাশন, তোমায় অশ্বন করিতে পারিবে
না । তোমার অমৃত্যুরমান অনুপম স্পর্শ, মহৌষধ স্বরূপে তোমার
সর্ভাঙ্গ ব্যাপিয়া আছে ।

অনন্তর, রাজা, নয়ন-দ্বয় উন্মীলিত করিয়া, অঙ্গাধ বিস্ময়
সমুদ্রে নিমগ্ন হইলেন এবং সাগরিকার পরিজ্ঞান করিয়া, বারংবার
বলিতে লাগিলেন, কি আশ্চর্য্য ! কি আশ্চর্য্য ! কি চমৎকার ব্যাপার !
কি বিস্ময়কর কাণ্ড হইয়া গেল ! । কই ! সে হতবহ কোথায় ? আর
কণামাত্র অনন্তও ত দেখিতেছি না । সমস্ত অন্তঃপুর পূর্ব্ববৎ
শূন্যই রহিয়াছে । পরে, রাজাকে দেখিয়া বিস্মিত ও হর্ষিত হইয়া
কহিলেন, এই যে মহিষী বধ্যদণ্ডে নৃত্য-শরীরা অবস্থান করিতেছেন ।

তিনিও রাজার সর্কাঙ্গে হাত বুলাইয়া বিম্মিত ও আত্মাধিত হইয়া বলিলেন, এই যে আৰ্য্যপুত্র ! সৌভাগ্য-ক্রমে অকল-গাজ্জ রহিয়াছেন। রাজা পুনরায় পার্শ্বে দৃষ্টিপাত করিয়া, বিম্মিত ও হর্ষিত হইয়া কহিলেন, এই যে বাজব্যা দেখিতেছি। বাজব্যা বিম্মিত ও আনন্দিত হইয়া কহিল, হাঁ মহারাজ ! মহারাজের জয় হউক ; সার্বভৌম হউন। রাজা, পুন-সর্কার পার্শ্বে দৃষ্টিপাত করিয়া, বিম্মিত ও হর্ষিত হইয়া, কহিলেন, এই যে বনুভূতি ?। বনুভূতি বিম্মিত ও চমৎকৃত হইয়া বলিলেন, দেব ! সৌভাগ্য-ক্রমে বর্জিকু হইতেছেন ; সর্কাভীষ্ট সিদ্ধি লাভ করুন। রাজা পুনরায় সম্মুখে দৃষ্টি সঞ্চারিত করিয়া, বিম্মিত ও প্রীত হইয়া কহিলেন, এই যে প্রিয় বয়স্য দেখিতেছি হে !। বসন্তক ও বিম্মিত ও প্রমোদিত হইয়া বলিলেন, হাঁ মহারাজ ! তোমার সর্কাঙ্গীন অঙ্গলাভ এবং সমুদায় হুর্জাবনা দূর হউক।

রাজা কিয়ৎক্ষণ চিন্তা ও ভর-বিতর্ক করিয়া, পুনরায় মহা বিম্মিত ও মহা চমৎকৃত হইয়া, কহিতে লাগিলেন, কি আশ্চর্য্য ! কি আশ্চর্য্য ! কি চমৎকার ব্যাপার ! কি অদ্ভুত কাণ্ড হইয়া গেল ! ! কিছূই ত বুঝিতে পারিলাম না। এ, কি, জাগ্রৎ-অবস্থার স্বপ্নদর্শন করিলাম ? অথবা, সেই ইন্দ্রজাল ! ! অথবা বসন্তক বলিলেন, মহারাজ ! আর সংশয় করিবেন না, ইহা নিশ্চয়ই সেই ঐন্দ্রজালিক জাগ্রৎ।—তোমার কি স্মরণ হয় না ? সর্কশেষে সেই দাসীপুত্র বলিয়াছিল, “আমার আর একটি বড় ভাল লেখা থাকি রহিয়া গেল ; কোন সময়ে, লেখী অবশ্য দেখিতে হইবে।”

রাজা, পুনর্বার কিয়ৎক্ষণ ভাবনা করিয়া, অপ্রস্তুত হইয়া, কহিলেন, রাণি ! আমি তোমার কথার সাংগঠিকার জন্যে এত ব্যাকুল ও ব্যস্ত হইয়াছিলাম। রাজী, লেবৎ হাসিয়া উত্তর করিলেন, “তা বুঝিয়াছি।—তার সন্দেহ কি ? আমার জন্যেই ত এত পক্ষ !।

এই সময়ে, বনুভূতি সাগরিকার সর্বাঙ্গে চুটিপাত করিয়া সংগোপনে করিলেন, রাজব্য! এই কন্যাজীয়ে চিক যেন আমাদের রাজকুমারী জ্ঞান হয় না!। রাজব্যও গোপনে বলিল, আর্ঘ্য! আনিত ভাই মনে করিয়া ভাবিতেছি। তখন, বনুভূতি মনে মনে আক্ষেপ করিতে লাগিলেন, হায়! আমাদের প্রতি নিভান্ত প্রতিকূল হইয়া, দক্ষ বিধাতা, যখন সেই সর্ব-মূলকথা মঙ্গলময়ীকেও নিদারুণ অমঙ্গল পিঁচাতের করাল করে সম্প্রদান করিয়াছেন; তখন, আমাদের ইহা হুঁশিয়ারাজ। তখনতর, সাগরিকার নির্দেশ করিয়া রাজাকে জিজ্ঞাসিলেন, মহারাজ! এই কুমারী কোথায় পাইয়াছিলেন?। রাজা উত্তর করিলেন, তা ত আমি কিছুই জানি না, রাণী বলিতে পারেন। বনুভূতি, পুনরায় রাজ্যকে জিজ্ঞাসা করিলেন, দেবি! এই কুমারী কোথায় পাইলেন?। রাজা উত্তর করিলেন, আর্ঘ্য! “হঠাৎ সাগরতীরে পাওয়া গিয়াছে” বলিয়া, যোগদ্ধরায়ণ আনিয়া আমায় দেন। সেই নিমিত্ত, আমি ইহায় সাগরিকা বলিয়া ডাকি; আর ত কিছুই বলিতে পারি না। শুনিয়া, রাজা, মনে মনে সংশয় করিতে লাগিলেন, এ কি কথা হইল? যোগদ্ধরায়ণ, আমায় না জানাইয়া, কোন কার্য করেন না; এমন অবস্থায় তিনি ইহাঁরে একবারে মহিবীর হাতে দিয়াছেন! কারণ কি?।

• বনুভূতি, পুনরায় সংগোপনে বলিলেন, রাজব্য! দেখ, বনুভূতের গলায় রত্নহার ও সাগরিকার সাগর হইতে প্রাপ্তি শুনিতেছি এবং বিলক্ষণ সৌন্দর্য্যও দেখিতেছি! এই তিন-জিই উপস্থিত অনুমানের বিলক্ষণ স্পষ্টকূল দেখিয়া আমার মনঃ সন্তোষ প্রাপ্ত ও আশ্চর্য্য হইয়া উঠিয়াছে। অতএব আর আমার অনুমান লঙ্ঘন নাই, সাগরিকা, রত্নাবলীই হইবেন!। তখনতর, তিনি ব্যগ্র ও ব্যাকুলিত-চিত্ত হইয়া তৎক্ষণাৎ সাগরিকার

সমীপে গিয়া, অনিবার্য দরদরিভ ধারায় রোদন করিতে করিতে কহিলেন, হা বৎসে! রত্নাবলী! তুমি জীবিতা আছ? এবং তোমার এমন দুর্দশা ঘটয়াছে?। রত্নাবলী, বসুভূতিকে দেখিয়া চিনিতে পারিলেন এবং গলদগ্রন্থ-লোচনা ও অত্যন্ত আকুলা হইয়া, গদগদ স্বরে এইমাত্র বলিলেন, আর্গ্য বসুভূতি?। ইহা কহিয়া, অঞ্চল মুখে দিয়া, প্রবলবেগে কাঁদিতে লাগিলেন। বসুভূতিও “হা হত্যগ্নি মন্দভাগ্যঃ!” এইমাত্র বলিয়া, উঠেঃস্বরে ক্রন্দন করিতে লাগিলেন। রত্নাবলী, পুনরায় পূর্বাপেক্ষা সম-ধিক প্রবলবেগে রোদন করিতে করিতে “হা হত্যগ্নি হত-ভাগিনী! হা ভাত!—হা মাতঃ! তোমরা কোথায় আছ? একবার দেখা দাও” বলিয়া, ভূতলে নিপতিতা ও মুচ্ছিতা হইলেন। রাজ্ঞী, তৎক্ষণাৎ তাঁহার মুচ্ছাশান্তি করিলেন এবং শশব্যস্তা হইয়া জিজ্ঞাসিলেন, কঞ্চুকি! এই কি আমার ভগিনী রত্নাবলী?। বাস্তব্য, করপুটে নিবেদন করিল, হাঁ মহারাজি!। তখন, মহিষী, যার পর নাই, আত্মদিত্তা এবং বিষাদিত্তা হইয়া, সাগরিকারে আলিঙ্গন করিয়া, আন্তে ব্যস্তে বলিতে লাগিলেন, ভগিনি! কাস্ত হও; কাস্ত হও;—ঐশ্ব্য ধর। রাজা, বিস্মিত ও চমৎকৃত হইয়া কহিয়া উঠিলেন, কি? উদাত্ত-বংশা-বতংস রাজা বিক্রমবাহুর কন্যা ইনি?। তখন, বসন্তক স্বগল-লম্বিত রত্নহারে নয়ন-পাত করিয়া, হাঃ-হাঃ শব্দে হাসিয়া কহিয়া উঠিলেন, আমি ত প্রথমেই বলিয়াছি, এ, সামান্য বংশের অলঙ্কার কদাচ নয়।

বসুভূতি, রোদন করিতে করিতে পুনর্বার বলিলেন, রাজ-হুহিতে! কাস্ত হও; কাস্ত হও;—ঐশ্ব্য ধর। ঐ দেখ, তোমার জন্যে তোমার বড় দিদী কত কাতরা ও আকুলা হইয়াছেন। অতএব তুমি এইক্ষণে মোহ সংবরণ এবং রোদন পরিত্যাগ

করিয়া, ইহাৱে আলিঙ্গন কর। এই বলিয়া, সমীপস্থ হইয়া, দুই হস্তে তাঁহার চক্ষুর জল মুছাইয়া দিলেন।

রত্নাবলী, যৎকিঞ্চিৎ আশ্বাসিতা হইয়া, তিৰ্য্যগ-নয়নে রাজার দিকে বারম্বার দৃষ্টিপাত করিতে লাগিলেন এবং মনে মনে ভাবিতে লাগিলেন, আমি দিদীর কাছে কত লজ্জাহীন কু-কাজ করিয়াছি ! অতএব, এখন, কেমন করিয়া, মুখ তুলিয়া কথা কই ? লজ্জা হইতেছে। এই ভাবিয়া, লজ্জা-নন্দমুখী ও নিরুত্তরা হইয়া রহিলেন। রাজী, বাষ্পাকুলিত-নেত্রে বলিতে লাগিলেন, ভগিনি ! এস এস ; আমি তোমার উপর কত নিষ্ঠুর আচরণ করিয়াছি ; এইক্ষণে সেই সমস্ত দোষ মার্জনা ও বড় দিদীর প্রতি স্নেহ প্রকাশ করিয়া, সরলা হও। বলিয়া, তাঁহার পুনরায় স্নেহ-সম্ভাষণ ও যুগল বাহুলতা প্রসারণ পূৰ্ব্বক আলিঙ্গন করিলেন। রত্নাবলী, স্তম্ভিতা হইলেন।

তখন, রাজী, রাজাকে সম্বোধন পূৰ্ব্বক বলিলেন, আৰ্য্যপুত্র ! আমি যে সকল নৃশংস আচরণ করিয়াছি, তা মনে করিয়াও এখন আমার বড় লজ্জা ও দুঃখ বোধ হইতেছে। অতএব তুমি শীঘ্র ভগিনীর অবশিষ্ট বন্ধন খুলিয়া দাও। রাজা, পরমাহ্লাদিত হইয়া, “প্রুয়সি ! আমি প্রাণান্তেও কি তোমার আজ্ঞার অন্যথা করিতে পারি ?” বলিয়া, তৎক্ষণাৎ তাঁহার সমুদায় বন্ধন মোচন করিয়া দিলেন। রাজী কহিলেন, নাথ ! আমার দোষ নাই ; যোগেশ্বরায়ণ এতদিন আমায় অ-নানুস করিয়া রাখিয়াছিলেন। ইহার বিম্ভু-বিসর্গও বলেন নাই।

এইরূপ আক্ষেপ ও অনুনয় চলিতেছে, এমন সময়ে, যোগেশ্বরায়ণ, তথায় আগমন করিলেন এবং বিহিত সংবৰ্দ্ধনানন্তর, যথোচিত ভূমিকা করিয়া কহিলেন, মহারাজ ! এই দাস, রাজগোচর না করিয়া, যে অপরাধ করিয়াছে, মার্জনা

করিতে আজ্ঞা হয়। রাজা জিজ্ঞাসিলেন, যোগকুরায়ণ! আমায় না জানাইয়া, তুমি, কি করিয়াছ? বল! যোগকুরায়ণ নিবেদন করিলেন, অন্তঃপুর-সিংহাসন গ্রহণ করিতে আজ্ঞা হয়; দাল, ক্রীচরণ-সমীপে সমুদায় নিবেদিত্তেছে।

রাজা, অন্তঃপুরস্থ সিংহাসনে অধ্যাসীন হইলেন এবং যোগ-কুরায়ণও স্বাক্ষরিত রত্নাস্ত্র নিবেদন করিতে আরম্ভ করিলেন। মহারাজ! শ্রবণ করিতে আজ্ঞা হয়। এইক্ষণে, এই যে নাগ-রিকায় লইয়া, মহা গোলযোগ উপস্থিত হইয়াছে; তাহার আদ্যো-পান্ত সবিশেষ সমস্ত বিবরণ এই—আমি হঠাৎ কোন সিদ্ধ ব্যক্তির মুখে শ্রবণ করিয়াছিলাম “সিংহলের সম্রাট বিক্রম-বাহুর সর্ক-মূলকণা এক কুমারী আছেন, নাম রত্নাবলী। যিনি রত্নাবলীর পাণিগ্রহণ করিবেন, সর্ক-ভৌম রাজা হইবেন।” সেই কথায় আমার দৃঢ়তর বিশ্বাস জন্মে। অতএব আমি মহা-রাজের নিমিত্ত সিংহল-রাজের নিকটে বারং বার রত্নাবলী প্রার্থনা করি। কিন্তু তিনি তাঁহার ভাগিনেয়ী বাসবদত্তা আমাদের রাজ-মহিবীর মনোভঙ্গ ভয়ে আমার সেই ভূয়সী প্রার্থ-নাতেও নিতান্ত অসম্মত হন;—এই পর্য্যন্ত শ্রবণ করিয়া, রাজা, মনে মনে সান্ত্বনয় সম্ভব হইয়া কহিলেন, তার পর তুমি কি করিলে?। তিনি পুনর্বার নিবেদিত্তে লাগিলেন, তাহার পর, আমি অগত্যা সিংহলে “বাসবদত্তা গৃহদাহে ভস্মসাৎ হইয়াছেন” এই প্রবাদ রটাইলাম এবং অবিলম্বে রাজ্যব্যাকে তথায় পাঠাইয়া দিলাম।

রাজা, কহিলেন, অগত্যা! অন্তঃপুর ভোমার সমুদায় শুনি-রাছি। তুমি যে উদ্দেশে আমার না জানাইয়া, রত্নাবলীরে রাজীর হস্তে সমর্পণ করিয়াছিলে, সম্প্রতি, তাহাও আমার বিলক্ষণ, কদয়ঙ্গব হইল। শুনিয়া, বসন্তক বলিলেন, মহারাজ! আমি বেশ

বুঝিয়াছি, যোগদ্ধরায়ণের অভিপ্রায় এই বই আর কিছুই নয়, অস্তঃপুরে থাকিলে, রত্নাবলী অনায়াসে তোমার নয়ন-পথ গামিনী হইবেন। রাজা, স্মিত-বদনে কহিলেন, যোগদ্ধরায়ণ! প্রিয়-সখা, তোমার অভিসন্ধি বুঝিতে পারিয়াছেন। যোগদ্ধরায়ণ নম্রমুখে কহিলেন, হাঁ মহারাজ !। তখন, রাজা কহিলেন, অমাত্য ! সম্প্রতি আমি ইন্দ্রজাল ব্যাপারেরও অভিসন্ধি বুঝিয়াছি। তাহাও তোমার কৌশল। যোগদ্ধরায়ণ কহিলেন, মহারাজ ! কি করি ? বলুন ; ঘটনা-ক্রমে রত্নাবলী অস্তঃপুরের নিভৃত প্রদেশে দারুণ বন্ধন-দশায় রহিলেন। তাঁহার প্রতি মহারাণীর পুনরায় কোপ শাস্তি হইল না। অতএব, একরূপ না করিলে, কি-প্রকারে তিনি পুনর্ব্বার মহারাজের নয়ন-পথবর্ত্তিনী হন ? সিংহলেশ্বরের কুমারী বলিয়া নিঃসংশয় প্রত্যয় জন্মে এবং নির্বিশেষে শুভকর্ম্মের সমাধা হয়।

রাজা যৎপরোনাস্তি প্রীত ও প্রসন্ন হইয়া পুনরায় জিজ্ঞাসিলেন, অমাত্য ! তাল, তা ত বুঝিলাম। কিন্তু রাজকুমারী অতি ভীষণ-ভরঙ্গ সাগর-সলিলে নিমগ্না হইয়াও কি উপায়ে পুনর্ব্বার তোমার হস্তাগতা হইলেন ? বল। যোগদ্ধরায়ণও পুনরায় নিবেদন করিতে লাগিলেন, মহারাজ ! তাহাও নিবেদন করিতেছি, প্রবেশ করিতে আজ্ঞা হয়,—ভবদীয় সৌভাগ্য রোধ করিতে পারে, কার সাধ্য ? সেই অসম বিপদে পড়িয়াও নিকরপায় রাজবাল, দৈবাৎ একখান ফলক মাত্র আশ্রয় পান এবং তাহাই অবলম্বন করিয়া ভাসিয়া যান। আমাদের কৌশাঘীর কোন বণিক সিংহলে বাণিজ্য করিতে গিয়াছিলেন ; প্রত্যাগমন করিতেছেন, দেখিলেন, এক পরমসুন্দরী রূপবতী কুমারী, তাহুশ বিপৎসাগরে পড়িয়া, ভাসিতেছেন। রাজকুলোচিত মূল্যবান একছড়া রত্নহার রত্নাবলীর গলায় ছিল। এই বণিক, পূর্বে, আমার চেষ্টিত রত্নাবলীর

প্রার্থনা রত্নান্ত অবগত ছিলেন। এইক্ষণে, কুগারীর গলায় রত্নহার অভিজ্ঞান দর্শনে ইহাঁরে রত্নাবলী স্থির করেন ; যত্নপূর্ব্বক জাহাজে আনেন এবং কৌশলীতে প্রত্যাহৃত হইয়া আমার হাতে দেন ।

আনিও পূর্ব্বকই কোন সুর্যোগে সমাচার পাইয়াছিলাম, সমুদ্রে অর্ণবপোত ভগ্ন হওয়াতে, পথে বড় বিভ্রাট ঘটয়াছে । রাজ-বালা, জীবিত আছেন, কি, তাঁহার প্রাণ-বিয়োগ হইয়াছে, কিছুবই স্থিতি নাই । বাজব্যা ও বস্তুভূতি ইহাঁরা দুজনে সেই বিষম সংকট সাগর হইতে কথঞ্চিৎ প্রাণে প্রাণে বাঁচিয়া উঠিয়াছেন এবং সৌভাগ্য-ক্রমে কোশল সংগ্রামে প্রস্থিত আমাদের সেনাপতি রুমণানের সহিত পথিমধ্যে মিলিয়াছেন ।

মহারাজ ! বলিতে কি ? রত্নাবলী-সংক্রান্ত সেই অশুভ সমাচার প্রতিকাগোচর করিয়া অবধি, আমার মনস্তাপ ও পরিতাপের পরিসীমা ছিল না ! অধিক কি কহিব ? আমি রাজকায়া পন্যালোচনা একবারে পরিত্যাগ-প্রায় করিয়াছিলাম এবং আহা, নিদ্রা, বসন, ভূষণ, শয়ন, উপবেশন প্রভৃতি সুনস্ত নিত্য কার্য্যও আমার নিতান্ত কষ্টকর হইয়া উঠিয়াছিল । “এত আকুঞ্চন করিয়াও কি, এ, অকিঞ্চন প্রভুকর্ম্ম সম্পাদিত করিতে পারিল না ? হায় ! হায় ! কি হইল !—কি করিলাম !” এইরূপ হা-হত চিন্তা ব্যতীত দিবানিশি অপর ভাবনা আমার মনেও উদ্ভিত হয় নাই ।

এমন সময়ে, ঈদৃশাবস্থা রত্নাবলীকে অকস্মাৎ প্রাপ্ত হইয়া, মহা-আহ্লাদিত হইলাম ; সেই বাণিজ্য-জীবীকে ভৎক্ষণাৎ যথোচিত ধন্যবাদ ও পুরস্কার দিলাম এবং প্রযত্ন পূর্ব্বক ঐ সমুদায় ব্যাপার অতি সংগোপনে রাখিলাম ।

অনন্তর, অনেক ভাবিয়া চিন্তিয়া, অবশেষে, স্থির করিলাম, অতঃ-পর সুলক্ষণা রত্নাবলীকে একরূপ সুকোশলে প্রভুর অকলঙ্কী করিয়া

দিতে হইবে, যাহাতে, মহারাণী, আমার প্রতি সপত্নী-সংঘটনা জন্য বিরাগ প্রদর্শন করিতে না পারেন অথচ আমার শুভাভিসন্ধি সুসিদ্ধ হয় । ইহা স্থিরভর করিয়া, একদা রাজবালাকে সঙ্গে লইলাম এবং অন্তঃপুরে প্রবেশিয়া রাজ্যীকে সম্বোধন করিয়া নিবেদন করিলাম, মা ! এই কন্যাটী, কে ? কিছুই নিশ্চয় নাই ; ইহা য় হঠাৎ সাগর-ভীরে পাওয়া গিয়াছে । বস্তুতঃ ইহার আকার প্রকার দর্শনে আমার বিলক্ষণ বোধ হইতেছে, ইনি কোন সম্মুখ সম্বংশের তনয়া হইবেন, সন্দেহ নাই । যাহা হউক, মা ! আমার প্রার্থনা, ইনি আপন-কার সহচরী হইয়া, এই রাজ-সংসারে প্রতিপালিতা হন । রত্নাবলীকে দেখিয়া, সহসা মহারাণীরও স্বভাব-সুলভ স্নেহ রসের উদয় হয় । সুতরাং তিনি আমার প্রার্থনায় সম্মত হন ।

শুনিয়া, সাতিশয় সন্তুষ্ট হইয়া, রাজ্যী মনে মনে বলিতে লাগিলেন, যোগদ্ধনায়ণের উদ্দেশ্য মন্দ নয় । যা হউক, সেই সময়ে, আমিও রত্নাবলীকে স্থান দিয়া, বড় ভাল কাজ করিয়াছিলাম । নতুবা আজি অনুভাপের পরিসীমা থাকিত না ।

তখন, রাজা হাসিতে হাসিতে কহিলেন, অমাত্য ! এইকণে রাণী জানিলেন, সাগরিকা পর নন ; তাঁহার ভগিনী । অতএব আপন-নার ভগিনীর জন্যে এ সময়ে যা কিছু করিতে হয়, না করিয়া, আর কদাচ নিশ্চিন্তা থাকিতে পারেন না । ইহাতে আর অন্যের কথা কহিবারও অপেক্ষা নাই । রাজা, ইহা কহিবাগাত্র রাজ্যী প্রীতা ও প্রসন্ন হইয়া হাসিতে লাগিলেন এবং কহিলেন, আর্গ্য-পুত্র ! এখন, স্পষ্ট করিয়াই বল না কেন ?—আমায় সাগরিকা দাও ; আর ভয় কি ? । রাজা কহিলেন, কম্পলতার কাছে মানস করিলেই যথেষ্ট হয় । মহিষী স্মিতমুখে উত্তর করিলেন, সভ্য ; কিন্তু গলবস্ত্র হইয়া ভিক্ষা না করিলে ঘটে না । রাজাও প্রত্যাভর করিলেন, সুখ-সাগর বারংবার অবগাহন করিতে

কার অনিচ্ছা ? বল । তখন, বসন্তক আচ্ছাদিত হইয়া কহিলেন, দেবি ! তুমি প্রিয় বয়সের আশ্রয় বেশ বুঝিয়াছ ।

অনন্তর, রাজ্ঞী সন্তুষ্টি ও আগ্রহান্বিতা হইয়া সাংগরিকাকে সম্বোধন করিয়া বলিলেন, ভগিনি ! এস ; অতঃপর আমার ভগিনী হও । পরে, আপনার সর্জাদ্বয়ের সমস্ত অলঙ্কার উন্মোচন করিয়া, স্নেহ ও আদর পূর্বক তাহাকে পরাইয়া দিলেন এবং তাঁহার ছুঁই হাত ধরিয়া বৎসেব্বরের হাতে সমর্পণ করিয়া কহিলেন, আৰ্য্যপুত্র ! এই সাংগরিকা লও । রাজা পরম আচ্ছাদ সমুদ্রে লীন হইয়া “মহারানীর পারিতোষিক বহু-মানিত পদার্থ !” বলিয়া, তৎক্ষণাৎ রত্নাবলীর পাণিগ্রহণ করিলেন । তখন, রাজ্ঞী পূৰ্ব্বাপেক্ষা সমধিক প্রীতি ও প্রসন্ন হইয়া কহিলেন, আৰ্য্যপুত্র ! এইক্ষণে আমি কিছু বলিতে চাই ; কিন্তু বলিবারও অপেক্ষা নাই ; তোমরা উভয়েই সকল কার্যের শেষ করিয়া রাখিয়াছ । সে যা হোক, তথাপি কিছু বলিতেছি, মনোযোগ পূর্বক শুন ; ইহার গুরুজন ও আত্মীয় স্বজন কেহই নিকটে নাই । অতএব, আমার এই-মাত্র প্রার্থনা, অবশেষে যেন ভগিনীর জন্যে আমার অনুরোধিত ও লজ্জিত হইতে না হয় ! । ইহার অধিক ভগিনীর ভাগ্য ও গুণের উপর নির্ভর ; তাহা অন্যের অনুরোধের বিষয় নয় । রাজা ব্যস্ত-সমস্ত হইয়া কহিলেন, প্রেয়সি ! আমি প্রাণান্তেও কি কখন তোমার অপ্রিয় কাজ করিতে পারি ? ।

রত্নাবলী বৎসরাজ উদয়নের হস্তগতা হইলেন, দেখিয়া, পুলকিত হইয়া, বস্তুভূতি বলিলেন, বৎসরাজ ! এইক্ষণে আমারও দেশে ফিরিয়া যাইবার পথ হইল । ছুঁতাকা বশতঃ ইষ্ঠাৎ বেক্রপ ভীষণ কাণ্ড ঘটয়াছিল ; মৃতকল্প হইয়া কালক্ষেপ ও জীবন-যাপন করিতেছিলাম । অন্তঃকরণে সূৰ্য বা আশার উজ্জেকও ছিল না । আর, পরিশেষে এইরূপ সজ্জল না ঘটিলেও সিংহল-রাজ ও সিংহল-রাজ্ঞী উভয়ে

প্রাণে বাঁচিতে নাই । এইক্ষণে, প্রীতী-নিকট প্রার্থনা করিতেছি, অতঃপর আপনারা সর্বথা কুশলী হউন । আর, ভুবনবিখ্যাত অবন্তী-ভূষণ ভূপবংশের ভূষা-স্বরূপিণী বাসবদত্তার সদ্যবহারেও তাঁহার মাতুল এবং মাতুলানী যথেষ্ট আনন্দিত ও প্রীত হইবেন, সন্দেহ নাই । অধিক কি ? বাসবদত্তার অলৌকিক অকাল অপমৃত্যু সংবাদে সহসা তাঁহাদের যে নির্বেদ জন্মিয়া রহিয়াছে, অতঃপর তাহাও আনন্দস্বরূপে পরিণত হইবে ।

রাজা, কৃতজ্ঞ-চিত্তে কহিলেন, আৰ্য্য ! ভগবান্ সিংহল-ভূস্বামীকে আমার প্রণাম জানাইবেন এবং বিশেষ করিয়া কহিবেন, তাঁহার এই সৌজন্যে ও অমুগ্রহে আমি কৃতার্থমান্য হইলাম । বসু-ভূতিও বলিলেন, অবশ্য জানাইব । কিন্তু ও-কথা উভয়ত্রেই সমান ।

এই-প্রকার অভাবনীয়-রূপে রাজার সমাগর ধরাধাম লাভের অধিতীয় হেতুভূতা রত্নাবলী লাভ হইল, দেখিয়া, পরিতুষ্ট হইয়া বসন্তক অপরিসীম আনন্দ প্রদর্শন করিতে লাগিলেন ; হাঃ-হাঃ শব্দ করিয়া হাসিতে লাগিলেন এবং বলিতে লাগিলেন, বাহোয়া-বাহোয়া ! অতঃপর আমরা ভুবন-বিজয়ী হইলাম ! পৃথিবী আমার প্রিয়-সখার করস্ব হইল !—প্রিয়সখা, সাক্ষ্যভৌম সম্রাট হইলেন ! ।

বসুভূতি, রত্নাবলীকে কহিলেন, রাজ-দুহিতে ! তোমার বড়-লিঙ্গীয়ে প্রণাম কর । রত্নাবলী, বাসবদত্তাকে প্রণাম করিলেন । বাসবদত্তা, প্রকুল্লচিত্তা ও পরম-উল্লাসিনী হইয়া গলা ধরিয়া, তাঁহার মুখচুখন পূর্বক আশীর্বাদ করিলেন এবং কহিলেন, এস-এস ! প্রিয়-ভগিনি ! চিরজীবিনী ও আৰ্য্যপুত্রের সোহাগিনী হও ।

বাক্যব্য, রাজার এই সকল অস্বাভাবিক-সাধারণ মহামুগ্ধাবন ও উদার আচরণ দেখিয়া যৎপরোনাস্তি পরিতুষ্ট হইল এবং কহিল, ঠাকুরাণি ! ভগবান, উচিত পাত্রেই “দেবী” শব্দ প্রয়োগ করিয়াছেন । আমি

দেখিতেছি, এই জগতীতলে আপনি বই “দেবী” শব্দ বিন্যাসের দ্বিতীয় স্থান নাই। শুনিয়া, হর্ষিণী ও উৎসাহিনী হইয়া, রাজ্ঞী ভগিনী রত্নাবলীকে পুনরায় সন্মেলন সম্ভাষণ এবং আলিঙ্গন করিয়া “দেবী” শব্দে সম্মানিতা করিলেন।

পারিশেষে, রাজা, আজ্ঞাদ-সাগরে বিলীন হইয়া কহিলেন, এতদিনে আমার সকল মনোরথ লাভ হইল। প্রিয়তম অমাত্য যোগ-ক্করায়ণ কৃতকার্য্য হইলেন। যোগক্করায়ণও কৃতাজ্ঞানিপুটে নিবেদন করিলেন, মহারাজ ! অতঃপর অতি অকিঞ্চৎকারী এ দাস ক্রীল ক্রীষুভের আর কি শুভামুষ্ঠানে ও সমীহিত-সাধনে রত থাকে, আজ্ঞা করুন। রাজা যৎপরোনাস্তি প্রীত ও প্রসন্ন হইয়া পুনরায় বলিলেন, অহে প্রাণাধিক প্রিয়তম ! তুমি যাহা করিলে, ইহার পর এই সংসারে আর কি প্রার্থন্যিভব্য পদার্থ আছে ?। তোমা হইতে আমার সর্বাভীষ্ট সুসিদ্ধ হইল, বিশ্ব-বিখ্যাত সিংহল রাজ্যের সুবিখ্যাত অধীশ্বর বিক্রমবাহু, আপন কন্যা সম্প্রদান দ্বারা আমায় বহুমানিত ও উন্নত করিলেন ; সসাগর ধরণীধাম লাভের অদ্বিতীয় হেতু-স্বরূপা সাতিশয় সুরূপা গুণবতী রত্নাবলী আমার প্রণয়িনী হইলেন এবং তাহাতে মহিবীর অণুমাত্র রোষ বা অসন্তোষ না হইয়া, প্রত্যুত যথেষ্ট সন্তোষ জন্মিল !। অতএব, এই সংসারে আর এমন কি প্রলোভনীয় বস্তু আছে, যাহাতে পুনরায় আমার অভিলাষ জন্মিতে পারে ?।

অশুদ্ধি-শোধন ।

অশুদ্ধ	শুদ্ধ	পৃষ্ঠা	পংক্তি
সিন্দুবার	সিন্দুবার	৬	১৫
বিঘনা	বিঘনাঃ	২৪	১০
নাই	না	৪১	২৪
অন্যান্য	অন্যাশা	৪৪	১২
লক্ষ্য	তাহা লক্ষ্য	৪৬	১০
করিতেছেন	করিলেন	৪৬	২০
ক্ষণিক	খানিক	৫৬	৩
বলিল	বলিলেন	৬৪	২৩
সামন্ত	সামন্ত	৬৬	২
অমরস্বলী	অমরস্বলী	৭০	৩
লেখা	খেলা	৮০	২২
